




Broj: 03-11-4107-4/2023
Dana; 26.06.2023. godine

SKUPŠTINA UNSKO-SANSKOG KANTONA



PREDMET: Izvještaj o radu i finansijskom poslovanju JP „RTV USK“ d.o.o. Bihać za 2022. godinu, broj: 295-04/23 od 17.04.2023. godine, dostavlja se

Na osnovu člana 96. stav (2) i 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu akta dostavljamo vam Izvještaj o radu i finansijskom poslovanju JP „RTV USK“ d.o.o. Bihać za 2022. godinu, broj: 295-04/23 od 17.04.2023. godine, uz sljedeće:

O b r a z l o ž e n j e

Vlada Unsko-sanskog kantona je na svojoj 30. sjednici održanoj dana 23.06.2023. godine razmatrala Izvještaj o radu i finansijskom poslovanju JP „RTV USK“ d.o.o. Bihać za 2022. godinu, broj: 295-04/23 od 17.04.2023. godine, te donijela Zaključak broj: 03-02-2190-420/2023, s kojim isti nije prihvatila.

Kako je članom 2. stav (2) Odluke o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona, propisano da su javne i zdravstvene ustanove, javna preduzeća, zavodi, službe, fondovi čiji je osnivač Skupština Kantona ili tijela i lica koja imenuje, potvrđuje ili razrješava Skupština, dužni program rada i izvještaj o radu dostaviti Skupštini Kantona na način utvrđen u predmetnoj odluci u prilogu akta dostavljamo Vam na razmatranje Izvještaj o radu i finansijskom poslovanju JP „RTV USK“ d.o.o. Bihać za 2022. godinu, broj: 295-04/23 od 17.04.2023. godine, predlagača Ministarstva obrazovanja, nauke, kulture i sporta.


S poštovanjem,


Prilog:

- Izvještaj o radu i finansijskom poslovanju JP „RTV USK“ d.o.o. Bihać za 2022. godinu, broj: 295-04/23 od 17.04.2023. godine
- Zaključak Vlade Unsko-sanskog kantona broj: 03-02-2190-420/2023 od 23.06.2023. godine

Dostavljeno:
1. Naslovu
2. a/a

PO OVLAŠTENJU PREMIJERA KANTONA
ministar Ministarstva pravosuđa i uprave
Dragan Polimanic, dipl.pravnik





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva obrazovanja, nauke, kulture i sporta, Vlada Unsko-sanskog kantona na 30. sjednici održanoj dana 23.06.2023. godine, donosi

ZAKLJUČAK


I

Ne prihvata se Izvještaj o radu i finansijskom poslovanju JP „RTV USK“ d. o. o. Bihać za 2022. godinu broj: 295-04/23 od 17.04.2023. godine zbog negativnog poslovanja, s tim da se isti uputi Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-02-2190-420/2023
Bihać; 23.06.2023. godine



Po ovlaštenju premijera Kantona
minister Ministarstva pravosuđa i uprave
Dragan Polimanac, dipl.pravnik

**JP Radio-televizija Unsko-
sanskog kantona d.o.o. Bihać**
Trg marsala Tita bb, 77000
Bihać, BiH
Tel/fax: 037/222-701;
Redakcija: 037/222-705 Desk: 037/226-198;
Marketing: 037/226-487; Radio: 037/222-679



www.rtvusk.ba

**Public company Radio-
television of Una-Sana Canton**
Square maršal Tito nn,
77000, Bihać, BiH
Tel/fax: +387/37/222-701; Desk 226-198;
Marketing: 226-487; Radio: 222-679

Broj: 08-01/21
Bihać, 24.02.2022. godine

Na osnovu člana 6., a u skladu sa članom 23. Zakona o javnim preduzećima u Federaciji Bosne i Hercegovine („Sl. novine FBiH“ broj: 8/05, 81/08, 22/09 i 109/12), člana 26. alineja 7. Statuta Javnog preduzeća „Radio televizija Unsko – sanskog kantona“ društva sa ograničenom odgovornošću Bihać i Odluke privremenog Nadzornog odbora o usvajanju i podnošenju Skupštini Društva Programa rada sa Finansijskim planom JP „RTVUSK“ za 2022. godinu broj: 10-02/22 od 14.02.2022. godine, Skupština Društva na svojoj redovnoj 09. sjednici održanoj dana, 24.02.2022. godine donosi

ODLUKU

**o usvajanju i podnošenju godišnjeg Programa rada za 2022. godinu sa Finansijskim planom JP „RTV
USK“ d.o.o. Bihać Skupštini USK-a**

Član 1.

Usvaja se godišnji Program rada sa Finansijskim planom za 2022. godinu JP „RTV USK“ d.o.o. Bihać i podnosi Skupštini USK na razmatranje i konačno usvajanje.

Član 2.

Skupština Društva prihvata Finansijski plan u kojem su iskazani ukupni prihodi u iznosu od 2.634.635,00 KM, a ukupni rashodi u ukupnom iznosu od 2.634.635,00 KM

Član 3.

Zadužuje se Uprava Društva i sekretar Skupštine Društva da usvojeni Program rada sa Finansijskim planom za 2022. godinu prosljedi Osnivaču Društva u redovnu proceduru razmatranja i usvajanja.

Član 4.

Ova Odluka stupa na snagu danom donošenja.

**PREDSJEDNIK SKUPŠTINE
DRUŠTVA**

Edis Softić

Dostavljeno:

1. predsjedniku Skupštine Društva
2. predsjedniku privremenog Nadzornog odbora Društva
3. direktoru Društva
4. Ministarstvu obrazovanja, nauke, kulture i sporta USK-a
5. Odjeljenju računovodstva Društva
6. sekretaru Skupštine Društva
7. arhivi Skupštine Društva
8. a/a

Identifikacijski broj: 4263246960009; Porezni broj: 11001801; PDV broj: 263246960009;

Transakcijski račun: UniCredit bank dd Filijala Bihać: 3385002200164104; e-mail: sekretar.rtvusk@rtvusk.ba

JP Radio-televizija Unsko-
sanskog kantona d.o.o. Bihać
Trg marsala Tita bb
77000 Bihać, BiH
Tel/fax: 037/222-701;
Redakcija: 037/222-705 Desk: 037/226-198;
Marketing: 037/226-487; Radio: 037/222-679



www.rtvusk.ba

Public company Radio-
television of Una-Sana Canton
Square marsal Tito nn,
77000, Bihać, BiH
Tel/fax: +387/37/222-701; Desk 226-198;
Marketing: 226-487; Radio: 222-679

Broj: 10 -02/22
Bihać, 14.02.2022. godine

Na osnovu člana 45. alineja 12. Statuta Javnog preduzeća „Radio televizija Unsko-sanskog kantona“ društva sa ograničenom odgovornošću Bihać, a na usvojeni prijedlog Uprave Društva, privremeni Nadzorni odbor na svojoj 1. redovnoj sjednici održanoj dana, 14.02.2022.godine donosi

ODLUKU
o usvajanju i podnošenju Skupštini Društva Programa rada sa Finansijskim planom JP „RTV USK“
d.o.o. Bihać za 2022. godinu

Član 1.

Usvaja se Program rada sa Finansijskim planom za 2022.godinu JP „RTV USK“ d.o.o. Bihać kojeg je podnijela Uprava Društva privremenom Nadzornom odboru, a privremeni Nadzorni odbor podnosi Skupštini Društva na konačno usvajanje.

Član 2.

Privremeni Nadzorni odbor prihvata Finansijski plan u kojem su iskazani ukupni prihodi u iznosu od 2.634.635,00 KM, a ukupni rashodi u ukupnom iznosu od 2.634.635,00 KM

Član 3.

Ova Odluka stupa na snagu danom donošenja.

PREDSJEDNIK PRIVREMENOG
NADZORNOG ODBORA



Jasmina Smajić

Dostavljeno:

1. predsjedniku i članovima Skupštine Društva
2. predsjedniku priv. Nadzornog odbora
3. direktoru Društva
4. Odboru za reviziju
5. Odjeljenju računovodstva
6. sekretaru Skupštine Društva
7. Arhiva NO-a
8. a/a



REVIZIJA FINANSIJSKIH IZVJEŠTAJA
SAVJETOVANJE U VEZI POREZA
IZVJEŠTAJI O TRANSFERNIM CIJENAMA
RAČUNOVODSTVENE USLUGE

PROFIT-A d.o.o.
ID: 4263031170007
PDV: 263031170007
Reg. mat. br.: 1-4533-00

Sparkasse Bank: 199 045 00020 189 10
Raiffeisen Bank: 161 035 00075 100 73

**JP RADIO TELEVIZIJA
UNSKO-SANSKOG KANTONA d.o.o. Bihać**

**NEOVISNO REVIZORSKO MIŠLJENJE
I FINANSIJSKI IZVJEŠTAJ IZ GODINE KOJA JE ZAVRŠILA
31.12.2022. GODINE**

Bosanski Petrovac, 4/2023. godine

IZVJEŠTAJ NEOVISNOG REVIZORA

Udjeličarima JP Radio televizija Unsko-sanskog kantona d.o.o. Bihać
Upravi JP Radio televizija Unsko-sanskog kantona d.o.o. Bihać

Mišljenje

Obavili smo reviziju finansijskih izvještaja Društva JP Radio televizija Unsko-sanskog kantona d.o.o. Bihać (Društvo), koji obuhvataju izvještaj o finansijskom položaju na 31.12.2022. godine, izvještaj o sveobuhvatnoj dobiti, izvještaj o promjenama u kapitalu (glavnici) i izvještaj o novčanim tokovima za tada završenu godinu te bilješke uz finansijske izvještaje, uključujući i sažetak značajnih računovodstvenih politika.

Prema našem mišljenju, priloženi finansijski izvještaji istinito i fer prikazuju, u svim značajnim odrednicama, finansijski položaj Društva na 31.12.2022. godine i njegovu finansijsku uspješnost te njegove novčane tokove za tada završenu godinu u skladu s Međunarodnim standardima finansijskog izvještavanja (MSFI).

Osnova za mišljenje

Obavili smo našu reviziju u skladu s Međunarodnim revizijskim standardima (MRevS-ima). Naše odgovornosti prema tim standardima su detaljnije opisane u našem izvještaju u odjeljku o revizorovim odgovornostima za reviziju finansijskih izvještaja. Neovisni smo od Društva u skladu s etičkim zahtjevima koji su relevantni za našu reviziju finansijskih izvještaja u Federaciji Bosne i Hercegovine i ispunili smo naše ostale etičke odgovornosti u skladu s tim zahtjevima. Vjerujemo da su revizijski dokazi koje smo dobili dostatni i primjereni da osiguraju osnovu za naše mišljenje.

Ključna revizijska pitanja (KRP)

Ključna revizijska pitanja su ona pitanja koja su bila, po našoj profesionalnoj prosudbi, od najveće važnosti za našu reviziju finansijskih izvještaja tekućeg razdoblja. Tim pitanjima smo se bavili u kontekstu naše revizije finansijskih izvještaja kao cjeline i pri formiranju našeg mišljenja o njima, mi ne dajemo zasebno mišljenje o tim pitanjima.

U toku naše revizije smo utvrdili da postoji jedno ključno revizijsko pitanje koje treba objaviti u našem izvještaju. To pitanje i revizijski postupci u vezi tog pitanja su kako slijedi:

1. Adekvatnost kapitala u Društvu

Osnovni kapital društva iznosi 2.916.475 KM, a ukupni gubitak na dan 31.12.2022. godine iznosi 2.126.108 KM.

Kada u društvu gubitak dostigne preko 50% iznosa osnovnog kapitala tada je u društvu nastala neadekvatnost kapitala. Zakonom o finansijskom poslovanju u FBiH (Službene novine FBiH broj 48/2016) Uprava je dužna poduzeti sve potrebne mjere da društvo raspolaže s dovoljno dugoročnih izvora finansiranja, te da vrši praćenje adekvatnosti kapitala i poduzima mjere u vezi s tim.

1.1. Revizijski postupci u vezi KRP 1.

Mi smo:

- a) stekli dovoljno dokumentiranosti u vezi utvrđivanja adekvatnosti kapitala koji se odnosi na period 01.01.2022. godine do 31.12.2022. godine,
- b) testirali matematičku tačnost radi utvrđivanja adekvatnosti kapitala,
- c) utvrdili kad je društvo zadnji put vršilo povećanje osnovnog kapitala,
- d) utvrdili Zakonski propis koji reguliše predmetnu oblast.

Na temelju prikupljenih dokaza dobili smo potvrdu da je kapital društva na dan sastavljanja finansijskih izvještaja bio neadekvatan.

Na prethodno navedno ključno revizijsko pitanje, mi ćemo upozoriti Upravu društva i izdati adekvatnu revizorsku preporuku.

Odgovornosti Uprave Društva i onih koji su zaduženi za upravljanje za finansijske izvještaje

Menadžment je odgovoran za sastavljanje i fer prezentaciju finansijskih izvještaja u skladu s Međunarodnim standardima finansijskog izvještavanja (MSFI) i za one interne kontrole za koje menadžment odredi da su potrebne za omogućavanje sastavljanja finansijskih izvještaja koji su bez značajnog pogrešnog prikaza uslijed prijevare ili pogreške.

U sastavljanju finansijskih izvještaja, menadžment je odgovoran za procjenjivanje sposobnosti Društva da nastavi s poslovanjem po vremenski neograničenom poslovanju, objavljivanje, ako je primjenjivo, pitanja povezanih s vremenski neograničenim poslovanjem i korištenjem računovodstvene osnove utemeljene na vremenskoj neograničenosti poslovanja, osim ako menadžment ili namjerava likvidirati Društvo ili prekinuti poslovanje ili nema realne alternative nego da to učini.

Oni koji su zaduženi za upravljanje su odgovorni za nadziranje procesa finansijskog izvještavanja kojeg je ustanovilo Društvo.

Revizorove odgovornosti za reviziju finansijskih izvještaja

Naši ciljevi su steći razumno uvjerenje o tome jesu li finansijski izvještaji kao cjelina bez značajnog pogrešnog prikaza uslijed prijevare ili pogreške i izdati revizorovo izvješće koje uključuje naše mišljenje. Razumno uvjerenje je viša razina uvjerenja, ali nije garancija da će revizija obavljena u skladu s MRevS-ima uvijek otkriti značajno pogrešno prikazivanje kada ono postoji. Pogrešni prikazi mogu nastati uslijed prijevare ili pogreške i smatraju se značajni ako se razumno može očekivati da, pojedinačno ili u zbroju, utječu na ekonomske odluke korisnika donijete na osnovi tih finansijskih izvještaja.

Detaljni opis revizorove odgovornosti za reviziju finansijskih izvještaja se nalazi na web stranici Saveza računovođa i revizora Federacije Bosne i Hercegovine (www.srr-fbih.org). Taj opis predstavlja dio našeg izvještaja.

Ime partnera na angažovanju

Partner u angažovanju na reviziji na osnovu koga je sastavljen ovaj izvještaj je Bašanović Jasmina, ovlašteni revizor.

Bašanović Jasmina, dipl. ecc.
(ovlašteni revizor, licenca: 3011115205)

M.P.

Dervić Đemila, dipl. ecc., direktor

PROFIT-A d.o.o.
Trgovačka 35
77 250 Bosanski Petrovac

Datum: 03.04.2023. godine

IZJAVA O ODGOVORNOSTI ZA FINACIJSKE IZVJEŠTAJE

U skladu sa Zakonom o računovodstvu i reviziji u Federaciji Bosne i Hercegovine (Službene novine FBiH, broj 15/21), Uprava je dužna osigurati da za svaku finansijsku godinu budu sastavljeni finansijski izvještaji u skladu sa Međunarodnim standardima finansijskog izvještavanja (MSFI) koje je objavio Međunarodni odbor za računovodstvene standarde, koji pokazuju istinit i fer pregled stanja Društva, kao i njegove rezultate poslovanja za navedeni period.

Nakon provedbe ispitivanja, Uprava opravdano očekuje da će Društvo u dogledno vrijeme raspolagati odgovarajućim resursima, te stoga pri sastavljanju finansijskih izvještaja i dalje usvaja načelo vremenske neograničenosti poslovanja.

Odgovornosti Uprave pri izradi finansijskih izvještaja obuhvataju sljedeće:

- Odabir i dosljednu primjenu odgovarajućih računovodstvenih politika,
- Davanje opravdanih i razboritih prosudbi i procjena,
- Postupanje u skladu sa važećim računovodstvenim standardima, uz objavljivanje i obrazloženje svih materijalno-značajnih odstupanja u finansijskim izvještajima, te
- Sastavljanje finansijskih izvještaja pod pretpostavkom vremenske neograničenosti poslovanja, osim ako pretpostavka da će društvo nastaviti poslovati nije primjerena.

Uprava je odgovorna za vođenje odgovarajućih računovodstvenih evidencija, koje u svakom trenutku s opravdanom tačnošću prikazuju finansijski položaj društva. Također, Uprava je dužna brinuti se da finansijski izvještaji budu u skladu sa Zakonom o računovodstvu i reviziji u Federaciji Bosne i Hercegovine. Pored toga, Uprava je odgovorna za čuvanje imovine društva te za poduzimanje opravdanih koraka za sprečavanje i otkrivanje prevare i drugih nepravilnosti.

Finansijski izvještaji su odobreni 14.02.2023. godine od strane uprave. Ta uprava snosi odgovornost za finansijske izvještaje.

M.P.

Predsjednik Uprave:

Pašić Irma, direktor

JP Radio televizija Unsko-sanskog kantona d.o.o. Bihać

Datum: 28.02.2023. godine

IZVJEŠTAJ O UKUPNOM REZULTATU
ZA GODINU KOJA JE ZAVRŠILA 31.12.2022.

Bilansna pozicija	Napomena	2022.	2021.
Prihodi iz ugovora s kupcima			
Prihodi iz ugovora sa nepovezanim stranama na domaćem tržištu	5	555.973	534.613
Ostali prihodi i dobiti		555.973	534.613
Dobici od dugoročne nefinancijske imovine	6	2.053.402	1.722.930
Financijski prihodi		0	1.281
Ostali prihodi i dobiti		31	30
UKUPNI PRIHODI		2.053.371	1.721.619
Poslovni rashodi		2.609.375	2.257.543
Troškovi sirovina i materijala	7	(2.675.948)	(2.395.765)
Troškovi energije i goriva		(10.112)	(14.677)
Troškovi plaća i ostalih ličnih primanja		(44.979)	(51.640)
Amortizacija		(2.177.564)	(1.857.732)
Troškovi primljenih usluga		(284.912)	(249.310)
Ostali poslovni rashodi i troškovi		(36.950)	(100.433)
Ostali rashodi i gubici		(121.431)	(121.973)
Gubici od dugoročne nefinancijske imovine	8	(53.181)	(41.142)
Financijski rashodi		(1.358)	(3.047)
Ostali rashodi i gubici		(25.389)	(29.290)
UKUPNI RASHODI		(26.434)	(8.805)
UKUPNI REZULTAT		(2.729.129)	(2.436.907)
		(119.754)	(179.364)

IZVJEŠTAJ O FINANCIJSKOM POLOŽAJU

NA DAN 31.12.2022. GODINE

Bilansna pozicija	Napomena	2022.	2021.
Dugoročna imovina		972.137	1.261.268
Nekretnine, postrojenja i oprema	10	549.401	696.162
Imovina s pravom korištenja	11	381.770	497.656
Nematerijalna imovina	12	0	1.566
Ostala imovina i potraživanja	13	40.966	65.884
Kratkoročna imovina		654.643	775.778
Zalihe	14	2.012	0
Potraživanja od kupaca	15	87.323	61.953
Novac i novčani ekvivalenti	16	301.129	302.237
Ostala imovina i potraživanja, uključujući i razgraničenja	17	264.179	411.588
UKUPNO IMOVINA		1.626.780	2.037.046
Vanbilansna evidencija		112.607	112.607
UKUPNO IMOVINA I VANBILANSNA EVIDENCIJA		1.739.387	2.149.653
Vlasnički kapital		2.916.475	2.916.475
Državni kapital		2.916.475	2.916.475
Gubitak		(2.126.108)	(2.006.352)
Akumulirani, nepokriveni gubici iz prethodnih perioda		(2.006.354)	(1.826.990)
Gubitak tekućeg perioda		(119.754)	(179.362)
UKUPNO KAPITAL	18	790.367	910.123
Dugoročne obaveze	19	535.893	682.293
Odgođeni prihod		21.711	27.309
Ostale obaveze, uključujući i razgraničenja		514.182	654.984
Kratkoročne obaveze	20	300.520	444.630
Financijske obaveze po amortizovanom trošku		95.942	133.624
Obaveze za porez na dobit		1.826	19.619
Ostale obaveze, uključujući i razgraničenja		202.752	291.387
UKUPNO OBAVEZE		836.413	1.126.923
UKUPNO KAPITAL I OBAVEZE		1.626.780	2.037.046
Vanbilansna evidencija		112.607	112.607
UKUPNO KAPITAL I OBAVEZE I VANBILANSNA EVIDENCIJA		1.739.387	2.149.653

IZVJEŠTAJ O NOVČANIM TOKOVIMA
ZA GODINU KOJA JE ZAVRŠILA 31.12.2022.

Bilansna pozicija	2022.	2021.
GOTOVINSKI TOKOVI IZ POSLOVNIH AKTIVNOSTI		
Dobit (gubitak) prije oporezivanja	(119.754)	(179.364)
Amortizacija	284.912	249.310
Dobit (gubitak) od otuđenja nekretnina, postrojenja i opreme, neto	1.358	(601)
Smanjenje (povećanje) zaliha	(2.011)	162
Smanjenje (povećanje) potraživanja od kupaca	(25.370)	(2.543)
Smanjenje (povećanje) ostale imovine i potraživanja	147.409	(90.217)
Povećanje (smanjenje) obaveza prema dobavljačima	(29.738)	(16.028)
Povećanje (smanjenje) ostalih obaveza	(252.608)	653.286
Neto gotovinski tok iz poslovnih aktivnosti	4.198	614.005
GOTOVINSKI TOKOVI IZ ULAGAČKIH AKTIVNOSTI		
Prilivi gotovine iz ulagačkih aktivnosti	0	0
Odlivi gotovine iz ulagačkih aktivnosti	(0)	(0)
Neto priliv (odliv) gotovine iz ulagačkih aktivnosti	0	0
GOTOVINSKI TOKOVI IZ FINACIJSKIH AKTIVNOSTI		
Prilivi gotovine iz finacijskih aktivnosti	0	0
Odlivi gotovine iz finacijskih aktivnosti	(5.306)	(621.274)
Neto priliv (odliv) gotovine iz finacijskih aktivnosti	(5.306)	(621.274)
UKUPNI PRILIVI GOTOVINE	4.198	614.005
UKUPNI ODLIVI GOTOVINE	(5.306)	(621.274)
NETO PRILIVI/ODLIVI GOTOVINE	(1.108)	(7.269)
Gotovina na početku izvještajnog perioda	302.237	309.506
Gotovina na kraju izvještajnog perioda	301.129	302.237

IZVJEŠTAJ O PROMJENAMA NA KAPITALU
ZA GODINU KOJA JE ZAVRŠILA 31.12.2022.

VRSTA PROMJENE NA KAPITALU	Dionički kapital i udjeli u društvu sa ograničenom odgovornošću	Statutarne i druge rezerve	Nerealizovani dobiti/gubici po osnovu finansijskih sredstava	Akumulirana dobit/gubitak	Ukupno
Stanje na dan 01.01.2021.	2.916.475	0	0	(1.826.989)	1.089.486
Neto dobit (gubitak) 2021.	0	0	0	(179.364)	(179.364)
Stanje na dan 31.12.2021.	2.916.475	0	0	(2.006.353)	910.122
Neto dobit (gubitak) 2022.	0	0	0	(119.754)	(119.754)
Ostale promjene	0	0	0	(1)	(1)
Stanje na dan 31.12.2022.	2.916.475	0	0	(2.126.108)	790.367

1. OPĆI PODACI O DRUŠTVU

Osnivač društva je: Unsko-sanski kanton sa 100% vlasništva u osnovnom kapitalu u iznosu od 2.916.475 KM. Društvo ima upravu.

Upravu čine:

- Irma Pašić, direktor neograničenih ovlaštenja
- Gorica Bukić, izvršni direktor radio programa neograničenih ovlaštenja
- Senad Ramić, izvršni direktor tv programa ograničenih ovlaštenja.

Društvo je zaključilo 01.04.2021. godine Ugovor o zakupu sa Agraminvest d.o.o. Mostar na period od 5 godina i mjesečnu zakupninu 12.247,12 KM sa uračunatim pdv-om. U cijenu zakupa su uračunati troškovi električne energije, vode, grijanja – hlađenja i održavanja.

U sudski registar, kod subjekta upisa JP Radio televizija Unsko-sanskog kantona d.o.o. Bihać, matični registarski broj upisa 1-804-00 upisani su sljedeći podaci:

Datum	Broj rješenja	Opis
22.12.1995.	U/I-768/95	Osnivanje Javnog preduzeća RADIO TELEVIZIJA UNSKO-SANSKOG KANTONA p.o. Bihać, ulica Gajevo šetalište b.b. Osnivač društva je Unsko-sanski kanton. Osnovni kapital 10.000 DM. Lice ovlašteno za zastupanje je Emin Mesić, v.d. direktor neograničenih ovlaštenja.
16.12.1997.	U/I-1621/97	Upis podataka o pripajanju JP Radio Velika Kladuša.
23.04.1998.	U/I-406/98	Raniji v.d. direktor društva Emin Mesić je razriješen dužnosti. Imenovano ovlašteno lice za zastupanje društva je Emin Huskić, v.d. direktor neograničenih ovlaštenja.
13.05.1999.	U/I-442/99	Upis podataka o promjeni lica ovlaštenog za zastupanje društva. Emin Huskić je razriješen dužnosti v.d. direktora, i imenovan kao direktor neograničenih ovlaštenja.
23.11.2000.	U/I-2190/2000	Upis podataka o brisanju iz sudskog registra Odjeljenja Radio Velika Kladuša.
26.06.2001.	U/I-1018/2001	Upis podataka o promjeni lica ovlaštenog za zastupanje. Emin Huskić je razriješen dužnosti, a imenovan je Senad Ramić, v.d. direktor neograničenih ovlaštenja.
02.07.2008.	017-0-Reg-08-000374	Upis podataka o usklađivanju sa Zakonom o javnim preduzećima. Društvo nastavlja poslovanje pod nazivom Javno preduzeće Radio televizija Unsko-sanskog kantona d.o.o. Bihać, a skraćeni naziv je JP RTV USK-a Bihać. Sjedište društva je 502. Viteške brigade broj 11, osnovni kapital 2.208.554 KM, a lice ovlašteno za zastupanje je Senad Ramić, direktor neograničenih ovlaštenja.
12.08.2009.	017-0-Reg-09-000450	Upis podataka o promjeni lica ovlaštenog za zastupanje. Senad Ramić je razriješen dužnosti, a imenovana je Gorica Bukić, v.d. direktor neograničenih ovlaštenja.

- 08.10.2009. 017-0-Reg-09-000546 Upis podataka o promjeni lica ovlaštenog za zastupanje. Gorica Bukić je razriješena dužnosti, a imenovana je Dika Bejdić, direktor neograničenih ovlaštenja.
- 04.08.2010. 017-0-Reg-10-000407 Upis podataka o promjeni lica ovlaštenog za zastupanje. Dika Bejdić je razriješena dužnosti, a imenovana je Nermina Zulić, v.d. direktor neograničenih ovlaštenja.
- 27.09.2010. 017-0-Reg-10-000498 Upis podataka o imenovanju direktora društva. Nermina Zulić je razriješena dužnosti v.d. direktora, i imenovana kao direktor neograničenih ovlaštenja.
- 07.01.2011. 017-0-Reg-11-000004 Upis podataka o imenovanju Senada Ramića kao izvršnog direktora društva neograničenih ovlaštenja.
- 10.07.2013. 017-0-Reg-13-000429 Upis podataka o imenovanju trećeg lica ovlaštenog za zastupanje društva, a to je Nijaz Glumac, izvršni direktor neograničenih ovlaštenja.
- 03.10.2014. 017-0-Reg-14-000579 Upis podataka o imenovanju v.d. direktora društva. Nermina Zulić je razriješena dužnosti direktora društva i imenovana kao v.d. direktor neograničenih ovlaštenja. Izvršni direktori neograničenih ovlaštenja su Senad Ramić i Nijaz Glumac.
- 03.04.2015. 017-0-Reg-15-000208 Upis podataka o promjeni lica ovlaštenih za zastupanje društva. Razriješeni su dužnosti v.d. direktor Nermina Zulić i izvršni direktori Senad Ramić i Nijaz Glumac. Imenovana lica ovlaštena za zastupanje društva su Senad Ramić, v.d. direktor neograničenih ovlaštenja i Nijaz Glumac, v.d. izvršni direktor neograničenih ovlaštenja.
- 15.09.2015. 017-0-Reg-15-000522 Upis podataka o promjeni lica ovlaštenih za zastupanje društva. Raniji v.d. direktor Senad Ramić razriješen je dužnosti. Lica ovlaštena za zastupanje društva su Izet Mustafić, direktor neograničenih ovlaštenja, Nijaz Glumac, v.d. izvršni direktor radio programa neograničenih ovlaštenja i Senad Ramić, izvršni direktor tv-programa neograničenih ovlaštenja.
- 17.12.2015. 017-0-Reg-15-000754 Upis podataka o promjeni lica ovlaštenog za zastupanje društva. Raniji v.d. izvršni direktor radio programa Nijaz Glumac je Odlukom Nadzornog odbora razriješen dužnosti. Lica ovlaštena za zastupanje društva:
-Izet Mustafić, direktor neograničenih ovlaštenja,
-Gorica Bukić, izvršni direktor radio programa neograničenih ovlaštenja,
-Senad Ramić, izvršni direktor tv programa neograničenih ovlaštenja.
- 15.09.2016. 017-0-Reg-16-000298 Upis podataka o povećanju osnovnog kapitala društva. Osnovni kapital je povećan za 707.921 KM. Osnovni kapital društva nakon povećanja iznosi 2.916.475 KM.
- 06.07.2018. 017-0-Reg-18-000498 Upis podataka o promjeni lica ovlaštenog za zastupanje društva. Raniji direktor Izet Mustafić je odlukom Privremenog nadzornog odbora razriješen dužnosti. Lica ovlaštena za zastupanje društva su:

- Senudin Jašarević, v.d. direktor neograničenih ovlaštenja,
 -Gorica Bukić, izvršni direktor radio programa neograničenih ovlaštenja
 -Senad Ramić, v.d. izvršni direktor tv programa neograničenih ovlaštenja.
- 28.03.2019. 017-0-Reg-19-000195 Upis podataka o promjeni lica ovlaštenog za zastupanje društva. Raniji v.d. direktor Senudin Jašarević je odlukom Privremenog nadzornog odbora razriješen dužnosti. Lica ovlaštena za zastupanje društva su:
 -Irma Pašić, v.d. direktor neograničenih ovlaštenja,
 -Gorica Bukić, izvršni direktor radio programa neograničenih ovlaštenja
 -Senad Ramić, v.d. izvršni direktor tv programa neograničenih ovlaštenja.
- 26.04.2019. 017-0-Reg-19-000265 Upis podataka o imenovanju direktora društva. Raniji v.d. direktor je odlukom Nadzornog odbora razriješen dužnosti. Lica ovlaštena za zastupanje društva su:
 -Irma Pašić, direktor neograničenih ovlaštenja,
 -Gorica Bukić, izvršni direktor radio programa neograničenih ovlaštenja
 -Senad Ramić, v.d. izvršni direktor tv programa neograničenih ovlaštenja.
- 03.07.2019. 017-0-Reg-19-000388 Upis podataka o imenovanju direktora društva. Raniji v.d. direktor je odlukom Nadzornog odbora razriješen dužnosti. Lica ovlaštena za zastupanje društva su:
 -Irma Pašić, direktor neograničenih ovlaštenja,
 -Gorica Bukić, izvršni direktor radio programa neograničenih ovlaštenja
 -Anela Halilagić, v.d. izvršni direktor tv programa neograničenih ovlaštenja.
- 23.12.2019. 017-0-Reg-19-000696 Upis podataka o razriješenju i imenovanju izvršnih direktora društva. Lica ovlaštena za zastupanje društva su:
 -Irma Pašić, direktor neograničenih ovlaštenja
 -Gorica Bukić, izvršni direktor radio programa neograničenih ovlaštenja
 -Halilagić Anela, izvršni direktor tv programa ograničenih ovlaštenja.
- 22.04.2021. 017-0-Reg-21-000247 Upis podataka o promjeni sjedišta društva. Novo sjedište se nalazi u Bihaću, Trg Maršala Tita b.b.
- 09.05.2022. 017-0-Reg-22-000318 Upis podataka o razriješenju i imenovanju izvršnog direktora TV programa. Lica ovlaštena za zastupanje društva su:
 -Irma Pašić, direktor neograničenih ovlaštenja
 -Gorica Bukić, izvršni direktor radio programa neograničenih ovlaštenja

-Senad Ramić, v.d. izvršni direktor tv programa ograničenih ovlaštenja.

05.08.2022. 017-0-Reg-22-000505 Upis podataka o promjeni lica ovlaštenog za zastupanje društva. Lica ovlaštena za zastupanje društva su:
-Irma Pašić, direktor neograničenih ovlaštenja
-Gorica Bukić, izvršni direktor radio programa neograničenih ovlaštenja
-Senad Ramić, izvršni direktor tv programa ograničenih ovlaštenja.

U registru poslovnih subjekata kod Federalnog zavoda za statistiku društvo se vodi pod identifikacijskim brojem: 4263246960009 sa kojim je registrirano u Poreznoj upravi FBiH-Kantonalni ured Unsko-sanskog kantona.

Osnovna djelatnost društva prema Obavještenju o razvrstavanju pravnog lica po djelatnostima je: Emitiranje televizijskog programa (šifra djelatnosti KD2010-60.20).

Na dan 31.12.2022. godine u društvu je bilo zaposleno 75 radnika, a na dan 31.12.2021. godine 73 radnika.

2. USVAJANJE NOVIH I IZMJENJENIH RAČUNOVODSTVENIH STANDARDA I STANDARDA FINACIJSKOG IZVJEŠTAVANJA (MRS/MSFI)

2.1. Standardi i tumačenja na snazi u tekućem periodu

Sljedeće izmjene postojećih standarda i tumačenja, izdatih od Odbora za međunarodne računovodstvene standarde bili su na snazi za tekući period:

- Izmjene MRS 19 Primanja zaposlenih, definisani planovi primanja zaposlenih: doprinosi zaposlenih (na snazi za godišnje periode koji počinju na ili nakon 1. jula 2014.)
- Izmjene različitih standarda i tumačenja Poboljšanja MSFI-a (ciklus 2010-2012) koja su rezultat projekta godišnjeg kvalitativnog poboljšanja MSFI (MSFI 2, MSFI 3, MSFI 8, MSFI 13, MRS 16, MRS 24 i MRS 38) prvenstveno kroz otklanjanje nekonzistentnosti i raščlanjivanje teksta (izmjene će biti na snazi za godišnje periode koji počinju na ili nakon 1. jula 2014.)
- Izmjene različitih standarda i tumačenja Poboljšanja MSFI-a (ciklus 2011-2013) koja su rezultat projekta godišnjeg kvalitativnog poboljšanja MSFI (MSFI 1, MSFI 3, MSFI 13 i MRS 40) prvenstveno kroz otklanjanje nekonzistentnosti i raščlanjivanje teksta (izmjene će biti na snazi za godišnje periode koji počinju na ili nakon 1. jula 2014.)
- MSFI 14 Razgraničavanje zakonskih i propisanih dažbina (na snazi za godišnje periode koji počinju na ili nakon 1. januara 2016.)
- Izmjene MRS 1 prezentacija finacijskih izvještaja, inicijativa za objavljivanje (na snazi za godišnje periode koji počinju na ili nakon 1. januara 2016.)

- Izmjene MSFI 11 Zajednički aranžmani, Računovodstveni tretman sticanja udjela u zajedničkim operacijama (na snazi za godišnje periode koji počinju na ili nakon 1. januara 2016.)
- Izmjene MRS 16 Nekretnine, postrojenja i oprema i MRS 38 Nematerijalna imovina, Objašnjenje o prihvatljivim metodama amortizacije (na snazi za godišnje periode koji počinju na ili nakon 1. januara 2016.)
- Izmjene MRS 16 Nekretnine, postrojenja i oprema i MRS 41 Poljoprivreda, Plodonosne plantaže (na snazi za godišnje periode koji počinju na ili nakon 1. januara 2016.)
- Izmjene MRS 27 Odvojeni finansijski izvještaji, Metoda udjela u odvojenim finansijskim izvještajima (na snazi za godišnje periode koji počinju na ili nakon 1. januara 2016.)
- Izmjene MSFI 10 Konsolidirani finansijski izvještaji, MSFI 12 Objavljivanja udjela u drugim subjektima i MRS 28 Udjeli u pridruženim subjektima i zajedničkim pothvatima, investicioni subjekti: primljena izuzeća od konsolidacije (na snazi za godišnje periode koji počinju na ili nakon 1. januara 2016.)
- Izmjene različitih standarda i tumačenja Poboljšanja MSFI-a (ciklus 2012-2014) koja su rezultat projekta godišnjeg kvalitativnog poboljšanja MSFI (MSFI 5, MSFI 7, MRS 19 i MRS 34) prvenstveno kroz otklanjanje nekonzistentnosti i raščlanjivanje teksta (izmjene će biti na snazi za godišnje periode koji počinju na ili nakon 1. januara 2016.)
- Izmjene MRS 7 Izvještaj o novčanim tokovima, Inicijativa za objavljivanje (na snazi za godišnje periode koji počinju na ili nakon 1. januara 2017.)
- Izmjene MRS 12 Porez na dobit, Priznavanje odgođene porezne imovine od nerealiziranih gubitaka (na snazi za godišnje periode koji počinju na ili nakon 1. januara 2017.)
- MSFI 9 Finansijski instrumenti (na snazi za godišnje periode koji počinju na ili nakon 1. januara 2018.)
- MSFI 15 Prihodi iz ugovora s kupcima (na snazi za godišnje periode koji počinju na ili nakon 1. januara 2018.)
- MSFI 16 Najmovi (na snazi za godišnje periode koji počinju na ili nakon 1. januara 2019.)

Usvajanje spomenutih izmjena postojećih standarda i tumačenja, nije imalo uticaj na izmjenu računovodstvenih politika društva.

2.2. Standardi i tumačenja koji su objavljeni a nisu još u upotrebi

Na dan izdavanja ovih finansijskih izvještaja, sljedeći standardi, izmjene postojećih standarda i tumačenja su objavljeni, ali nisu još na snazi:

- Izmjene MSFI 10 Konsolidirani finansijski izvještaji i MRS 28 Ulaganja u pridružena društva i zajedničke poduhvate, Prodaja ili kompenzacija imovine između investitora i njegovog pridruženog društva ili zajedničkog poduhvata (stupanje na snagu odgođeno na neodređeni period).

Društvo je izabralo da ne usvoji ove standarde, izmjene i tumačenja prije nego oni stupe na snagu. Društvo predviđa da usvajanje ovih standarda, izmjena i tumačenja neće imati materijalan uticaj na finansijske izvještaje društva u periodu inicijalne primjene.

3. SAŽETAK TEMELJNIH RAČUNOVODSTVENIH POLITIKA

Izjava o usklađenosti

Finansijski izvještaji pripremljeni su u skladu sa Međunarodnim standardima finansijskog izvještavanja (MSFI) koji su objavljeni od strane Odbora za međunarodne računovodstvene standarde.

Vremenska neograničenost poslovanja

Transakcije se priznaju kada su nastale i iskazuju se u finansijskim izvještajima za period na koji se odnose uz primjenu temeljne računovodstvene pretpostavke vremenske neograničenosti poslovanja. Finansijski izvještaji su sačinjeni pod pretpostavkom vremenske neograničenosti poslovanja što podrazumijeva da će društvo biti sposobno realizovati potraživanja i podmiriti obaveze u normalnom toku poslovanja, te da će nastaviti poslovati i u doglednoj budućnosti.

Društvo se bavi pripremanjem, proizvodnjom i prenosom vlastitih radio-televizijskih sadržaja namijenjenih javnosti, proizvodnjom i plasmanom marketinških poruka i drugim srodnim djelatnostima. Društvo svakodnevno emituje radijski i televizijski program.

Društvo nema namjeru ni potrebu likvidirati ili značajno smanjiti svoje poslovanje. Nismo utvrdili događaje ili uslove koji mogu uzrokovati značajnu sumnju u pretpostavku vremenske neograničenosti poslovanja.

Osnova prezentiranja

Finansijski izvještaji pripremljeni su po načelu historijskog troška. Historijski trošak se uglavnom temelji na fer vrijednosti naknade date u zamjenu za imovinu. Fer vrijednost je cijena koja bi se dobila za prodaju ili bi bila plaćena za prijenos obaveza u redovnoj transakciji između učesnika na tržištu na datum mjerenja, bez obzira na to je li ta cijena direktno uočljiva ili procijenjena koristeći drugu tehniku procjene vrijednosti. U procjeni fer vrijednosti imovine ili obaveza, društvo uzima u obzir karakteristike imovine ili obaveza kada bi učesnici na tržištu uzeli u obzir ove karakteristike kod određivanja cijene imovine ili obaveza na datum mjerenja. Fer vrijednost za mjerenje i/ili za svrhu objavljivanja u ovim finansijskim izvještajima je određena na takvoj osnovi, osim za

leasing transakcije koje su u djelokrugu MRS 17 i za mjerenja koja imaju neke sličnosti u fer vrijednosti, ali nisu fer vrijednosti, kao što su neto utrživa vrijednost prema MRS 2 ili vrijednost u upotrebi prema MRS 36.

Sastavljanje finacijskih izvještaja u skladu sa MSFI zahtijeva od Uprave korištenje prosudbi, procjena i pretpostavki koje utiču na primjenu računovodstvenih politika, te objavljene iznose imovine, obaveza, prihoda i rashoda. Stvarni rezultati mogu biti različiti od tih procjena. Procjene i povezane pretpostavke redovno se pregledaju. Promjene računovodstvenih procjena priznaju se u periodu u kojem su procjene promijenjene, te eventualno budućim periodima, ako utiču i na njih. Informacije o područjima sa značajnom neizvjesnošću u procjenama i kritičnim prosuđivanjima u primjeni računovodstvenih politika, koje imaju najznačajniji uticaj na iznose objavljene u ovim finacijskim izvještajima, objavljene su u Napomeni 4.

Izvještajna valuta

Finacijski izvještaji prezentirani su u konvertibilnim markama, s obzirom da je to valuta u kojoj je iskazana većina poslovnih događaja u društvu. Konvertibilna marka (KM) je fiksno vezana za Euro (1 EUR = 1,95583 KM).

Strane valute

Poslovni događaji koji nisu u konvertibilnim markama (KM) početno se knjiže preračunavanjem po važećem kursu na datum transakcije. Monetarna imovina i obaveze iskazani u stranim valutama ponovno se preračunavaju na datum izvještajnog perioda primjenom važećeg kursa Centralne banke Bosne i Hercegovine na taj dan. Kursne razlike se knjiže kao finacijski prihod, odnosno rashod perioda u kojem su obračunate. Dobici i gubici nastali preračunavanjem uključuju se u izvještaj o bilansu uspjeha i ostaloj sveobuhvatnoj dobiti perioda.

Nematerijalna imovina

Nematerijalna imovina se može identifikovati kao nemonetarna i bez fizičkog obilježja. Nematerijalna imovina određenog vijeka upotrebe se vrednuje po trošku nabavke umanjenom za ispravku vrijednosti i akumulirane gubitke od umanjenja vrijednosti.

Nematerijalna sredstva su prava i druga neopipljiva sredstva koja pravno lice koristi u proizvodnji ili isporuci roba i usluga, nad kojim društvo ima kontrolu i od kojeg se očekuju buduće ekonomske koristi. Mjerenje prilikom i nakon početnog priznavanja dugoročne nematerijalne imovine će se vršiti metodom nabavne vrijednosti.

Nematerijalna stalna sredstva se amortizuju na osnovu procijenjenog vijeka upotrebe, odnosno na osnovu procjene pritanja ekonomskih koristi po osnovu njihovog korištenja. Vijek trajanja sredstva se procjenjuje prilikom svake nabavke. Amortizacija nematerijalnih sredstava se obračunava na temelju procijenjenog vijeka upotrebe sredstva koristeći linearnu metodu.

Ulaganja na tuđim stalnim sredstvima	Procijenjeni vijek upotrebe 6.66 godina	Stopa 15%
--------------------------------------	--	--------------

Za nematerijalna sredstva čiji je vijek trajanja nemoguće utvrditi, može se vršiti testiranje sredstva na umanjenje, upoređivanjem njegovog nadoknadivog i knjigovodstvenog iznosa. Testiranje na umanjenje se vrši najmanje na svaki dan bilansa stanja. Dobici i gubici nastali na osnovu rashodovanja ili otuđenja nematerijalne imovine iskazuju se u izvještaju o bilansu uspjeha i ostaloj sveobuhvatnoj dobiti u periodu u kojem su nastali.

Materijalna imovina

Materijalna stalna sredstva su sredstva koja pravno lice drži za korištenje u proizvodnji ili isporuci roba i usluga, iznajmljivanje drugima ili za administrativne i druge svrhe, za koje je vjerovatno da će buduće ekonomske koristi povezane s tim sredstvom priticati u pravno lice i nabavna vrijednost sredstva se može pouzdano izmjeriti.

Sredstvo će biti priznato kao stalno sredstvo i kada se zna da to sredstvo neće direktno povećavati buduće ekonomske koristi, ali je nabavka tog sredstva neophodna da bi se dobile ekonomske koristi od drugih stalnih sredstava. U materijalna stalna sredstva svrstavaju se i rezervni dijelovi kada se isti koriste uz opremu i kada se očekuje da će njihova upotreba biti duža od jedne godine.

Troškovi svakodnevnog održavanja dugoročnog materijalnog sredstva se ne kapitaliziraju, već predstavljaju rashod perioda. Izuzetno, novougrađeni rezervni dijelovi i ulaganje u dugoročno materijalno sredstvo se mogu kapitalizirati ukoliko će takvo ulaganje:

- produžiti vijek trajanja sredstva,
- povećati njegov kapacitet,
- dogradnja dijelova značajno poboljšati kvalitet proizvodnog učinka, i
- značiti usvajanje novog proizvodnog procesa koji omogućuje značajno smanjenje prethodno procijenjenih proizvodnih troškova.

Materijalna stalna sredstva se početno vrednuju i iskazuju po trošku nabavke. Trošak nabavke materijalnog stalnog sredstva sačinjavaju:

- fakturna vrijednost dobavljača,
- troškovi prijevoza, uključujući i vlastiti prijevoz,
- troškovi pripreme mjesta,
- troškovi špeditera, ako se stalno sredstvo nabavlja iz inozemstva,
- uvozne dažbine (carine i dr.),
- nepovratni porezi i druge dažbine,
- troškovi montaže i naknade stručnjacima (arhitekte, inženjeri i sl.),
- troškovi utovara, pretovara, istovara i sl.,
- interni troškovi,
- ostali troškovi direktno i isključivo vezani za dovođenje sredstava u radno stanje za namjeravanu upotrebu.

U trošak nabavke stalnog sredstva se računavaju i troškovi pozajmljivanja vezani za nabavku konkretnog stalnog sredstva, do momenta dovođenja sredstava u stanje za upotrebu.

Mjerenje nakon početnog priznavanja dugoročne materijalne imovine će se vršiti metodom nabavne vrijednosti. Materijalna stalna sredstva otpisuju se (amortizuju) na osnovu procijenjenog vijeka upotrebe, odnosno na osnovu procjene priticanja ekonomskih koristi

po osnovu korištenja i upotrebe stalnih sredstava. Prilikom obračuna amortizacije u obzir se ne uzima ostatak vrijednosti. Vijek trajanja sredstva se procjenjuje prilikom svake nabavke, od lica koja će rukovati istim.

U slučaju kada značajni sastavni dijelovi stalnog sredstva imaju različit vijek upotrebe ili obezbjeđuju korist na različit način, neophodno je primijeniti različite amortizacione stope. Značajni sastavni dijelovi su rezervni dijelovi čija vrijednost učestvuje sa više od 30% u ukupnoj vrijednosti sredstva.

Društvo može primjenjivati funkcionalni metod amortizacije za sredstva koja se koriste u proizvodnji. Za sva ostala sredstva primjenjivat će se linearni metod amortizacije. Obračun amortizacije započinje u trenutku u kojem je sredstvo spremno za namjeravanu upotrebu. Amortizacija se obračunava na temelju procijenjenog vijeka upotrebe sredstva, koristeći linearnu metodu.

	Procijenjeni vijek upotrebe	Stopa
Građevinski objekti	44,44 do 80 godina	1,25% do 2,25%
Postrojenja i oprema	3 do 44,44 godina	2,25% do 33,33%
Alati, pogonski i kanc. namještaj	6,66 do 26,66 godina	3,75% do 15%
Transportna sredstva	6,66 godina	15%

Na datum svakog bilansa društvo može izvršiti procjenu da li je vrijednost stalnih sredstava umanjena, u smislu MRS 36 - Umanjenje vrijednosti sredstava. Prilikom procjenjivanja da li ima bilo kakvih pokazatelja da je došlo do umanjenja vrijednosti sredstava, društvo uzima u obzir vanjske i interne izvore informacija. Prilikom određivanja nadoknadive vrijednosti u obzir se uzima cijena na aktivnom tržištu, a u nedostatku aktivnog tržišta, najbolja raspoloživa informacija.

Za zemljište i materijalna sredstva u pripremi (investicije u toku) ne obračunava se amortizacija. Dobici i gubici nastali na osnovu rashodovanja ili otuđenja nekretnina, postrojenja i opreme iskazuju se u izvještaju o bilansu uspjeha i ostaloj sveobuhvatnoj dobiti u periodu u kojem su nastali.

Umanjenje

Na svaki datum izvještajnog perioda društvo preispituje knjigovodstvene iznose svojih nekretnina, postrojenja i opreme da bi utvrdilo postoje li naznake da je došlo do gubitaka uslijed umanjenja vrijednosti navedene imovine. Ako postoje takve naznake, procjenjuje se nadoknadivi iznos sredstva da bi se mogao utvrditi eventualni gubitak nastao umanjenjem. Ako nije moguće procijeniti nadoknadivi iznos pojedinog sredstva, društvo procjenjuje nadoknadivi iznos jedinice koja generira novac, a kojoj to sredstvo pripada.

Nadoknadiva vrijednost je neto prodajna cijena ili vrijednost u upotrebi, zavisno o tome koja je viša. Za potrebe procjene vrijednosti u upotrebi, procijenjeni budući novčani tokovi diskontiraju se do sadašnje vrijednosti primjenom diskontne stope prije oporezivanja koja odražava sadašnju tržišnu procjenu vremenske vrijednosti novca i rizike specifične za to sredstvo.

Ako je procijenjeni nadoknadivi iznos sredstava (ili jedinice koja generira novac) manji od knjigovodstvenog iznosa, onda se knjigovodstveni iznos toga sredstva umanjuje do nadoknadivog iznosa. Gubici od umanjenja vrijednosti priznaju se odmah kao rashodi.

Kod naknadnog poništenja gubitka od umanjenja vrijednosti, knjigovodstveni iznos sredstava (jedinice koja generira novac) povećava se do revidiranog procijenjenog nadoknadivog iznosa toga sredstva, pri čemu veća knjigovodstvena vrijednost ne premašuje knjigovodstvenu vrijednost koja bi bila utvrđena da u prethodnim godinama nije bilo priznatih gubitaka na tom sredstvu (jedinici koja generira novac) uslijed umanjenja vrijednosti. Poništenje gubitka od umanjenja vrijednosti odmah se priznanje kao prihod.

Ulagačke nekretnine

Ulagačke nekretnine predstavljaju dugoročnu imovinu ili njene dijelove koji su namijenjeni za ostvarivanje najma ili su nabavljene sa namjerom ostvarivanja kapitalne dobiti.

U slučaju posjedovanja kombinovane nekretnine, kao ulagačke i redovne (poslovne), nekretnina će se priznati po MRS 40 –Ulaganje u nekretnine, ukoliko je dio za redovne, poslovne djelatnosti površinom manji od 20 % u odnosu na ukupnu površinu nekretnine. Mjerenje prilikom i nakon početnog priznavanja dugoročne ulagačke nekretnine će se vršiti metodom nabavne cijene.

Troškovi pozajmljivanja (kamata)

Troškovi pozajmljivanja koji se mogu direktno pripisati sticanju, izgradnji ili izradi kvalifikovanog sredstva, a to je sredstvo koje nužno zahtijeva značajno vrijeme kako bi bilo spremno za svoju namjeravanu upotrebu ili prodaju, uključuju se u trošak nabavke tog sredstva sve dok sredstvo većim dijelom ne bude spremno za namjeravanu upotrebu ili prodaju. Prihodi od ulaganja zaradeni privremenim ulaganjem namjenskih kreditnih sredstava do početka njihovog trošenja na kvalifikovano sredstvo oduzimaju se od troškova posuđivanja koji su prihvatljivi za kapitalizaciju.

Svi drugi troškovi pozajmljivanja terete izvještaj o bilansu uspjeha i ostaloj sveobuhvatnoj dobiti u periodu u kojem su nastali.

Zalihe

Zalihe robe i proizvoda u prodavnicama se vode po prodajnim cijenama.

Zalihe robe i proizvoda u skladištu se vode po nabavnim cijenama ili cijeni koštanja.

Zalihe materijala i proizvodnje u toku se vrednuju po nabavnim cijenama ili cijeni koštanja.

Tehnika utvrđivanja nabavne vrijednosti / cijene koštanja je metoda prodaje na malo. Nabavna vrijednost / cijena koštanja zaliha utvrđuje se primjenom metode prosječnog ponderisanog troška.

Najmanje na dan svakog bilansa stanja, vrši se procjena neto prodajne vrijednosti svih zaliha. Zalihe se vrijednosno otpisuju i svode na neto prodajnu vrijednost pojedinačno. Izuzetno, svođenje na neto prodajnu vrijednost može se vršiti za zalihe koje se mogu

srodno grupisati. Pri procjeni neto prodajne vrijednosti, polazi se od najpouzdanijih dokaza, kojima se u vrijeme utvrđivanja raspolaže. Procjene uzimaju u obzir fluktuacije cijena i troškova, smanjenje prodajne cijene na aktivnom tržištu, neupotrebljivost (opadanje kvaliteta, tehnološka zastarjelost i sl.), zastarjelosti i duže zadržavanje proizvoda na zalih. U nedostatku aktivnog tržišta, koristi se najbolja raspoloživa informacija.

Sitnim inventarom smatraju se predmeti čiji je vijek upotrebe kraći od jedne godine (12 mjeseci). Kao dopunski kriterij se uzima pojedinačna vrijednost, niža od 250 KM. Otpis sitnog inventara vrši se prilikom stavljanja u upotrebu, a isknjižavanje istog vrši se kada je inventar rashodovan.

Zalihe se iskazuju po trošku ili neto prodajnoj vrijednosti, zavisno o tome šta je niže. Trošak obuhvata fakturu cijenu (cijenu koštanja) robe, direktne troškove rada i sve režijske/indirektne troškove povezane s dovodenjem zaliha do njihove sadašnje lokacije i u sadašnje stanje. Trošak se utvrđuje primjenom metode prosječnog ponderisanog troška.

Neto prodajna vrijednost predstavlja očekivanu prodajnu cijenu umanjenu za sve očekivane troškove marketinga, prodaje i distribucije. Ako se dogode okolnosti zbog kojih je potrebno smanjiti vrijednost zaliha na nižu neto prodajnu vrijednost, iznos smanjenja se knjiži na teret rashoda, a odobrava se konto ispravke vrijednosti.

Novac i novčani ekvivalenti

U računovodstvu društva je obezbijedeno praćenje gotovine i ekvivalenata gotovine analitički, po vrstama i u skladu sa potrebama društva. Blagajničko poslovanje se vrši u skladu sa posebnim Pravilnikom. Sastavljanje Izvještaja o gotovinskim tokovima se vrši primjenom indirektno metode.

Novac uključuje novac u bankama i gotovinu. Novčani ekvivalenti obuhvataju depozite po viđenju i oročene depozite. Depoziti po viđenju predstavljaju salda transakcijskih računa i blagajne društva. Svi depoziti su na dan sastavljanja finansijskih izvještaja izraženi u Konvertibilnim markama.

Potraživanja i krediti

Potraživanja od kupaca, krediti, depoziti i ostala potraživanja sa fiksnim ili odredivim plaćanjima koja ne kotiraju na aktivnom tržištu klasifikuju se kao krediti i potraživanja. Krediti i potraživanja mjere se po amortizovanom trošku primjenom metode efektivne kamatne stope, umanjeno za procijenjeno umanjeno vrijednosti. Kratkoročni krediti obuhvataju kredite i ostale kratkoročne plasmane sa rokom dospeljeća do 12 mjeseci, odnosno prodaju na kredit do godinu dana od dana sastavljanja finansijskih izvještaja. Prihod od kamata se priznaje primjenom efektivne kamatne stope.

Društvo je odredilo da se najmanje na dan sastavljanja finansijskih izvještaja ima vršiti procjena naplativosti potraživanja i za tu potrebu ustanovilo određene faktore. Otpis potraživanja se vrši na teret rashoda.

Kapital i rezerve

Kapital društva obuhvata ukupan iznos kapitala kojim društvo raspolaže na dan sastavljanja finansijskih izvještaja i izražava se u KM po nominalnoj vrijednosti. Osnovni kapital je sastavljen od državnog kapitala, gubitka ranijih godina i gubitka izvještajne godine.

Zakonske rezerve

Zakonske rezerve se formiraju izdvajanjem najmanje 10% ostvarene dobiti, iskazane u godišnjem izvještaju, sve dok ne dosegnu minimalan iznos od 25% udjeličarskog (dioničkog) kapitala društva. Zakon o privrednim društvima koji važi u FBiH ostavlja takvu mogućnost za društva ograničene odgovornosti, ali istu izričito ne propisuje.

Rezervisanja

Društvo priznaje rezervisanje ako ima sadašnju obavezu koja je nastala temeljem prošlih događaja, ako postoji vjerovatnoća da će za podmirenje obaveze biti potreban odliv resursa. Uprava društva određuje iznos rezervisanja na temelju najbolje moguće procjene troškova koji će nastati podmirenjem obaveze. Iznos priznat kao rezervisanja je najbolja procjena naknade koja je potrebna za podmirenje sadašnje obaveze na datum izvještajnog perioda, uzimajući u obzir rizike i neizvjesnosti obaveza. Gdje su rezervisanja mjerena pomoću novčanih tokova koji se procjenjuju za podmirenje sadašnjih obaveza, njihov knjigovodstveni iznos je sadašnja vrijednost tih novčanih tokova. Rezervisanja se ukidaju samo za one troškove za koje je rezervisanje izvorno priznato. Ako odliv ekonomskih koristi za podmirenje obaveza više nije vjerovatan, rezervisanje se ukida.

Procjenu rezervisanja za štetne ugovore, otpremnine i jubilarne nagrade vrše ovlaštena lica, vještaci i aktuari. Prilikom ukidanja rezervisanja društvo će primijeniti bruto princip, iskazivanjem prihoda od ukidanja rezervisanja u punom iznosu rezervisanja i rashoda u punom iznosu. Procjena visine rezervisanja vrši se najmanje na dan izrade finansijskih izvještaja. Rezervisanja se uvijek priznaju kao rashod, a ne kao sredstvo.

Obaveze

Obaveze se iskazuju po nominalnoj vrijednosti i preispituju najmanje na svaki dan bilansa stanja. Dugoročne obaveze se ne uvećavaju za kamate predviđene i obračunate u ugovorima i dokumentima o zaduženju.

Prihodi

Prihod od prodaje se priznaje onda kada su u potpunosti zadovoljeni svi uslovi iz MSFI 15. Prihodi od ugovora sa kupcima. **Temeljno načelo MSFI-ja 15 jest da subjekt priznaje prihode na način koji odražava prijenos obećanih dobara odnosno usluga na kupca u iznosu koji odražava naknadu na koju očekuje da je ima pravo ostvariti u zamjenu za obećana dobra odnosno usluge. Temeljno načelo razrađeno je kroz model koji se sastoji od pet koraka:**

- utvrditi ugovor(e) s kupcem
- utvrditi obavezu na izvršenje iz ugovora

21

Sjedište	Tel: + 387 37 883-102	Podružnica Bihać	Tel: + 387 37 352-245
Trgovačka 35.	Tel: + 387 37 883-103	Bosanskih šehida b.b.	Mob: + 387 66 000-041
77250 Bosanski Petrovac	Fax: + 387 37 883-104	77000 Bihać	Fax: + 387 37 328-044
Bosna i Hercegovina	E-mail: profit.ba@gmail.com	Bosna i Hercegovina	E-mail: jasminaprofit.ba@gmail.com

- odrediti cijenu transakcije
- cijenu transakcije razdijeliti na ugovorene obaveze za izvršenje ugovora
- prihode priznati kada, odnosno kako subjekt ispunjava svoju obvezu iz ugovora.

1. korak - utvrditi ugovor(e) s kupcem

Ugovor s kupcem potpada pod MSFI 15 ako su ispunjeni svi sljedeći uvjeti:

- strane ugovora odobrile su ugovor
- moguće je utvrditi prava i obaveze svake ugovorne strane u vezi s predmetnim dobrima odnosno uslugama
- moguće je utvrditi uvjete i rokove plaćanja za dobra odnosno usluge koje se prenose
- ugovor je komercijalne naravi, i
- vjerovatna je naplata naknade na koju subjekt ima pravo u zamjenu za isporuku predmetnih dobara odnosno usluga.

Ako neki ugovor s kupcem ne ispunjava sve prethodno navedene kriterije, subjekt nastavlja ponovno provjeravati ugovor kako bi utvrdio ispunjava li ugovor te kriterije u nekom kasnijem trenutku. Kad to potvrdi, počinje na ugovor primjenjivati MSFI 15.

2. korak - utvrditi obavezu izvršenja ugovora

Na početku ugovora, subjekt treba procijeniti kupcu obećana dobra odnosno usluge te kao obavezu na izvršenje utvrditi:

- jasno razgraničeno dobro ili uslugu, odnosno paket dobara odnosno usluga, ili
- nekoliko jasno razgraničenih dobara ili usluga koje su suštinski iste i s istim obrascem prijenosa na kupca.

Nekoliko različitih dobara ili usluga se prenose na kupca istim obrascem, ako su zadovoljena oba sljedeća kriterija:

- svako jasno razgraničeno dobro ili usluga u nizu koju subjekt obećava uzastopno prenijeti na kupca bit će obaveza na izvršenje koja će biti zadovoljena tokom vremena;
- jedna metoda mjerenja izvršenja će se koristiti za mjerenje izvršenja obaveze tog subjekta do potpunog zadovoljenja obaveze koja se odnosi na prijenos svakog jasno razgraničenog dobra ili usluge u nizu na kupca.

Dobro odnosno usluga je jasno razgraničena ako su ispunjena oba sljedeća kriterija:

- kupac može ostvariti koristi od samog predmetnog dobra odnosno same predmetne usluge ili iz njihove povezanosti s drugim trenutno dostupnim resursima, i
- obećanje subjekta da će predmetna dobra odnosno usluge prenijeti na kupca može se razgraničiti od drugih obećanja sadržanih u ugovoru.

3. korak - odrediti cijenu transakcije

Cijena transakcije je iznos za koji subjekt očekuje da na njega ima pravo u zamjenu za prijenos predmetnih obećanih dobara ili usluga. U određivanju cijene transakcije, subjekt razmatra uobičajenu poslovnu praksu u prošlosti.

Kod ugovora koji sadrži elemente varijabilne naknade, subjekt procjenjuje iznos varijabilnog dijela naknade na koji će imati pravo temeljem ugovora. Varijabilna naknada može proisteci iz npr. popusta, količinskih popusta, povrata, nagradnih bodova, sniženih cijena, poticaja, bonusa po osnovi izvršenja, kazni ili sličnih stavki. Varijabilna naknada sadržana je i u eventualnom pravu subjekta na naknadu koje je uvjetovano nekim budućim događajem.

4. korak - cijenu transakcije razdijeliti na izvršenje ugovorene obaveze

Kod ugovora s više obaveza koje treba izvršiti, subjekt cijenu transakcije raspoređuje na ugovorene obaveze prema njihovim relativnim pojedinačnim prodajnim cijenama. Ako pojedinačna prodajna cijena nije izravno vidljiva, subjekt je treba procijeniti. Svaki ukupni popust u odnosu na zbroj pojedinačnih prodajnih cijena dijeli se na predmetne obaveze iz ugovora po osnovi relativne pojedinačne cijene. U određenim okolnostima takvu vrstu popusta može biti opravdano razdijeliti na neke, ali ne sve ugovorne obaveze.

Kod avansnog plaćanja naknade ili naknade koja se plaća s vremenskim odmakom, subjekt je dužan razmotriti sadrži li ugovor neki značajan financijski aranžman i, ako da, uskladiti naknadu prema vremenskoj vrijednosti novca.

5. korak - prihode priznati kada, odnosno kako subjekt ispunjava svoju ugovornu obavezu

Prihod se priznaje prijenosom kontrole, bilo kroz vrijeme, bilo u određenom trenutku. Kontrola nad imovinom definirana je kao sposobnost upravljanja načinom korištenja i pribavljanja gotovo svih preostalih koristi od imovine, što uključuje i sposobnost sprječavanja drugih da upravljaju načinom njenog korištenja i pribavljaju koristi od imovine. Koristi koje se odnose na imovinu su potencijalni novčani prilivi koji se mogu posredno ili neposredno ostvariti i uključuju, ali nisu ograničeni na:

- korištenje imovine radi proizvodnje dobara ili pružanje usluga
- korištenje imovine radi povećanja vrijednosti ostale imovine
- korištenje imovine radi plaćanja obaveza ili smanjenja troškova
- prodaju ili razmjenu imovine
- davanje imovine u zalog za kredit i
- držanje imovine.

Subjekt priznaje prihod kroz vrijeme ako je ispunjen jedan od sljedećih kriterija:

- kupac istovremeno prima i konzumira sve koristi koje mu subjekt omogućuje svojim izvršenjem obaveza,
- subjektova izvršenja obaveza stvaraju ili poboljšavaju imovinu koja je pod kontrolom kupca kako se imovina stvara, ili
- subjektivim izvršenjem ne stvara se imovina alternativne namjene za subjekta i subjekt ima zakonski provedivo pravo na plaćanje za do sada izvršene obaveze.

Ako subjekt ne ispunjava svoje obaveze kroz vrijeme, ispunjava ih u određenom trenutku. Stoga se prihod priznaje prijenosom kontrole u određenom trenutku. Faktori koji mogu ukazivati na trenutak prijenosa kontrole uključuju, ali nisu ograničeni na sljedeće:

- subjekt ima sadašnje pravo na plaćanje za predmetnu imovinu
- kupac ima pravno vlasništvo nad imovinom
- subjekt je prenio fizički posjed imovine
- kupac nosi značajne rizike i nagrade povezane s vlasništvom nad imovinom i
- kupac je imovinu prihvatio.

Donacije

Donacije se priznaju kao prihod na bazi principa sučeljavanja prihoda i rashoda. Donacije vezane za sredstva, uključujući nenovčane pomoći po fer vrijednosti, priznaju se u bilansu stanja kao odloženi prihod. Iznos odloženog prihoda se priznaje kao prihod u bilansu

uspjeha na sistematskoj i racionalnoj osnovi u toku perioda korisnog vijeka trajanja sredstva.

Oporezivanje

Trošak poreza na dobit predstavlja zbirni iznos tekuće porezne obaveze i odgođenih poreza. Oporezivanje je sprovedeno u skladu sa zakonima Federacije Bosne i Hercegovine. Društvo je ukalkulisalo poreze i doprinose koji se vežu za plaću uposlenih.

U ime svojih zaposlenih, društvo plaća porez na dohodak, kao i doprinose za penziono, invalidsko, zdravstveno i osiguranje od nezaposlenosti, na i iz plate, koji se obračunavaju po zakonskim stopama tokom godine na bruto platu. Društvo plaća navedeni porez i doprinose u korist institucija Federacije Bosne i Hercegovine, na federalnom i kantonalnom nivou. Ako društvo ima zaposlene koji dolaze iz entiteta Republika Srpska ili Brčko Distrikta dio pripadajućih doprinosa se usmjerava u korist institucija entiteta ili distrikta. Nadalje, topli obrok prikazan je u izvještaju o bilansu uspjeha i ostaloj sveobuhvatnoj dobiti u periodu u kojem su nastali troškovi plata.

Tekući porez na dobit

Tekuća poreska obaveza temelji se na oporezivoj dobiti za godinu. Oporeziva dobit razlikuje se od neto dobiti perioda iskazanoj u izvještaju o bilansu uspjeha i ostaloj sveobuhvatnoj dobiti, jer ne uključuje stavke prihoda i rashoda koje nikada nisu oporezive ni odbitne ili su djelomično odbitne. Tekuća poreska obaveza društva izračunava se primjenom poreskih stopa koje su na snazi, odnosno važeće na datum izvještajnog perioda. Porez na dobit se obračunava na kraju godine u skladu sa propisima Federacije BiH. Propisana stopa je 10%.

Odgođeni porez na dobit

Odgođeni porez jeste iznos za koji se očekuje da će po njemu nastati obaveza ili povrat na osnovu razlike između knjigovodstvene vrijednosti sredstava i obaveza u finansijskim izvještajima i pripadajuće poreske osnovice koja se koristi za izračunavanje oporezive dobiti a obračunava se metodom bilansne obaveze. Odgođene porezne obaveze općenito se priznaju za sve oporezive privremene razlike, a odgođena porezna imovina se priznaje u onoj mjeri u kojoj se vjeruje da će oporeziva dobit biti raspoloživa.

Knjigovodstveni iznos odgođenog poreskog sredstva procjenjuje se na svaki datum izvještajnog perioda i umanjuje u onoj mjeri u kojoj više nije vjerovatno da će biti raspoloživ dostupan iznos oporezive dobiti za povrat cijelog ili dijela iznosa poreskog sredstva. Odgođeni porez obračunava se po poreskim stopama za koje se očekuje da će biti u primjeni u periodu u kojem će doći do podmirenja obaveze ili realizacije sredstava. Odgođeni porez knjiži se na teret ili u korist izvještaja o bilansu uspjeha i ostaloj sveobuhvatnoj dobiti, osim ako se odnosi na stavke koje se knjiže direktno u korist ili na teret kapitala, u kojem slučaju se i odgođeni porez također iskazuje u okviru kapitala.

Odgođena poreska imovina i obaveze se prebijaju kada se odnose na poreze na dobit nametnute od strane iste poreske vlasti i ako društvo može i ima namjeru podmiriti poreze na neto osnovi.

Porez na dodanu vrijednost

Zakonom o porezu na dodanu vrijednost uvedena je obaveza i regulisan sistem plaćanja poreza na dodanu vrijednost na teritoriji Bosne i Hercegovine počevši od 01.01.2006. godine. Propisana stopa ovog indirektnog poreza iznosi 17%, a pored ove stope postoji i nulta stopa koja obuhvata promet dobara koja se izvoze na strana tržišta.

4. KLJUČNE RAČUNOVODSTVENE PROCJENE I PRETPOSTAVKE

Kod primjene računovodstvenih politika, opisanih u Napomeni 3., Uprava društva donosi odluke, te daje procjene i pretpostavke koje utiču na iznose imovine i obaveza, koji se ne mogu izvesti iz ostalih izvora. Procjene i pretpostavke zasnivaju se na prijašnjem i ostalim relevantnim faktorima. Stvarni iznosi mogu se razlikovati od procijenjenih.

Procjene i pretpostavke se stalno preispituju. Izmjene knjigovodstvenih procjena priznaju se u periodu izmjene ukoliko se odnose samo na taj period, ili u periodu izmjene i budućim periodima ukoliko izmjena utiče na tekući i buduće periode.

Ključni izvori procjene neizvjesnosti

Sljedeće su ključne pretpostavke koje se odnose na budućnost i ostali ključni izvori procjene neizvjesnosti na datum izvještajnog perioda, koji imaju značajan rizik uzrokovanja materijalnog usklađivanja knjigovodstvene vrijednosti imovine i obaveza u narednoj finansijskoj godini.

Vijek trajanja nekretnina, postrojenja i opreme, i nematerijalne imovine

Kao što je opisano u Napomeni 3., društvo pregleda procijenjeni vijek trajanja nekretnina, postrojenja i opreme, i nematerijalne imovine na kraju svakog godišnjeg izvještajnog perioda.

Rezervisanja za sudske sporove

Iznos priznat kao rezervisanja za sudske sporove je najbolja procjena naknade potrebne za podmirenje sadašnje obaveze na datum izvještajnog perioda, kada je veća vjerovatnost da će se obaveze izmiriti nego da neće.

Ispravka vrijednosti potraživanja

Uprava društva priznaje umanjenje vrijednosti za sumnjiva potraživanja na bazi procijenjenih gubitaka koji rezultiraju iz nemogućnosti dužnika da izmire svoje obaveze. Pri vrednovanju adekvatnosti ispravke vrijednosti za sumnjiva potraživanja, uprava društva svoju procjenu treba da bazira na starosnoj strukturi potraživanja i otpisima iz prethodnih perioda.

Otpremnine prilikom odlaska u penziju

Sadašnja vrijednost obaveza za otpremnine prilikom odlaska u penziju zavisi od brojnih faktora koji se određuju na aktuarskoj osnovi korištenjem brojnih pretpostavki. Promjene u ovim pretpostavkama mogu imati uticaja na knjigovodstvenu vrijednost obaveza.

5. PRIHODI IZ UGOVORA S KUPCIMA

Prihodi iz ugovora s kupcima u 2022. godini iznose 555.973 KM i veći su za 21.360 KM u odnosu na 2021. godinu. Strukturu prihoda iz ugovora s kupcima čine prihodi iz ugovora sa nepovezanim stranama na domaćem tržištu. Struktura prihoda iz ugovora s kupcima prezentirana je u tabeli kako slijedi:

PRIHODI IZ UGOVORA S KUPCIMA	31.12.2022.	31.12.2021.
Prihodi iz ugovora sa nepovezanim stranama na dom. tržištu	555.973	534.613
UKUPNO:	555.973	534.613

Prihodi iz ugovora sa nepovezanim stranama na domaćem tržištu evidentirani su na dan 31.12.2022. godine u iznosu 555.973 KM, a isti se odnose na prihode od pruženih usluga.

6. OSTALI PRIHODI I DOBICI

Ostali prihodi i dobiti u 2022. godini iznose 2.053.402 KM i veći su za 330.472 KM u odnosu na 2021. godinu. Ostali prihodi i dobiti prezentirani su u tabeli kako slijedi:

OSTALI PRIHODI I DOBICI	31.12.2022.	31.12.2021.
Ostali prihodi i dobiti	2.053.371	1.721.619
Financijski prihodi	31	30
Dobici od dugoročne nefinancijske imovine	0	1.281
UKUPNO:	2.053.402	1.722.930

Ostali poslovni prihodi na dan 31.12.2022. godine evidentirani su u iznosu 2.053.371 KM, a njihovu strukturu čine prihodi iz budžeta 1.900.000 KM, ostali prihodi iz drugih namjenskih izvora 93.270 KM, otpis obaveza, ukinuta rezervisanja i ostali prihodi 21.076 KM, prihodi od zavoda 21.038 KM, prihodi od premija, subvencija i poticaja 12.360 KM, prihodi od donacija 5.598 KM i prihodi iz osnova ispravki grešaka 29 KM.

Financijski prihodi u 2022. godini iznose 31 KM i veći su za 1 KM u odnosu na 2021. godinu. Strukturu financijskih prihoda čine prihodi od kamata.

Dobici od dugoročne nefinancijske imovine u 2022. godini nisu evidentirani. Dobici od dugoročne nefinancijske imovine u 2021. godini evidentirani su u iznosu 1.281 KM, a isti se odnose na neto dobitke od otuđenja nekretnina, postrojenja i opreme.

7. POSLOVNI RASHODI

Poslovni rashodi u 2022. godini iznose 2.675.948 KM i veći su za 280.183 KM u odnosu na 2021. godinu. U strukturi poslovnih rashoda najveću vrijednost imaju troškovi plaća i ostalih ličnih primanja. Struktura poslovnih rashoda je prezentirana u tabeli kako slijedi:

POSLOVNI RASHODI	31.12.2022.	31.12.2021.
Troškovi plaća i ostalih ličnih primanja	2.177.564	1.857.732
Amortizacija	284.912	249.310
Ostali poslovni rashodi i troškovi	121.431	121.973
Troškovi energije i goriva	44.979	51.640
Troškovi primljenih usluga	36.950	100.433
Troškovi sirovina i materijala	10.112	14.677
UKUPNO:	2.675.948	2.395.765

7.1. Troškovi plaća i ostalih ličnih primanja

TROŠKOVI PLAĆA I OSTALIH LIČNIH PRIMANJA	31.12.2022.	31.12.2021.
Bruto plaće zaposlenih	1.888.218	1.616.036
Ostale naknade zaposlenih	259.454	230.234
Troškovi ostalih angažovanih fizičkih lica, uključujući član. odbora	29.892	11.462
UKUPNO:	2.177.564	1.857.732

7.2. Troškovi amortizacije

AMORTIZACIJA	31.12.2022.	31.12.2021.
Nekretnine, postrojenja i oprema	168.173	78.928
Imovina s pravom korištenja	115.885	168.851
Nematerijalna imovina	854	1.531
UKUPNO:	284.912	249.310

8. OSTALI RASHODI I GUBICI

Ostali rashodi i gubici u 2022. godini iznose 53.181 KM i veći su za 12.039 KM u odnosu na 2021. godinu. Struktura ostalih rashoda i gubitaka je prezentirana u tabeli kako slijedi:

OSTALI RASHODI I GUBICI	31.12.2022.	31.12.2021.
Ostali rashodi i gubici	26.434	8.805
Financijski rashodi	25.389	29.290
Gubici od dugoročne nefinancijske imovine	1.358	3.047
UKUPNO:	53.181	41.142

U strukturi ostali rashodi i gubici najveću vrijednost na dan 31.12.2022. godine imaju ostali rashodi i gubici u iznosu 26.434 KM.

9. POREZ NA DOBIT

POREZ NA DOBIT		
	31.12.2022.	31.12.2021.
Računovodstveni gubitak	(119.754)	(179.364)
Gubitak po poreznoj prijavi	(86.685)	(164.533)
Ostatak poreznih gubitaka za prijenos	(456.010)	(369.325)

Društvo je na dan 31.12.2022. godine evidentiralo gubitak od poslovanja u iznosu od 119.754 KM. Ostatak poreznih gubitaka za prijenos na dan 31.12.2022. godine iznosi 456.010 KM.

10. NEKRETNINE, POSTROJENJA I OPREMA

U poslovnim knjigama društva na dan 31.12.2022. godine prezentirana je sljedeća struktura i vrijednost nekretnina, postrojenja i opreme:

NEKRETNINE, POSTROJENJA I OPREMA		
	31.12.2022.	31.12.2021.
Gradevinski objekti	308.349	319.556
Postrojenja, oprema i namještaj	224.367	356.616
Transportna sredstva	10.985	14.520
Zemljište	5.470	5.470
Nekretnine, postrojenja i oprema u pripremi	230	0
UKUPNO:	549.401	696.162

Gradevinski objekti na dan 31.12.2022. godine evidentirani su u iznosu od 308.349 KM, a njihovu strukturu čini građevina Velika Gomila u iznosu 293.771 KM i građevina Brekovića u iznosu 14.578 KM.

U poslovnim knjigama društva na poziciji postrojenja i oprema na dan 31.12.2022. godine zbirno su evidentirani postrojenja i oprema (mašine) u iznosu 210.862 KM i alati, pogonski i kancelarijski namještaj 13.505 KM.

Transportna sredstva na dan 31.12.2022. godine evidentirana su u iznosu 10.985 KM.

Na poziciji zemljišta na dan 31.12.2022. godine evidentirano je zemljište Velika Gomila u iznosu 5.470 KM.

Nekretnine, postrojenja i oprema u pripremi na dan 31.12.2022. godine evidentirani su u iznosu 230 KM, a odnose se na investicije u toku: alati, pogonski i kancelarijski namještaj.

Naše revizorsko društvo nije bilo prisutno prilikom popisa stalnih sredstava zbog kasnijeg angažmana.

11. IMOVINA S PRAVOM KORIŠTENJA

U poslovnim knjigama društva na dan 31.12.2022. godine prezentirana je sljedeća struktura i vrijednost imovine s pravom korištenja:

IMOVINA S PRAVOM KORIŠTENJA	31.12.2022.	31.12.2021.
Građevinski objekti	381.770	497.656
UKUPNO:	381.770	497.656

Imovina s pravom korištenja (najam poslovnog prostora)* dan 31.12.2022. godine evidentirana je u iznosu 381.770 KM.

*U skladu sa zahtjevima MSFI 16 Najmovi, društvo-najmoprimac je priznalo imovinu s pravom korištenja i obaveze po osnovu najma kako slijedi:

-Uprava društva je donijela Odluku o procjeni trajanja zakupa na lokacijama na kojima se nalazi oprema za emitovanje radio i televizijskog programa JP RTV USK d.o.o. Bihać broj 567-04/19 od 25.10.2019. godine za zaključene ugovore o zakupu. Te lokacije su Vršić-općina Bosanski Petrovac, Hairlahovića Brdo-općina Cazin i Keserovića Brdo-općina Velika Kladuša kojom procjenjuje da će zakup na tim lokacijama trajati 5 godina. Odluka se primjenjuje retroaktivno od 01.01.2019. godine. Imovina s pravom korištenja koja se odnosi na Ugovore evidentirana je na dan 31.12.2022. godine u iznosu 13.785 KM.

-Društvo je zaključilo 01.04.2021. godine Ugovor o zakupu sa Agraminvest d.o.o. Mostar na period od 5 godina i mjesečnu zakupninu 12.247,12 KM sa uračunatim pdv-om. Imovina s pravom korištenja koja se odnosi na ovaj Ugovor evidentirana je na dan 31.12.2022. godine u iznosu 367.985 KM.

Nakon inicijalnog priznavanja, imovina sa pravom korištenja je vrednovana po metodi troška. Svi zahtjevi koji su propisani navedenim MSFI 16 Najmovi su ispoštovani u cjelosti.

12. NEMATERIJALNA IMOVINA

U poslovnim knjigama društva na dan 31.12.2022. godine prezentirana je sljedeća struktura i vrijednost nematerijalne imovine:

NEMATERIJALNA IMOVINA	31.12.2022.	31.12.2021.
Ostala nematerijalna imovina	0	1.566
UKUPNO:	0	1.566

Nematerijalna imovina na dan 31.12.2022. godine nije evidentirana u poslovnim knjigama društva.

Ostala nematerijalna imovina na dan 31.12.2021. godine evidentirana je u iznosu od 1.566 KM, a odnosi se na ulaganja na tuđim stalnim sredstvima. Ulaganja na tuđim građevinskim objektima uzetim u dugoročni najam su ulaganja u zakupljene poslovne prostorije. Društvo je do 31.03.2021. godine koristilo poslovne prostorije za obavljanje registrirane djelatnosti po Ugovoru o zakupu koji je zaključilo sa JU Kulturni centar Bihać.

13. OSTALA IMOVINA I POTRAŽIVANJA

U poslovnim knjigama društva na dan 31.12.2022. godine prezentirana je sljedeća struktura i vrijednost ostale imovine i potraživanja:

OSTALA IMOVINA I POTRAŽIVANJA	31.12.2022.	31.12.2021.
Ostala dugoročna razgraničenja	40.966	65.884
UKUPNO:	40.966	65.884

Ostala dugoročna razgraničenja na dan 31.12.2022. godine evidentirana su u iznosu od 40.966 KM, a odnose se na razgraničene kamate na najam.

Prema paragrafu 26. MSFI-a 16 Najmovi, na prvi dan trajanja najma, najmoprimac obavezu po osnovu tog najma mjeri po sadašnjoj vrijednosti svih plaćanja u vezi s najmom koja nisu izvršena na taj dan. Ta plaćanja se diskontuju po kamatnoj stopi sadržanoj u najmu ako je stopu lako utvrditi. U slučajevima kad tu kamatnu stopu nije moguće lako utvrditi, najmoprimac primjenjuje inkrementalnu kamatnu stopu zaduženja.

14. ZALIHE

U poslovnim knjigama društva na dan 31.12.2022. godine prezentirana je sljedeća struktura i vrijednost zaliha:

ZALIHE	31.12.2022.	31.12.2021.
Sirovine, materijal, rezervni dijelovi i sitan inventar	2.012	0
UKUPNO:	2.012	0

Zalihe na dan 31.12.2022. godine evidentirane su u poslovnim knjigama društva u iznosu od 2.012 KM, a njihovu strukturu čine autogume u upotrebi 221 KM, alat i sitan inventar 1.791 KM.

15. POTRAŽIVANJA OD KUPACA

U poslovnim knjigama društva potraživanja od kupaca na dan 31.12.2022. godine evidentirana su u iznosu 87.323 KM, a ista se odnose na potraživanja od kupaca u zemlji. Struktura potraživanja od kupaca u zemlji prikazana je u tabeli kako slijedi:

POTRAŽIVANJA OD KUPACA	31.12.2022.	31.12.2021.
Kupci u zemlji	87.323	61.953
UKUPNO:	87.323	61.953

Uvidom u analitičke kartice potraživanja od kupaca u zemlji na dan 31.12.2022. godine iznose 87.323 KM i veća su nego prethodne godine za 25.370 KM.

Ročnost potraživanja od kupaca u zemlji prikazana je u tabeli kako slijedi:

ROČNOST POTRAŽIVANJA OD KUPACA PO DANIMA							
	do 30	do 60	do 90	do 120	do 360	preko 360	UKUPNO
Kupci u zemlji	42.539	25.383	2.500	11.123	4.563	1.215	
UKUPNO:	42.539	25.383	2.500	11.123	4.563	1.215	87.323

Svi povjerilački odnosi i sva potraživanja sadrže neki stepen rizika da se neće moći naplatiti. Ona potraživanja za koja su izvjesnost i vrijeme naplate, iz bilo kojih razloga, dovedena u pitanje, smatraće se sumnjivim i spornim potraživanjima. Na osnovu odluke uprave, takva potraživanja se sa redovnih konta prenose na konta sumnjivih i spornih potraživanja. Uvidom u analitičke kartice kupaca na dan 31.12.2022. godine društvo je evidentiralo sumnjiva i sporna potraživanja od kupaca u iznosu od 1.215 KM.

16. NOVAC I NOVČANI EKVIVALENTI

U poslovnim knjigama društva na dan 31.12.2022. godine prezentirana je sljedeća struktura i vrijednost novca i novčanih ekvivalenata:

NOVAC I NOVČANI EKVIVALENTI		
	31.12.2022.	31.12.2021.
Transakcijski računi-domaća valuta	300.321	300.200
Transakcijski računi-strana valuta	638	1.800
Blagajna-domaća valuta	170	34
Blagajna-strana valuta	0	203
UKUPNO:	301.129	302.237

Sva novčana sredstva su obuhvaćena testom. Izvršili smo uvid u bankarske izvode i blagajnu. te izvršili komparaciju sa analitičkim evidencijama iz računovodstva društva.

Uprava društva je 26.11.2015. godine donijela Odluku o blagajničkom maksimumu broj: 1362-04/15, u kojoj se određuje visina blagajničkog maksimuma u iznosu 300 KM.

Novčana sredstva na deviznom računu preračunata su u KM vrijednost primjenom srednjeg kursa Centralne banke.

17. OSTALA IMOVINA I POTRAŽIVANJA, UKLJUČUJUĆI I RAZGRANIČENJA

U poslovnim knjigama društva na dan 31.12.2022. godine prezentirana je sljedeća struktura i vrijednost ostale imovine i potraživanja, uključujući i razgraničenja:

DRUGA KRATKOROČNA POTRAŽIVANJA		
	31.12.2022.	31.12.2021.
Potraživanja iz budžeta	158.333	292.333
Potraživanja za PDV	92.288	91.783
Potraživanja za refundacije naknada plaća	13.558	27.472
UKUPNO:	264.179	411.588

U poslovnim knjigama na dan 31.12.2022. godine društvo ima evidentirana potraživanja iz budžeta u iznosu 158.333 KM. Potraživanje se odnosi na grant za neizmirene bruto plaće za decembar 2022. godine.

Potraživanja za pdv na dan 31.12.2022. godine evidentirana su u iznosu 92.288 KM. Uvidom u poslovne knjige društva najveću vrijednost u strukturi potraživanja za pdv čini privremeno neodbitni ulazni pdv u iznosu 91.592 KM, a koji se odnosi na ulazni pdv po zaključenom Ugovoru o zakupu sa Agraminvest d.o.o. Mostar i pdv na čekanju u iznosu 696 KM.

Potraživanja za refundacije naknada plaća na dan 31.12.2022. godine evidentirana su u iznosu 13.558 KM, a odnose se na potraživanja za refundaciju po osnovu bolovanja.

18. KAPITAL

Struktura kapitala društva u poslovnim knjigama na dan 31.12.2022. godine prikazana je u tabeli kako slijedi:

KAPITAL	31.12.2022.	31.12.2021.
Državni kapital (Unsko-sanski kanton 100%)	2.208.554	2.208.554
Ostali osnovni kapital	707.921	707.921
Gubitak ranijih godina	(2.006.354)	(1.826.990)
Gubitak izvještajne godine	(119.754)	(179.362)
UKUPNO:	790.367	910.123

Osnovni kapital u iznosu 2.208.554 KM odnosi se na uplaćeni državni kapital. Društvo nije formiralo fond rezervi.

U sudski registar 15.09.2016. godine upisani su podaci o povećanju osnovnog kapitala u stvarima u iznosu 707.921 KM. Skupština društva je 28.12.2015. godine donijela Odluku broj: 745-01/15 o povećanju osnovnog kapitala unošenjem stvari. U skladu s procjenom sudskih vještaka, procjenjena vrijednost za antenske stupove, kontejnere i agregate je 191.000 KM, a procjenjena elektrotehnička oprema je 516.921 KM.

Skupština Unsko-sanskog kantona je 11.04.2016. godine donijela Odluku broj: 01-02-3-291/16 o izmjeni Odluke o osnivanju Javnog preduzeća Radio televizija Unsko-sanskog kantona d.o.o. Bihać i Odluku broj: 01-02-3-292/16 o davanju saglasnosti na Odluku Skupštine društva broj: 745-01/15 od 28.12.2015. godine o povećanju osnovnog kapitala unošenjem stvari.

Gubitak za period 01.01.2022.-31.12.2022. godine iskazan je u iznosu od 119.754 KM.

Kapital na dan sastavljanja finansijskih izvještaja iskazan je u iznosu od 790.367 KM.

19. DUGOROČNE OBAVEZE

19.1. Odgođeni prihod

Odgođeni prihodi na dan 31.12.2022. godine iznose 21.711 KM, a odnose se na odložene prihode iz donacija i pomoći. Donirana oprema od strane Turske uprave za međunarodnu saradnju i razvoj (TIKA) u iznosu od 91.048 KM stavljena je u upotrebu 2013. godine.

ODGOĐENI PRIHOD	31.12.2022.	31.12.2021.
Unaprijed naplaćeni odgođeni prihodi	21.711	27.309
UKUPNO:	21.711	27.309

Na dan 31.12.2022. godine donirana oprema evidentirana je u iznosu 21.711 KM. Razlika u iznosu od 5.598 KM priznata je kao prihod i evidentirana na kontu 6521-Prihodi od donacija 5.598 KM. Zahtjev MRS-20 Računovodstvo državnih davanja je ispoštovan u cjelosti.

19.2. Ostale obaveze, uključujući i razgraničenja

Ostale obaveze, uključujući i razgraničenja prezentirane su u poslovnim knjigama društva na dan 31.12.2022. godine u iznosu od 514.182 KM, a njihova struktura prezentirana je u tabeli kako slijedi:

OSTALE OBAVEZE, UKLJUČUJUĆI I RAZGRANIČENJA	31.12.2022.	31.12.2021.
Dugoročne obaveze po osnovu najma	514.182	654.984
UKUPNO:	514.182	654.984

Prema paragrafu 26. MSFI-a 16 Najmovi, najmoprimac priznaje imovinu sa pravom korištenja i obavezu po osnovu najma od prvog dana trajanja najma. Na početku trajanja najma, najmoprimac imovinu sa pravom korištenja treba mjeriti i priznati po trošku. Najmoprimac treba priznati sve buduće obaveze po najmu u njihovoj diskontiranoj vrijednosti, tj. u iznosu sadašnje vrijednosti svih budućih plaćanja po najmu. Svi zahtjevi koje propisuje MFSI 16 Najmovi su ispoštovani.

Dugoročne obaveze po osnovu najma dan 31.12.2022. godine evidentirane su u poslovnim knjigama društva u iznosu 514.182 KM.

20. KRATKOROČNE OBAVEZE

20.1. Financijske obaveze po amortizovanom trošku

Financijske obaveze po amortizovanom trošku prezentirane su u poslovnim knjigama društva na dan 31.12.2022. godine u iznosu od 95.942 KM. Struktura financijskih obaveza po amortizovanom trošku prezentirana je u tabeli kako slijedi:

FINANCIJSKE OBAVEZE PO AMORT. TROŠKU	31.12.2022.	31.12.2021.
Obaveze prema dobavljačima	60.716	90.454
Obaveze po osnovu najmova	19.116	21.754
Obaveze po uzetim kreditima	16.110	21.416
UKUPNO:	95.942	133.624

Obaveze društva prema dobavljačima na dan 31.12.2022. godine iznose 60.716 KM i manje su nego prethodne godine za 29.738 KM.

Obaveze po osnovu najmova na dan 31.12.2022. godine evidentirane su u iznosu od 19.116 KM, a odnose se na kratkoročni dio dugoročnih obaveza po osnovu najma.

Kratkoročne financijske obaveze su kratkoročni financijski krediti koji su podrška tekućoj likvidnosti. Kratkoročne obaveze su obaveze koje dospijevaju u roku do godinu dana.

Društvo je 15.07.2022. godine zaključilo Ugovor o okvirnom kratkoročnom kreditu po transakcijskom računu broj 19000519-OD-1/22 sa Unicredit bank d.d. Mostar. Kreditna sredstva su odobrena u iznosu 40.000 KM na period od 6 mjeseci uz automatsko obnavljanje na period od još 6 mjeseci uz godišnju redovnu fiksnu kamatnu stopu od 4,10%. Namjena sredstava je premošćivanje neusklađenosti priliva i odliva na transakcijskom računu korisnika kredita i financiranje ostalih potreba za obrtnim sredstvima. Obezbjedenje i instrumenti naplate po navedenom kreditu su 3 bjanko mjenice trasirane od strane društva.

Na dan 31.12.2022. godine obaveze po kreditu evidentirane su u iznosu 16.110 KM.

20.2. Obaveze za porez na dobit

OBAVEZE ZA POREZ NA DOBIT	31.12.2022.	31.12.2021.
Obaveze za naknade za šume	1.826	16.879
Obaveze za članarine turističkim zajednicama	0	2.693
Obaveze za porez po odbitku	0	47
UKUPNO:	1.826	19.619

Obaveze po osnovu raznih članarina i taksi su nastale po osnovu zakonskih propisa koji nalažu obračun i uplatu istih po godišnjem obračunu.

20.3. Ostale obaveze, uključujući i razgraničenja

OBAVEZE PO OSNOVU PLAĆA, NAKNADA I OSTALIH PRIMANJA	31.12.2022.	31.12.2021.
Obaveze za neto plate	86.233	129.862
Doprinosi za PIO/MIO	37.665	58.381
Doprinosi za zdravstveno osiguranje	27.020	41.882
Obaveze za obustave iz plaća	18.533	33.738
Obaveze za naknadu troškova za prevoz	9.258	2.487
Obaveze za porez na dohodak	8.227	11.551
Obaveze za PDV	5.278	5.930
Doprinosi za osiguranje od nezaposlenosti	3.275	5.077
Obaveze prema fizičkim licima za naknade	3.090	500
Obaveze po osnovu pomoći zaposlenima	2.280	0
Obaveza za opću vodnu naknadu	678	931
Obaveza za posebnu naknadu za zaštitu od nesreće	678	931
Obaveze za doprinose i poreze na naknade fizičkim licima	537	117
UKUPNO:	202.752	291.387

Obaveze za neto plaće, te neplaćene poreze i doprinose odnose se na obaveze po osnovu neizmirenih obaveza za decembar 2022. godine.

Obaveze za obustave iz plaća-sindikalna članarina je iznos koji se mjesečno obustavlja svim zaposlenicima u iznosu od 1,5% neto plate. Svi zaposlenici su članovi sindikata, a predsjednik sindikata je Šefika Memagić.

Obaveza za PDV na dan 31.12.2022. godine evidentirana je u iznosu 5.278 KM, a odnosi se na obavezu po PDV prijavi za decembar 2022. godine.

21. VANBILANSNA EVIDENCIJA

U poslovnim knjigama društva na dan 31.12.2022. godine evidentirana je vanbilansna evidencija. Vanbilansnu evidenciju čini oprema u iznosu 112.607 KM. Oprema je evidentirana na osnovu Sporazuma o korištenju opreme JP RTV Bihać d.o.o. Bihać iz 2013. godine.

22. TRANSAKCIJE SA POVEZANIM STRANAMA

Transakcije sa povezanim stranama označavaju povezane strane u smislu: Međunarodnog revizijskog standarda 550-Povezane stranke, Međunarodnog računovodstvenog standarda 24-Objavljivanje povezanih strana, Zakona o privrednim društvima -Službene novine FBiH broj 81/15, Zakona o porezu na dobit -Službene novine FBiH broj 15/16, Pravilnika o primjeni zakona o porezu na dobit -Službene novine FBiH broj 88/16, 11/17, 96/17, i Pravilnika o transfernim cijenama -Službene novine FBiH broj 67/16.

Osnivač društva je skupština Unsko-sanskog kantona koja ima 100% vlasništvo u društvu.

JP Radio televizija Unsko-sanskog kantona d.o.o. Bihać

Organizacionu strukturu društva čine: Skupština, Nadzorni odbor i Uprava (menadžment) kao organi upravljanja. Imenovanje članova Skupštine i Nadzornog odbora prolazi proceduru koja je zakonom predviđena. Društvo nema udjele u drugim društvima.

Transakcije sa povezanim stranama prezentirane su u poslovnim knjigama društva u 2022. godini. Struktura transakcija i evidentirani promet prikazani su u sljedećoj tabeli:

Opis transakcije	Isporučilac transakcije	Primalac transakcije	Vrijednost transakcije na dan 31.12.2022.
Prihodi iz budžeta	Unsko-sanski kanton	JP RTV USK d.o.o. Bihać	1.900.000
Ostali prihodi iz dr. namjenskih izvora	Unsko-sanski kanton	JP RTV USK d.o.o. Bihać	93.270
Ispravka vrijednosti i direktan otpis	Unsko-sanski kanton	JP RTV USK d.o.o. Bihać	17.000
Prihodi od subvencija	Unsko-sanski kanton	JP RTV USK d.o.o. Bihać	12.360
UKUPNO:			2.022.630

Vlada Unsko-sanskog kantona je 08.03.2022. godine donijela Odluku o usvajanju Programa utroška sredstava – Grant za 2022. godinu u iznosu 1.900.000 KM. Sredstva nisu uplaćena u cjelosti tokom 2022. godine. Na dan 31.12.2022. godine potraživanja od Vlade Unsko-sanskog kantona iznosila su 158.333 KM.

Na prijedlog Ministarstva obrazovanja, nauke, kulture i sporta, dana 30.12.2021. godine, Vlada Unsko – sanskog kantona donijela je Odluku o izmjenama Odluke o usvajanju Programa utroška sredstava grant za 2021. godinu po kojoj se povećava vrijednost granta i iznosi 1.743.270 KM. Ova Odluka objavljena je 21.01.2022. godine u Službenom glasniku Unsko – sanskog kantona broj 2. Razlika novčanih sredstava po osnovu povećanja granta u iznosu od 93.270 KM uplaćena je 08.03.2022. godine.

Društvo je otpisalo potraživanja po Ugovoru o sufinansiranju projekta iz oblasti mladih (projekat Školski sat) koji je zaključen sa Ministarstvom obrazovanja, nauke, kulture i sporta u iznosu 6.000 KM, te razliku za uplatu grantskih sredstava od 11.000 KM koja se odnose na 2015. godinu.

Vlada Unsko-sanskog kantona je 20.08.2021. godine, na prijedlog Ministarstva privrede, donijela Odluku o usvajanju Programa utroška sredstava „Subvencije javnim preduzećima“ –JP RTV USK d.o.o. Bihać broj: 03-017-3425/2021 u iznosu 20.000 KM. Sredstva se trebaju utrošiti za program kupujmo domaće – gradimo BiH u svrhu promocije domaćih proizvoda. Društvo je dužno da Ministarstvu privrede dostavi izvještaj o utrošku doznačenih sredstava, a Ministarstvo će o istom izvijestiti Vladu Unsko-sanskog kantona. Ministarstvo privrede Unsko – sanskog kantona je 24.09.2021. godine uplatilo 20.000 KM na račun društva. Vlada Unsko-sanskog kantona donijela je Odluku o dopunama Odluke o usvajanju Programa utroška sredstava subvencije javnim preduzećima po kojoj je za program kupujmo domaće – gradimo BiH u svrhu sufinansiranja dodatnih nepredviđenih troškova sedme sezone emisije kupujmo domaće – gradimo BiH odobren iznos 6.360 KM, a isti je uplaćen 09.03.2022. godine.

Društvu je 01.11.2022. godine uplaćeno 6.000 KM za sufinansiranje Programa edukativne promocije poljoprivrede u ruralnim područjima na području Unsko – sanskog kantona.

Uprava smatra da društvo posjeduje dovoljnu i adekvatnu prateću dokumentaciju u vezi sa transfernim cijenama. Postoji neizvjesnost da se zahtjevi i tumačenja poreskih i drugih organa razlikuju od tumačenja uprave. Uprava društva smatra da eventualna različita tumačenja neće imati materijalno značajnih posljedica na financijske izvještaje.

23. POREZNI ASPEKTI REVIZIJE

Društvo je obveznik plaćanja indirektnih i direktnih poreza, kao i socijalnih davanja koja nastaju po osnovu rada. Stopa poreza na dobit i dohodak je 10% (direktni porezi), stopa PDV-a je 17% (indirektni porez), a zbirna stopa doprinosa iznosi 41,50% na bruto platu zaposlenih. Bitno je spomenuti tri vrste takse koje društvo plaća prilikom svog poslovanja: komunalne, administrativne i sudske.

Najznačajniju stavku imaju takse i nakande koje su evidentirane na dan 31.12.2022. godine u iznosu 62.273 KM, a iste se odnose na naknade kako slijedi:

- društvo plaća autorsku naknadu Asocijaciji kompozitora muzičkih stvaralaca (AMUS) za dozvolu emitovanja muzičkih djela.
- društvo plaća Asocijaciji izvođača i svirača (AIS) naknade za korištenje izvedbi muzičkih djela emitovanjem sa snimka izdatog na nosaču zvuka.
- društvo je potpisalo ugovor sa Kolektivnom organizacijom za zaštitu prava proizvođača fonograma (FONOGRAM) na osnovu kojeg je obaveznik plaćanja naknade za korištenje fonograma.
- društvo plaća naknadu The Friends d.o.o. Banja Luka za ustupanje prava prikazivanja, -i druge naknade.

Zbog svog ustavnog uređenja, nadležnost u provođenju fiskalne politike je podjeljena na entitete i Državu. Direktni porezi se primjenjuju u FBiH, a indirektni na nivo BiH. Doprinosi i socijalna davanja su prihodi vanbudžetskih fondova na nivou entiteta FBiH i RS, a u okviru FBiH su doprinosi za zdravstveno osiguranje, koji pripadaju kantonima.

Takse, za razliku od poreznih zakona, su najčešće propisane kantonalnim, odnosno općinskim propisima i predstavljaju neporezne prihode općina ili kantona. Zbog podjeljene nadležnosti za provedbu ovih propisa često postoje različita tumačenja u primjeni pojedinih zakonskih odredbi. Tumačenje poreskih zakona od strane poreskih vlasti u odnosu na transakcije i aktivnosti društva mogu se razlikovati od tumačenja uprave. Kao rezultat iznijetog, transakcije mogu biti osporene od strane poreskih vlasti i društvu može biti određen dodatni iznos poreza, kazni i kamata. Ove činjenice utiču da poreski rizik u Bosni i Hercegovini bude značajniji od onog u zemljama sa razvijenijim poreskim sistemom.

Društvo je imalo kontrolu direktnih poreza od strane Porezne uprave za period 01.01.2017. do 31.12.2021. godine. Kontrolom su utvrđene dodatne obaveze u iznosu 100.853,79 KM po Zapisniku o kontroli broj: 13-1/02-12-20-128-1/2022 od 06.05.2022. godine. Društvo je 06.06.2022. godine podnijelo žalbu Federalnom ministarstvu finansija protiv Rješenja o dodatno utvrđenim obavezama (veza broj: 3-1/02-12-20-128-3/2022 od 31.05.2022. godine).

24. JAVNE NABAVKE

1) Izvještaj o planu javnih nabavki, ukupnom broju postupaka i ukupnoj vrijednosti ugovora po vrsti postupka i predmetu nabavke prikazana je u tabeli:

Vrsta postupka	Vrsta ugovora						UKUPNO	
	Roba/Materijal		Usluge		Radovi		Uk. broj	Ukupna vrijednost bez PDV-a
	Uk. broj	Ukupna vrijednost bez PDV-a	Uk. broj	Ukupna vrijednost bez PDV-a	Uk. broj	Ukupna vrijednost bez PDV-a		
Direktni sporazum	3	6.700 KM	15	34.480 KM			18	41.180 KM
Konkurentski zahtjev	2	30.000 KM					2	30.000 KM
Izuzeteće*	1	38.250 KM					1	38.250 KM
UKUPNO	6	74.950 KM	15	34.480 KM			21	109.430 KM

2) Izvještaj o ukupnom broju postupaka i ukupnoj vrijednosti dodjeljenih ugovora po vrsti postupka i predmetu nabavke prikazana je u tabeli:

Vrsta postupka	Vrsta ugovora						UKUPNO	
	Roba/Materijal		Usluge		Radovi		Uk. broj	Ukupna vrijednost bez PDV-a
	Uk. broj	Ukupna vrijednost bez PDV-a	Uk. broj	Ukupna vrijednost bez PDV-a	Uk. broj	Ukupna vrijednost bez PDV-a		
Direktni sporazum	2	5.917 KM	7	20.253 KM			9	26.170 KM
Izuzeteće*	1	38.250 KM					1	38.250 KM
UKUPNO	3	44.167 KM	7	20.253 KM			10	64.420 KM

*Izuzeteće se odnosi na kupovinu programa – igrane serije (Ugovor o ustupanju prava prikazivanja ustupljenog programa).

25. ZNAČAJNI DATUMI NAKON DATUMA FINACIJSKIH IZVJEŠTAJA

U skladu sa MRevS 560 -Naknadni događaji, ciljevi revizije su pribavljanje dovoljno primjerenih dokaza o tome da li su događaji nastali nakon datuma financijskih izvještaja i datuma izdavanja našeg mišljenja primjereno odrazili u financijskim izvještajima, te da primjereno reagiramo na činjenice koje su nam stavljene na uvid u toku razdoblja između datuma financijskih izvještaja i datuma našeg mišljenja.

Ovdje je važno spomenuti četiri datuma:

1. datum financijskih izvještaja,
2. datum odobravanja od strane uprave,
3. datum izdavanja revizijskog izvještaja, i
4. datum objave financijskih izvještaja (ako se objavljuju financijski izvještaji).

U vezi s tim, naše procedure nam nalažu, da upravi društva postavimo neka pitanja koja se tiču gore navedenog:

1. da li je došlo do povećanja nekih obaveza ili jamstava?, NE
2. da li je došlo do prodaje ili nabave (investicije) značajnog dijela imovine društva?, NE
3. da li je došlo do korigovanja nekih značajnih bilansnih pozicija koje mogu uticati na financijske izvještaje u cjelini (materijalno značajna greška)?, NE
4. da li postoji neki sudski spor za koji je nužno izvršiti rezervaciju u skladu sa MRS-37?, NE
5. da li je nastao neki događaj koji bi uticao na nadoknadivu vrijednost imovine, tj. da li je došlo do umanjenja vrijednosti imovine u skladu sa MRS-36?, NE

Ostale informacije:

Društvo je imalo kontrolu direktnih poreza od strane Porezne uprave za period 01.01.2017. do 31.12.2021. godine. Kontrolom su utvrđene dodatne obaveze u iznosu 100.853,79 KM po Zapisniku o kontroli broj: 13-1/02-12-20-128-1/2022 od 06.05.2022. godine.

Društvo je 06.06.2022. godine podnijelo žalbu Federalnom ministarstvu finansija protiv Rješenja o dodatno utvrđenim obavezama (veza broj: 3-1/02-12-20-128-3/2022 od 31.05.2022. godine).

Ostale činjenice:

Izmijenjeni su postojeći računovodstveni standardi. MSFI 9 Financijski instrumenti, MSFI 15 Prihodi iz ugovora s kupcima u primjeni su od 01.01.2018. godine, a MSFI 16 Najmovi je u primjeni od 01.01.2019. godine.

Spomenute izmjene postojećih standarda i tumačenja su imale uticaj na financijske izvještaje za 2022. godinu u dijelu koji se odnosi na primjenu MSFI 16 Najmovi.

26. FINACIJSKI INSTRUMENTI I UPRAVLJANJE RIZICIMA

Financijski instrumenti

Društvo nema deriviranih financijskih instrumenata niti bilo kakvih financijskih instrumenata koji bi društvo potencijalno izlagali koncentraciji kreditnog rizika. Politika društva je da ulazi u financijske instrumente s raznim kreditno sposobnim protustrankama. Stoga društvo ne očekuje da će biti izloženo materijalnim kreditnim gubicima po financijskim instrumentima.

Fer vrijednosti financijske imovine i obaveza

Fer vrijednost predstavlja iznos za koji se neka imovina može zamijeniti ili obaveza podmiriti po tržišnim uvjetima. Kako nije moguće doći do referentnih tržišnih cijena značajnog dijela aktive i obaveza društva, fer vrijednosti temelje se na procjenama Uprave s obzirom na vrstu aktive i osnovu obaveze. Uprava vjeruje da se fer vrijednosti aktive i obaveza (osim ako nije drugačije navedeno u ovoj bilješci) ne razlikuju značajno od njihovih knjigovodstvenih vrijednosti.

Obaveze po kreditima

Fer vrijednost kratkoročnih obaveza je približna knjigovodstvenoj vrijednosti uslijed kratkoročnosti ovih instrumenata.

Upravljanje kapitalnim rizikom

Društvo upravlja kapitalom na način da omogućiti nastavak poslovanja i maksimizira povrat vlasnicima nalazeći optimalni odnos duga i kapitala. Opšta strategija društva nije promijenjena u odnosu na prethodnu godinu. Financijska struktura društva uključuje vlastiti kapital kako je prikazano u Izvještaju o promjenama na kapitalu.

Koeficijent zaduženosti

Uprava prati strukturu izvora financiranja na mjesečnoj osnovi. Kao dio ovog praćenja, Uprava uzima u obzir trošak financiranja i rizike povezane sa svakom od klasa izvora financiranja.

Ciljevi upravljanja financijskim rizikom

Uprava društva zajedno sa nadležnim službama koordinira pristupom domaćim financijskim tržištima, nadzire i upravlja financijskim rizikom koji se odnosi na operacije društva kroz interne izvještaje o riziku, koji analiziraju izloženost prema stepenu i veličini rizika. Ovi rizici uključuju tržišni rizik (uključujući valutni rizik, rizik kamatne stope i cjenovni rizik), kreditni rizik, rizik likvidnosti i rizik novčanog toka kamatne stope. Aktivnosti društva su primarno izložene financijskom riziku promjene kursa strane valute i kamatne stope. Društvo sporadično obavlja određene transakcije denominirane u stranim valutama, po osnovu kojih dolazi do izloženosti promjenama kursa stranih valuta.

Budući da je Konvertibilna marka (KM) vezana za EUR, društvo nije izloženo riziku promjene EUR kursa. Po mišljenju Uprave, analiza osjetljivosti nije reprezentativna u smislu inherentnog valutnog rizika jer je u skladu sa Zakonom o Centralnoj banci Bosne i Hercegovine KM fiksno vezana za EUR. Izmjena kursa bi zahtijevala izmjenu zakona i usvajanje od Parlamentarne skupštine Bosne i Hercegovine.

Upravljanje kreditnim rizikom

Kreditni rizik se odnosi na rizik da druga strana neće ispuniti svoje ugovorne obaveze što će rezultirati financijskim gubitkom društva. Potraživanja od kupaca razdijeljena su na značajan broj kupaca. Društvo ima značajnu izloženost kreditnom riziku prema kupcu ili grupi kupaca koji imaju slične osobine.

Upravljanje rizikom likvidnosti

Krajnja odgovornost za upravljanje rizikom likvidnosti leži na Upravi društva, koja je izgradila odgovarajući okvir za upravljanje rizikom likvidnosti kojim će se upravljati kratkoročnim, srednjoročnim i dugoročnim potrebama društva za likvidnim sredstvima. Društvo upravlja ovim rizikom održavanjem adekvatnih rezervi, kao i ostalim izvorima

financiranja, time što konstantno nadgleda prognoziranje i stvarne novčane tokove i uspoređuje profile dospijuća financijske imovine i obaveza.

27. NAJVAŽNIJI FINACIJSKI POKAZATELJI DRUŠTVA

27.1. Pokazatelji likvidnosti

Koeficijent tekuće likvidnosti
(kratkotrajna imovina / kratkoročne obaveze)

Period	31.12.2022.	31.12.2021.
Kratkotrajna imovina	654.643	775.778
Kratkoročne obaveze	300.520	444.630
Pokazatelj tekuće likvidnosti	2,18	1,74

Koeficijent tekuće likvidnosti mjeri sposobnost društva da podmiri svoje kratkoročne obaveze. Vrijednost ovog koeficijenta treba da bude veća od 2, jer kratkotrajna imovina mora biti bar dva puta veća od kratkoročnih obaveza, teoretski što je tekući odnos veći, veća je mogućnost da se tekuće obaveze podmire tekućom imovinom. Koeficijent tekuće likvidnosti u društvu ima vrijednost 2,18 što znači da društvo ima 2,18 KM u tekućoj imovini na svaku 1 KM tekućih obaveza.

Koeficijent trenutne likvidnosti
(novac / kratkoročne obaveze)

Period	31.12.2022.	31.12.2021.
Novac	301.129	302.237
Kratkoročne obaveze	300.520	444.630
Pokazatelj trenutne likvidnosti	1,00	0,68

Koeficijent trenutne likvidnosti pokazuje kolika je pokrivenost kratkoročnih obaveza likvidnom kratkotrajnom imovinom, tj. novčanim sredstvima. Smatra se da ovaj koeficijent ne bi trebao biti manji od 0,10.

Koeficijent ubrzane likvidnosti
(novac + potraživanja / kratkoročne obaveze)

Period	31.12.2022.	31.12.2021.
Novac	301.129	302.237
Potraživanja	351.502	473.541
Kratkoročne obaveze	300.520	444.630
Pokazatelj ubrzane likvidnosti	2,17	1,74

Koeficijent ubrzane likvidnosti pokazuje ima li društvo dovoljno kratkoročnih sredstava da podmiri dospjele obaveze bez prodaje zaliha. Vrijednost ovog koeficijenta bi trebala biti minimalno 1. Ako je manji od 1 indicira da društvo ne može da zadovolji iznenadnu potrebu za gotovinom.

Koeficijent finansijske stabilnosti
(dugotrajna imovina / kapital + dugoročne obaveze)

Period	31.12.2022.	31.12.2021.
Dugotrajna imovina	972.137	1.261.268
Kapital	790.367	910.123
Dugoročne obaveze	535.893	682.293
Pokazatelj finansijske stabilnosti	0,73	0,79

Koeficijent finansijske stabilnosti bi trebao biti manji od 1, jer se iz dijela dugoročnih izvora mora financirati kratkotrajna imovina. Ako je veći od 1 znači da je dugotrajna imovina financirana iz kratkoročnih obaveza odnosno da postoji deficit obrtnog kapitala.

27.2. Pokazatelji zaduženosti

Koeficijent trenutne zaduženosti
(ukupne obaveze / ukupna imovina) x 100

Period	31.12.2022.	31.12.2021.
Ukupne obaveze	836.413	1.126.923
Ukupna imovina	1.626.780	2.037.046
Pokazatelj zaduženosti	0,51	0,55

Ovaj koeficijent pokazuje sposobnost društva da pokrije sve svoje obaveze (kratkoročne i dugoročne) prema svojim povjeriocima. Što je veći stepen zaduženosti, manja je sposobnost društva da pokrije svoje obaveze. samim tim je finansijski rizik investiranja veći. Ovaj koeficijent ne bi trebao biti veći od 50%.

Koeficijent vlastitog financiranja
(vlastiti kapital / ukupna imovina) x 100

Period	31.12.2022.	31.12.2021.
Vlastiti kapital	790.367	910.123
Ukupna imovina	1.626.780	2.037.046
Pokazatelj vlastitog financiranja	0,49	0,45

Koeficijent vlastitog financiranja pokazuje u kojem omjeru vlastito financiranje sudjeluje u poslovanju društva. Pokazatelj je bolji što je koeficijent veći od 0,50 jer onda to znači da se društvo financira iz vlastitih izvora s više od 50%. Odnosno, možemo reći što je stupanj samofinanciranja veći to su vjerovnici sigurniji i rizik poslovanja s tim društvom je manji.

Koeficijent financiranja
(ukupne obaveze / vlastiti kapital)

Period	31.12.2022.	31.12.2021.
Ukupne obaveze	836.413	1.126.923
Vlastiti kapital	790.367	910.123
Pokazatelj financiranja	1,06	1,24

Pravilo financiranja zaduživanjem u odnosu na vlastiti kapital ne treba prelaziti omjer 1:1 jer se društvo ne bi trebalo zaduživati iznad vrijednosti vlastitog kapitala. Društvo nema dovoljno vlastitog kapitala. Vlastiti izvori sredstava postoje ali su manji od tuđih (povjerilačkih) izvora.

Navedena tri pokazatelja zaduženosti govore koliko je imovine financirano iz vlastitog kapitala, te koliko je imovine financirano iz tuđeg kapitala (obaveza).

Stupanj pokrića I

(vlastiti kapital / dugotrajna imovina)

Period	31.12.2022.	31.12.2021.
Vlastiti kapital	790.367	910.123
Dugotrajna imovina	972.137	1.261.268
Stupanj pokrića I	0,81	0,72

Stupanj pokrića II

(vlastiti kapital + dugoročne obaveze / dugotrajna imovina)

Period	31.12.2022.	31.12.2021.
Vlastiti kapital	790.367	910.123
Dugoročne obaveze	535.893	682.293
Dugotrajna imovina	972.137	1.261.268
Stupanj pokrića II	1,36	1,26

Kod stupnja I i II se razmatra pokriće dugotrajne imovine kapitalom, tj. kapitalom uvećanim za dugoročne obaveze. Kod stupnja II vrijednost bi morala biti veća od 1, jer dio izvora mora biti iskorišten za financiranje kratkotrajne imovine.

27.3. Pokazatelji ekonomičnosti

Koeficijent ekonomičnosti

(ukupni prihodi / ukupni rashodi)

Period	31.12.2022.	31.12.2021.
Ukupni prihodi	2.609.375	2.257.543
Ukupni rashodi	2.729.129	2.436.907
Pokazatelj ekonomičnosti	0,96	0,93

Ekonomičnost poslovanja

(prihodi iz ugovora s kupcima / rashodi od prodaje)

Period	31.12.2022.	31.12.2021.
Prihodi iz ugovora s kupcima	555.973	534.613
Poslovni rashodi	2.675.948	2.395.765
Ekonomičnost poslovanja	0,21	0,22

Pokazatelji ekonomičnosti mjere odnos prihoda i rashoda i pokazuju koliko se prihoda ostvari po jedinici rashoda. Iz toga proizlazi da se ti pokazatelji računaju na temelju podataka iz bilansa uspjeha. U pravilu pokazatelji bi trebali biti veći od jedan, odnosno, što su veći, to se više prihoda ostvaruje na jedinici rashoda.

27.4. Pokazatelji aktivnosti

Koeficijent obrta ukupne imovine (ukupni prihodi / ukupna imovina)

Period	31.12.2022.	31.12.2021.
Ukupni prihodi	2.609.375	2.257.543
Ukupna imovina	1.626.780	2.037.046
Koeficijent obrta ukupne imovine	1,60	1,11

Koeficijent obrta ukupne imovine stavlja u odnos finansijske učinke te imovine (prihode) s njezinom ukupnom vrijednošću. Upućuje na brzinu cirkulacije imovine u poslovnom procesu. Što je taj koeficijent veći, to je veća brzina cirkulacije (tj. broja dana vezivanja imovine manji).

Koeficijent obrta kratkotrajne imovine (ukupni prihodi / kratkotrajna imovina)

Period	31.12.2022.	31.12.2021.
Ukupni prihodi	2.609.375	2.257.543
Kratkotrajna imovina	654.643	775.778
Koeficijent obrta kratkotrajne imovine	3,99	2,91

Koeficijent obrta potraživanja (prihodi iz ugovora s kupcima / potraživanja od kupaca)

Period	31.12.2022.	31.12.2021.
Prihodi iz ugovora s kupcima	555.973	534.613
Potraživanja od kupaca	87.323	61.953
Koeficijent obrta potraživanja	6,37	8,63

Koeficijent obrta potraživanja pokazuje kvalitet potraživanja i koliko je društvo uspješno pri naplati, te ukazuje na nivo investicija u potraživanja koji je potreban da se održi postojeći nivo prodaje. Pokazuje koliko novčanih jedinica prodaje se može ostvariti s jednom KM uloženom u potraživanja.

Koeficijent naplate potraživanja u danima (365 / koeficijent obrta potraživanja)

Period	31.12.2022.	31.12.2021.
Broj dana u godini	365	365
Koeficijent obrta potraživanja	6	9
Koeficijent naplate potraživanja u danima	57,30	42,29

Prosječno vrijeme naplate je gruba mjera prosječnog vremena koje je potrebno da kupci plate društvu ono što duguju.

28. OSNOVNI PODACI O DRUŠTVU PROFIT-A d.o.o. Bosanski Petrovac

OSNOVNI PODACI O DRUŠTVU

Naziv:	Društvo ograničene odgovornosti PROFIT-A d.o.o. Bosanski Petrovac
Registarski sud:	Kantonalni sud u Bihaću
Matični broj subjekta upisa:	1-4533-00
Poslovno sjedište:	Trgovačka 35, 77250 Bosanski Petrovac
Pravni oblik:	društvo ograničene odgovornosti
Datum osnivanja:	03.10.2000. godine
Registar revizorskih društava:	licenca broj: 9010091214 od 18.02.2021. godine
Osnivači društva:	Dervić Nevzet 51%
Direktor društva:	Dervić Đemila, dipl. ecc.
Ovlašteni revizori:	Dervić Nevzet, ovlašteni revizor, licenca broj: 3010157232 Bašanović Jasmina, ovlašteni revizor, licenca broj: 3011115205
Osnivački kapital društva:	2.000 KM
Identifikacijski broj društva:	4263031170007
Djelatnost društva:	revizija finansijskih izvještaja izrada izvještaja o transfernim cijenama porezno savjetovanje procjena vrijednosti kapitala društva procjena vrijednosti imovine društva ili dijelova imovine društva računovodstvene usluge
E-mail:	profit.ba@gmail.com jasminaprofit.ba@gmail.com
Telefon:	0038 (0) 37 316 993, 0038 (0) 61 794 092, 0038 (0) 66 001 514

SADRŽAJ

IZVJEŠTAJ NEOVISNOG REVIZORA.....	2
IZJAVA O ODGOVORNOSTI ZA FINACIJSKE IZVJEŠTAJE	5
IZVJEŠTAJ O UKUPNOM REZULTATU	6
IZVJEŠTAJ O FINACIJSKOM POLOŽAJU.....	7
IZVJEŠTAJ O NOVČANIM TOKOVIMA	8
IZVJEŠTAJ O PROMJENAMA NA KAPITALU.....	9
1. OPĆI PODACI O DRUŠTVU	10
2. USVAJANJE NOVIH I IZMJENJENIH RAČUNOVODSTVENIH STANDARDA I STANDARDA FINACIJSKOG IZVJEŠTAVANJA (MRS/MSFI).....	13
2.1. Standardi i tumačenja na snazi u tekućem periodu	13
2.2. Standardi i tumačenja koji su objavljeni a nisu još u upotrebi.....	15
3. SAŽETAK TEMELJNIH RAČUNOVODSTVENIH POLITIKA.....	15
4. KLJUČNE RAČUNOVODSTVENE PROCJENE I PRETPOSTAVKE	25
5. PRIHODI IZ UGOVORA S KUPCIMA	26
6. OSTALI PRIHODI I DOBICI	26
7. POSLOVNI RASHODI	27
7.1. Troškovi plaća i ostalih ličnih primanja.....	27
7.2. Troškovi amortizacije.....	27
8. OSTALI RASHODI I GUBICI.....	27
9. POREZ NA DOBIT	28
10. NEKRETNINE, POSTROJENJA I OPREMA	28
11. IMOVINA S PRAVOM KORIŠTENJA.....	29
12. NEMATERIJALNA IMOVINA.....	29
13. OSTALA IMOVINA I POTRAŽIVANJA	30
14. ZALIHE	30
15. POTRAŽIVANJA OD KUPACA.....	30
16. NOVAC I NOVČANI EKVIVALENTI.....	31
17. OSTALA IMOVINA I POTRAŽIVANJA, UKLJUČUJUĆI I RAZGRANIČENJA	31
18. KAPITAL.....	32
19. DUGOROČNE OBAVEZE	33
20. KRATKOROČNE OBAVEZE	34
20.1. Finacijske obaveze po amortizovanom trošku	34
20.2. Obaveze za porez na dobit	34
20.3. Ostale obaveze, uključujući i razgraničenja.....	35
21. VANBILANSNA EVIDENCIJA.....	35
22. TRANSAKCIJE SA POVEZANIM STRANAMA.....	35
23. POREZNI ASPEKTI REVIZIJE	37
24. JAVNE NABAVKE.....	38
25. ZNAČAJNI DATUMI NAKON DATUMA FINACIJSKIH IZVJEŠTAJA.....	39
26. FINACIJSKI INSTRUMENTI I UPRAVLJANJE RIZICIMA.....	39
27. NAJVAŽNIJI FINACIJSKI POKAZATELJI DRUŠTVA.....	41
27.1. Pokazatelji likvidnosti	41
27.2. Pokazatelji zaduženosti	42
27.3. Pokazatelji ekonomičnosti.....	43

27.4. Pokazatelji aktivnosti	44
28. OSNOVNI PODACI O DRUŠTVU PROFIT-A d.o.o. Bosanski Petrovac	45

Prilozi revizorskom izvještaju:

1. Izvještaj o finansijskom položaju (Bilans stanja)
2. Izvještaj o ukupnom rezultatu (Bilans uspjeha)
3. Izvještaj o promjenama u glavnici (kapitalu)
4. Izvještaj o novčanim tokovima
5. Bilješke uz finansijske izvještaje

**JP Radio-televizija Unsko-
sanskog kantona d.o.o. Bihać**
Trg maršala Tita bb
77000 Bihać, BiH
Tel/fax: +387/37/222-701;
Redakcija: 222- 705; Desk: 226-198;
Marketing: 226-487; Radio: 222-679



www.rtvusk.ba

**Public company Radio Television
of Una-Sana Canton, LLC Bihać**
Square marsala Tita bb
77000 Bihać, BiH
Tel/fax: +387/37/222-701;
Newsroom: 222-705; Newsdesk: 226-198;
Marketing: 226-487; Radio: 222-679

*Broj: 295-04/23
Datum: 17.04.2023. godine*

IZVJEŠTAJ O RADU I FINANSIJSKOM POSLOVANJU ZA 2022. GODINU

Bihać, april 2023. godine

Sadržaj:

1. PRAVNI OSNOV ZA DONOŠENJE GODIŠNJEG IZVJEŠTAJA O RADU SA FINANCIJSKIM IZVJEŠTAJEM O POSLOVANJU DRUŠTVA.....	3
2. IZVJEŠTAJ O RADU SEKTORA PRATEĆIH SLUŽBI.....	3
2.1. Uvod	3
2.2. Redovne aktivnosti/radni zadaci Sektora u 2022. godini	3
2.3. Rad upravljačke strukture društva	4
2.4. Kvalifikaciona struktura i broj zaposlenih na dan, 31.12.2022.godine	4
2.5. Podaci o primanjima zaposlenih u 2022. godini.....	4
2.6. Stanje voznog parka.....	5
2.7. Stanje sudskih sporova	5
2.8. Stanje imovinsko – pravnih odnosa.....	5
2.9. Stanje radnih i pomoćnih prostorija.....	6
2.10. Stanje uređenosti radnih odnosa.....	6
2.11. Stanje općih akata	6
2.12. Služba PEP-a	7
3. IZVJEŠTAJ O RADU TV USK-a ZA 2022. GODINU	7
3.1. Osnovne napomene.....	7
3.2. Realizirani programski zadaci	8
3.3. Programsko emitovanje u statistici.....	11
3.4. Web redakcija	12
3.5. Ljudski resursi	13
3.6. Tehničke pretpostavke.....	13
3.7. Zaključak	14
4. IZVJEŠTAJ O RADU RADIJA USK-a ZA 2022. GODINU	15
4.1. Uvod	15
4.2. Informativni i obrazovni program	15
4.3. Obrazovni program.....	16
4.4. Dokumentarni program.....	17
4.5. Muzičko - revijalni program.....	17
4.6. Marketinški program	17
4.7. Vjerski program	17
4.8. Sportski program	18
4.9. Pregled emitiranog programa u 2022.....	18

4.10.	Programska šema i sadržaji:.....	18
4.11.	Aktuelni događaji koji su praćeni po programskoj šemi:	19
4.12.	Značajni događaji.....	19
4.13.	Organizacija, kadrovi i obrazovna struktura.....	20
4.14.	Napomene.....	20
5.	FINANSIJSKI IZVJEŠTAJ ZA PERIOD 01.01.2022.-31.12.2022.GODINE.....	22
5.1.	Prihodi	22
5.2.	Rashodi	23
5.3.	Financijski rezultat	26
5.4.	Dodatne napomene	28
6.	ZAKLJUČNA RAZMATRANJA.....	29

1. PRAVNI OSNOV ZA DONOŠENJE GODIŠNJEG IZVJEŠTAJA O RADU SA FINANCIJSKIM IZVJEŠTAJEM O POSLOVANJU DRUŠTVA

Pravni osnov za podnošenje godišnjeg izvještaja sadržan je u odredbama člana 6.stav 2 Zakona o javnim preduzećima F BiH („Sl. novine F BiH“ broj:8/05,81/08,22/09 i 109/12), kao i člana 26. alineja 1. i 2. Statuta Javnog preduzeća RTV USK, d.o.o. Bihać.

2. IZVJEŠTAJ O RADU SEKTORA PRATEĆIH SLUŽBI

2.1. Uvod

U toku poslovne 2022. godine JP „RTV USK-a D.O.O. Bihać“ sastav Skupštine društva činili su Edis Softić, predsjednik, Indira Imširević, član, Ermin Beganović, član. Sastav Nadzornog odbora: Amir Sijamhodžić, predsjednik, Selma Muharemović, član, Muhamed Gverić, član, koji je smijenjen Odlukom Skupštine Društva, a nakon provedene konkursne procedure imenovan je Nadzorni odbor u sastavu: Jasmina Smajić, predsjednik, Majda Hušidić, član i Aldina Redžić, član.

Uprava društva: direktor: Irma Pašić, izvršni direktor TV programa: Anela Halilagić, smijenjena Odlukom Nadzornog odbora, a nakon konkursne procedure za izvršnog direktora tv programa imenovan je Senad Ramić, izvršni direktor Radio programa: Gorica Bukić, dok za vrijeme pisanja ovog Izvještaja JP RTV USK-a nije imala formiran Odbor za reviziju. Isti nije imenovan od 2012. godine. Javni konkurs za izbor i predlaganje predsjednika i dva člana odbora za reviziju je zadnji put objavljen u početkom 2022. godine i u februaru 2023. godine, ali na isti nije bilo prijave, te iz tog razloga Odbor za reviziju nije formiran u JP „RTV USK-a“ d.o.o. Bihać.

2.2. Redovne aktivnosti/radni zadaci Sektora u 2022. godini

Opsluživanje upravljačke strukture Društva, izvršavanje svih općih, pravnih i kadrovskih poslova;

- poslovi na zakupu od drugih korisnika na objektima s kojim raspolaže Društvo;
- zaključivanje potrebnih Ugovora u poslovanju Društva iz djelatnosti Društva;
- poslovi na rješavanju dugovanja od strane trećih lica prema Preduzeću,
- prijem radnika u radni odnos;
- opsluživanje Komisije za javne nabavke;
- zastupanje Društva pred upravnim organima;
- rad na rješavanju imovinsko-pravnih odnosa Društva;
- organizacija i rukovođenje Službe na prijenosu i emitovanju radio i televizijskog programa i
- tekući radni zadaci.

2.3. Rad upravljačke strukture društva

U uvodu ovog Izveštaja navedena je upravljačka struktura Društva.

U toku 2019. godine je imenovana nova Uprava društva, prvo direktor, a krajem godine i izvršni direktori. Društvo nema Odbor za reviziju od 2012.godine i pored raspisanih više od 10 (deset) konkursa za izbor i imenovanje predsjednika i dva člana Odbora za reviziju. Javni konkurs za izbor i predlaganje predsjednika i dva člana odbora za reviziju je zadnji put objavljen u početkom 2022. godine, ali na isti nije bilo prijava, te iz tog razloga Odbor za reviziju nije formiran u JP „RTV USK-a“ d.o.o. Bihać. Budući da isti nije izabran i imenovan od početka 2012.godine, a da je u njegovoj nadležnosti izbor vanjskog revizora, za reviziju finansijskog godišnjeg Izveštaja, u slučaju vanjskog nezavisnog revizora Uprava Društva je to uradila u skladu sa Zakonom o javnim nabavkama.

2.4. Kvalifikaciona struktura i broj zaposlenih na dan, 31.12.2022.godine

Na dan, 31.12.2022.godine

Stepen stručne spreme	VSS	VŠS	SSS	VKV	KV	PK	NK	NŠS	Ukupno
2020.godina	37	4	33	-	3	-	1	-	78
2021.godina	34	3	33	-	3	-	1	-	74
2022.godina	36	2	34	-	3	-	1	-	76

Na dan, 31.12.2022.godine Društvo je zapošljavalo 76 radnika na neodređeno vrijeme i jedno lice koje je angažirano po osnovu Ugovora o stručnom osposobljavanju bez zasnivanja radnog odnosa.

2.5. Podaci o primanjima zaposlenih u 2022. godini

3. Stepen	VSS	VSS	VŠS	SSS	KV	OŠ NK	Prosjek preduzeća
4. obrazov.	240	180					
Prosjek	1.373,25	1.319,66	1.201,24	1.093,68	989,19	777,88	1.105,01

Napomena: Nesklad prosjeka primanja u odnosu na koeficijente i stručnu spremu, te ukupna visina primanja posljedica su minulog rada, rada u dane vikenda, praznikom i noćnim radom. Preko 80% zaposlenih u proizvodnji radijskog i televizijskog programa ostvaruje prava iz radnog odnosa po osnovu ovih elemenata. Kada bi se ovi elementi isključili, prosječna plaća bi bila ispod nivoa F BiH/prema Zavodu za statistiku prosječne plaće u F BiH za XI mjesec 2022. godine.

2.6. Stanje voznog parka

Stanje voznog parka **ne odgovara** potrebama Društva, te je neophodno osigurati novčana sredstva za kupovinu vozila.

Ukupan broj vozila u Preduzeću je 4 (četiri) od toga:

Krajem 2014.godine izvršena je nabavka rabljenog terenskog vozila marke Lada NIVA za potrebe PEP-a koja do sada ima pređenih 126 079 km. Ovim je riješen problem terenskog vozila, a samim tim normalan rad Službe PEP-a.

Pored spomenutog vozila JP „RTV USK-a“ d.o.o. Bihać ima putničko vozilo marke DACIA koje je nabavljeno 2008.godine, a do sada je prešlo 255 045 km. Vozilo se često kvari i što je starije veći su troškovi opravki i održavanja.

Škodu Oktaviju Preduzeće je dobilo na korištenje od Vlade USK, vlasništvo je Kantonalne inspekcije upisano na Preduzeće. Pređena kilometraža je 234 829 km.

U 2019. godini Preduzeće je kupilo vlastitim sredstvima još jedan automobil marke Škoda Fabia i do sada je prešlo 54 118 km.

2.7. Stanje sudskih sporova

U toku 2022.godine JP „RTV USK-a“ d.o.o. Bihać je tuženo od strane JU „Kulturni centar „ Bihać radi isplate duga po osnovu Ugovora o zakupu, koji postupak je okončan na način da je tužitelj povukao tužbu nakon zaključenja Sporazuma o vansudskoj nagodbi i izmirenju cjelokupnog potraživanja od strane tuženog. JP „RTV USK-a“ d.o.o. Bihać je tuženo od strane radnika Halilagić Anele radi poništenja Odluke Nadzornog odbora o razrješenju izvršnog direktora TV programa, te radnika Fajković Mirsada radi utvrđenja nezakonitog otkaza ugovora o radu i isplate, a kojemu je Ugovor prestao po sili zakona.

Sporovi iz prethodnog perioda koji su okončani u korist Društva su u toku izvršenja i nalaze se kod banaka tuženih u redu čekanja za prisilnu naplatu. Međutim, izvršenja se nalaze kod banaka gdje dužnici imaju glavne račune, a isti su blokirani velikim iznosima, prije svega zbog njihovih obaveza uplate javnih prihoda koji imaju prioritet u naplati.

Društvo u toku 2022.godine nije tužilo po bilo kom osnovu bilo kojeg dužnika niti drugo fizičko ili pravno lice. Što se tiče naplate duga ustrajalo se u rješavanju mirnim putem u čemu se uspijevalo u više od 90 % slučajeva.

2.8. Stanje imovinsko – pravnih odnosa

Potrebno je istaći da Relejna stanica Velika Gomila koja je u našem vlasništvu u shemi digitalnog signala u BiH zamjenjuje Plješevicu i da je to strateška tačka za ugradnju multipleksa u koji može biti uključeno najviše 15 TV emitera. Isto se odnosi i na relejnu stanicu Lokveni Vrh.

Imovinsko-pravni odnosi biće posebno aktuelni u toku uspostave makro televizijske digitalne mreže u Bosni i Hercegovini u čemu će bitnu ulogu imati lokacije RS Velika Gomila i RS Lokveni Vrh, RS Brekovica, a i neke druge lokacije, a u pogledu mikro mreže i drugi objekti što će se naknadno ustanoviti i uspostaviti.

Ukoliko bi se išlo na potpuno rješavanje imovinsko-pravnih odnosa mora se istaći da su potrebna znatna finansijska sredstva koja nisu izgledna, osim da Osnivač po posebnom Planu odobri finansijska sredstva za ove potrebe.

2.9. Stanje radnih i pomoćnih prostorija

JP „RTV USK-a“ d.o.o. Bihać je na osnovu saglasnosti Nadzornog odbora i Skupštine Preduzeća početkom 2021. godine provela zakonsku proceduru nabavke poslovnog prostora za rad i sjedište Preduzeća, te sa najpovoljnijim ponuđačem Agram Invest d.o.o. Mostar zaključilo Ugovor o zakupu poslovnog prostora.

Poslovni prostor koji je zakupljen od Agram Invest d.o.o. Mostar svojom veličinom i uslovima u radnim prostorijama u potpunosti odgovara potrebama Društva za obavljanje registrirane djelatnosti.

2.10. Stanje uređenosti radnih odnosa

Na kraju 2022. godine nije bilo nedostatka po pitanju uređenosti radnih odnosa. Svi radnici su uredno prijavljeni kod Zavoda PIO/MIO kao i kod Zavoda za zdravstveno osiguranje, odnosno kod Porezne uprave od početka 2011.god. Uredno se vode radni dosjei radnika, čuvaju isprave i dokumenti kao trajna arhiva mada nema dovoljno prostora za odlaganje iste. Svi radnici koji su otišli ili se zaposlili u Društvo blagovremeno su objavljeni odnosno prijavljeni. Matična knjiga zaposlenih je zamijenjena u skladu sa novim Zakonom o radu. Tokom 2022.godine jedan radnik koji je imao ugovor o radu na neodređeno vrijeme je otišao u starosnu penziju, odnosno istom je Ugovor o radu prestao po sili zakona, jer je navršio 40 godina staža osiguranja.

Obezbjedene su evidencije rada propisane novim Zakonom o radu kao i što su vraćene radne knjižice radnicima u roku koji je propisan Zakonom o radu. Sve odredbe Zakona o radu su primjenjene. Edukacija radnika vrši se u skladu sa finansijskim mogućnostima Društva. U toku 2022. godine bio je jedan disciplinski postupak koji je Nadzorni odbor Društva vodio po prijavama radnika protiv bivšeg direktora TV programa Halilagić Anele.

2.11. Stanje općih akata

Na dan 31.12.2022.godine Društvo ima sve opće akte koje propisuju zakoni i Statut Društva.

Bitno je istaći da se novine Zakona o radu od dana stupanja na snagu primjenjivale i da radnici nisu bili uskraćeni ili oštećeni za svoja prava.

2.12. Služba PEP-a

Zbog dotrajalosti opreme, uređaja i uopće stanja objekata za prijenos i emitovanje radijskog i televizijskog programa ova Služba je uglavnom radila na intervencijama odnosno opravkama istih.

3. IZVJEŠTAJ O RADU TV USK-a ZA 2022. GODINU

3.1. Osnovne napomene

Televizija Unsko-sanskog kantona (TV USK) jedan je od dva elektronska medija Javnog poduzeća Radiotelevizije Unsko-sanskog kantona (JP RTV USK-a) d.o.o. Bihać. Kontinuiran program emituje već dvadeset i sedam godina. Od septembra 1996. godine, kada je emitovan prvi televizijski program do danas TV USK-a je prošla i prolazi dug put izgradnje i dokazivanja. Definitivno je izrasla u vodeći medij na prostoru Unsko-sanskog kantona (USK). Dugogodišnjim radnim angažmanom svih zaposlenika, prije svega novinara, snimatelja, montažera, realizatora i svih ostalih, koji učestvuju u proizvodnji i distribuciji signala, te osiguranjem uvjeta za kvalitetnu produkciju i emitovanje programa, TV USK-a je izrasla u, za naše prilike, veliku i profesionalnu stanicu, čija se informacija čeka i poštuje.

TV USK-a je javna stanica i kao takva podliježe posebnom tretmanu Regulatorne agencije za komunikacije Bosne i Hercegovine (RAK BiH). Shodno dozvoli RAK-a, TV USK-a svoj program proizvodi i emituje svaki dan u periodu od 08,00 do 00,30 sati (u dane vikenda i praznične dane znatno duže), putem vlastite predajničko-repetitorske mreže, mreže kablovskih operatera: MEDIATECH d.d. Sarajevo, TELRAD NET d.o.o. Bijeljina, KTV E-G-E d.o.o. Doboj Jug, ABM-NET d.o.o. Živinice, MTEL a.d. Banjaluka, TEL-NET d.o.o. Ključ, MEDIA SKY d.o.o. Živinice, BLIC NET d.o.o. Banjaluka, OTV MEDIA Network Ltd United Kingdom, ELTA KABEL d.o.o. Doboj, NEON SOLUCIJE d.o.o. Kalesija, DINNET d.o.o. Gračanica. AVAX NET d.o.o. Lukavac, TXTV d.o.o. Tuzla, ZIPZAP d.o.o. Zenica, nekih kablovskih operatera izvan Bosne i Hercegovine (BiH), te live streaminga, što joj osigurava vrlo širok spektar potencijalne publike.

Osiguran je besprijekoran digitalni signal (u full HD formatu) na izlazu iz režije i kao takav prosljeđen kablovskim operaterima. Većina kablovskih operatera iskoristila je kvalitetan signal.

U paketu Moja TV BH Telecoma program TV USK-a može se gledati u HD i SD rezoluciji. Pored toga, omogućena je timeshift usluga, zahvaljujući kojoj se mogu pratiti propušteni sadržaji programa, unazad sedam dana.

Kablovska televizija Miss.Net pokriva gradove Bihać, Cazin i Bosansku Krupu. Trenutno preuzima i distribuira digitalni SD kanal. Treba i dalje raditi, te insistirati na još jednoj opciji digitalnog HD signala.

Uz to, saglasnost je data i Dobroj TV, ranije Primera TV, zbog promjene naziva operatera.

Operateri, koji preuzimaju naš signal putem optike, direktno iz režije TV USK-a su: BH Telecom (Moja TV) i Miss.Net.

Dobra TV također preuzima signal iz prostorija TV režije, ali putem interneta (stream). Ona je 2018. postavila svoj streamer u naše prostorije, te putem našeg interneta vrši streaming za svoju platformu, kao i za potrebe naše android aplikacije, te web portala rtvusk.ba. Isti operater vrši i distribuciju našeg signala (besplatno) za sve kablovske i internet operatere, koji iskazu želju za uvrštavanjem našeg TV programa u svoju ponudu. Naravno, uz prethodno dobivenu saglasnost od naše kuće.

Zahvaljujući live streamingu program TV USK-a moguće je gledati bilo gdje u svijetu. Naravno, takva mogućnost emitovanja bit će nastavljena i u 2023. godini.

Lista manjih i većih kablovskih operatera, koji preuzimaju signal TV USK-a svakim danom je sve veća. Riječ je o kablovskim operaterima sa prostora USK-a, sa šireg prostora BiH, ali i susjednih i ostalih evropskih država. U svakom slučaju naš je interes da program TV USK-a na kvalitetan način dođe u što veći broj domova.

Do kraja izvještajne godine zemaljska mreža nije doživjela nikakve promjene. Emitovan je analogni signal u iščekivanju digitalizacije predajnika. Pod kraj godine TVUSK je dobila novu, jednogodišnju dozvolu za emitovanje, a već u prvim mjesecima 2023. godine započelo je digitalno emitovanje u okviru Multipleksa D. Za početak TVUSK se opredjelila za zemaljsko pokrivanje prostora Unsko-sanskog kantona u HD rezoluciji. Operater je već osigurao pokrivenost blizu polovine prostora USK uz obavezu da tokom godine pokrivenost poveća na 75 posto prostora Unsko-sanskog kantona.

Paralelno je nastavljeno emitovanje i analognog signala.

3.2. Realizirani programski zadaci

Aktuelni programski zadaci svoj profil crpe u pravilima RAK-a, potrebama društvene zajednice i osnivača, te zahtjevima sve probirljivije publike i komercijalnim potrebama. Shodno takvom opredjeljenju i potrebi u središtu je informativni program, ali odmah do njega dokumentarni, zatim kulturno-zabavni, dječiji i omladinski, te edukativni, sportski, religijski, igrani i ostali programi.

Tokom 2022. godine TV USK-a emitovala je pedesetak različitih, redovnih (dnevni i sedmični), periodičnih, posebnih i specijalnih programskih sadržaja. Četrdesetak sadržaja nastalo je u radionici vlastite produkcije, ostatak u koprodukciji sa drugim kućama, odnosno nezavisnoj produkciji. Riječ je o programskim sadržajima, koji su ranije projicirani u Planu i programu rada za 2022. godinu, a koji se temelje na društvenoj i profesionalnoj zadaći TV USK-a. Vlastiti sadržaji temelj su našeg rada i sigurna ulaznica u „klub najgledanijih” stanica u primarnoj zoni emitovanja (USK). Po svim analizama i ocjenama, taj je zadatak izvršen vrlo korektno, profesionalno i audio-vizuelno dopadljivo.

Naše reporterske ekipe su, kao i svih proteklih godina, bile prve ili među prvim na bezmalo svim mjestima aktuelnih dešavanja u USK-u. Migrantsku krizu i pandemiju koronavirusa, pratili smo tokom svih proteklih godina, u jako teškim uvjetima i nerijetko pod stresom. Pratili smo i sjednice Vlade i Skupštine USK-a, sjednice skupštinskih radnih tijela, te općinskih/gradskih vijeća. Bili na brojnim press konferencijama, mjestima slavlja i obilježavanja značajnih datuma, mjestima stradanja, pratili smo i poticali antikoruptivni rad, rad Univerziteta u Bihaću, brojnih javnih ustanova i poduzeća, prije svega onih od kantonalnog značaja, te općina, mjesnih zajednica, vjerskih zajednica, kulturnih i sportskih

događaja. Obilazili smo mjesta nesreće, pratili snalaženje i nesnalaženje u posebnim situacijama, vremenskim neprilikama/nepogodama, pratili život i rad povratnika, poljoprivrednika, manjinskih grupa i još mnogo čega. Dodatno smo produbili saradnju sa lokalnim radio i TV stanicama, mjesnim i kantonalnim listovima, press službama općina/gradova, ali i Agencijom Anadolija, VIP HD agencijom, NTV Hayatom, Televizijom Tuzlanskog kantona (TV TK), Televizijom Sarajevo (TV SA), Televizijom Zenica (TV ZE), Televizijom Bosanskopodrinjskog kantona-Goražde (TV BPK-Goražde), City TV Mostar, FENA-om, Patriom i drugim agencijama i nezavisnim produkcijskim kućama. Zahvaljujući ovakvom opredjeljenju i ovakvoj saradnji osiguravali smo kvalitetne informacije iz bezmalo svih krajeva USK-a, ali i drugih dijelova BiH, u kojima su tamošnja dešavanja bila ili mogla biti zanimljiva građanima USK-a. Vrlo često saradnja je bila dvosmjerna, pa su informacije sa prostora USK-a u našoj produkciji i obradi bile odaslane u pravcu publike sa šireg prostora BiH, pa čak regiona.

Prije nepune tri godine na inicijativu TV SA, uključili smo se u zajednički projekat TV USK-a, TV SA, TV TK-a, TV BPK-Goražde i TV ZE. Riječ je o poslovnoj saradnji, programskoj razmjeni i zajedničkoj produkciji dnevne emisije koja se emituje od ponedjeljka do petka u terminu od 15.00 od 17.00 sati. U međuvremenu program je promijenio naziv u „Špica“ i nastavio sa emitovanjem tokom cijele 2022. godine.

Dodajmo ovome, da je naša TV realizirala više projektnih zadataka koji su bili oslonjeni na određene sponzore i pokrovitelje, poput kuharskog showa „Dobra hrana“ Tajni sastojak koji nas povezuje-hrana, Eko tura Krajina, Zidovi ili mostovi-izbor je tvoj, Zjedno možemo razbiti „stakleni strop“...

U 2022. godini iz vlastite produkcije izašli su i emitovani slijedeći programski sadržaji:

1. Vijesti,
2. Dnevnik,
3. Info dana,
4. Dnevnik plus,
5. Sport,
6. TV intervju,
7. Razgovor s povodom,
8. Kultura,
9. Krajiška zemlja,
10. Poslijepodne uz RTVUSK,
11. Nedjeljom zajedno,
12. Sportski vremeplov,
13. Naša muzička scena,
14. Duhovni svijet,
15. Školski sat,
16. Bez izgovora,
17. Voda znači život,
18. Kupujmo domaće, gradimo BiH,
19. Biznis magazin,
20. Dobra hrana,
21. Tajni sastojak koji nas povezuje-hrana,
22. Eko tura Krajina
23. Zidovi ili mostovi-izbor je tvoj,
24. Zajedno možemo razbiti „stakleni strop“...

Emisije realizirane u koprodukciji sa kantonalnim i regionalnim TV stanicama u BiH su:

1. Špica

Specijalni programi:

1. Novogodišnji program,
2. Dan nezavisnosti BiH,
3. Dan Unsko-sanskog kantona,
4. Dan državnosti BiH,
5. Sjećanje na Srebrenicu,
6. Ramazanski program,
7. Bajramski program,
8. Božićni program,
9. Uskrsni program,
10. Prigodne svečane akademije,
11. Klanjanje Bajram namaza iz Gazi Husref begove džamije u Sarajevu
12. Misa ponoćka iz Crkve Svetog Ante Padovanskog u Bihaću,
13. Misa ponoćka iz Katedrale srca Isusova u Sarajevu.

Razmjenski programi i nezavisna produkcija:

1. Svjetla pozornice,
2. Sport klub,
3. Pjesmom o Bosni,
4. Zelena karta,
5. Portret autora,
6. Hod vijekova,
7. O bosanskom na bosanskom,
8. TV liberty,
9. TV liberty plus,
10. Perspektiva,
11. Impuls znanja,
12. Naša snaga,
13. Tarih,
14. Bosnoljublja,
15. Putokaz,
16. Pečat u vremenu...

Najveći broj emisija je dnevnog i sedmičnog tipa, iz sastava redovne programske sheme, ostale rađene kao, unaprijed planirani serijali ili emisije iz sastava projektnih zadataka.

Redakcija informativnog programa realizirala je 365 dnevnika, 261 Info dana i 1095 emisija Vijesti. Takođe, realizovano je četrdeset TV intervjuva, isto toliko Biznis magazina, više emisija Razgovor s povodom, Dnevnik plus...

Televizija Unsko-sanskog kantona realizirala je u protekloj godini opsežan Izborni program koji je pripremljen za Opće izbore 2022. Svim političkim subjektima osigurano je neposredno predstavljanje, učešće u Izornoj hronici i TV debatama. Svaki politički subjekt imao je mogućnost da učestvuje u tri tv debate. Nakon okončanja predizbornog programa i

izbornog dana realizirali smo specijalni program pod nazivom „Izborna noć“ u kojoj smo komentarisali izborni dan i objavljivali prve preliminarnе rezultate izbora.

Redakcija dokumentarnog programa realizirala je u prošloj godini sve svoje redovne programske sadržaje (Krajiška zemlja, Školski sat, Bez izgovora, Duhovni svijet...). Posebnu pažnju redakcija dokumentarnog programa u 2022. godine posvetila je obilježavanju više državnih praznika i datuma od posebnog značaja za USK i državu BiH. Tim povodom producirani su specijalni programi uz Dan nezavisnosti BiH, Dan državnosti BiH, Sjećanje na Srebrenicu, Dan sjećanja na žrtve Prijedora i doline Sane, Ramazanski program, a u saradnji sa Bihaćkim muftijstvom i redakcijom kulturno-zabavnog programa i Bajramski program. Ovdje posebno želimo istaći nastavak realizacije direktnog tv prijenosa iz Prijedora sa klanjanja džezaze ubijenim Prijedorčanima. Naš signal u tom prenutku preuzima više tv kuća, među kojima TV BIR, TV SA i Hayat tv. Tokom 2022. producirano je više serijala i dokumentarnih filmova poput serijala Ekotura Krajina, Miris iftara, Slatki zalogaj, Krajiške džamije, kao i filmova Kapetanove kule, Eversting, U okovima zločina, odnosno reportaža: Tunel spasa, Muzej ratnog Sarajeva...

Redakcija Kulturno zabavnog programa realizirala je prošloj godini 50 emisija Nedjeljom zajedno, oko 250 emisija Poslijepodne uz RTVUSK, te po dvadeset emisija Kultura i Kupujmo domaće - gradimo BiH.

Takodjer, redakcija KZP-a producirala je višesatni vlastiti Novogodišnji program, te dva bajramska programa koji su emitovani uživo iz improviziranih studija izvan sjedišta firme.

Sve u svemu i u 2022. godini realizovali smo veliki broj programskih zadataka, uglavnom sve ono što je bilo planirano Programom rada TVUSK za 2022. godinu, čak i više od toga.

3.3. Programsko emitovanje u statistici

Broj emitovanih minuta u 2022. iznosi 383.250 i nešto je veći od onog iz prethodne godine. Od toga na vlastiti program otpada 312.510 minuta, reemitovani 10.800, a razmijenjeni 59.400 minuta.

U prošlogodišnjoj programskoj shemi od ukupno emitovanih 383.250 minuta programa premijerno je emitovanih 239.25, a reprizno 143 960 minuta.

Što se tiče vlastitog programa na vlastitu produkciju otpada 182 360 minuta, a na tzv „kupljeni“ program 130.150 miniuta (uglavnom je riječ o serijama, filmovima, dokumentarnim serijalima i dječijem programu).

Reemitovanog programa bilo je 10.800 minuta i razmijenjenog programa 59.400 minuta.

TABELA PROGRAMSKIH SADRŽAJA U MINUTAMA NA GODIŠNJEM NIVOU, ZA 2022. GODINU

<i>PROGRAM</i>	<i>UKUPNO</i>	<i>PREMIJERNO</i>	<i>REPRIZNO</i>
IGRANI PROGRAM	87 450	59 065	28 385
DOK. PROGRAM	63 000	31 500	31 500
DJEČIJI I OML.PROGRAM	41 200	20 600	20 600
MUZIČKO-ZABAVNI PROGRAM	62 800	37 240	25 560
SPORTSKI PROGRAM	5 620	2 810	2 810
INFORMATIVNO- POLITIČKI PROGRAM	69 460	49 570	19 890
MARKETING	13 500	13 500	-
KULTURNO- OBRAZOVNI PROG.	27 400	14 480	12 920
RELIGIJSKI PROGRAM	8 190	5 895	2 295
OSTALO	4.630	4.630	-
UKUPNO	383 250	239 290	143 960

3.4. Web redakcija

Web redakcija je od samog početka 2022. godine nastavila sa ustaljenom dinamikom i izvršavanjem obaveza iz okvira Redakcije RTV USK sa svim programskim cjelinama prema kojima smo imali funkcionalnu i programsku obavezu objavljivanja informativnih i drugih sadržaja. Iako smo u radu imali neočekivanih problema u funkcioniranju bazne web stranice, a zbog virusa i hakerskih napada, uspjeli smo održati dinamiku u objavljivanju raspoloživih informacija i medijskih proizvoda i u prvih pet mjeseci zabilježiti više od šest miliona pregleda naših sadržaja na platformama Youtube, web stranici i društvenim mrežama, u prvom redu Facebooku. U mjesecu martu, aprilu i maju imali smo težak period u pogledu funkcioniranja stranice te je uz inicijativu direktorice Pašić uz dogovor pokrenuta aktivnost sa preduzećem IDK Studio na izradi nove stranice na široj, boljoj i savremenijoj bazi Wordpress. Cjelokupni posao završen je do kraja septembra, od kada normalno i bez značajnijih problema radimo uspostavljeni okvir i obim poslova Web redakcije. Od septembra, te tokom oktobra i

novembra mjeseca bilježimo stalni rast broja novih pratilaca stranice. Rast ima lagani uzlazni karakter, ali i takav pokazuje povećanje interesa u javnom mnijenju u pogledu praćenja programskih sadržaja RTV USK. S obzirom na pokazatelje i ovu godinu završit ćemo sa aproksimativno od 13,5 do 14,5 miliona pregleda. Statistika pokazuje da smo uspjeli zadržati poziciju u javnom mnijenju, te osigurali dalji stalni rast broja pratilaca naše stranice tokom narednog perioda.

Doprinos ukupnim novinarskim zadaćama u protekloj godini dala je i web redakcija RTV USK-a, koju zapravo čine četiri zaposlenika, koji su oslonjeni na kompletnu redakciju TV USK-a. Ona je, naime, ta koja osigurava glavninu najzanimljivijih ovdašnjih vijesti, koje će biti objavljene na web-u.

3.5. Ljudski resursi

Tokom 2022. godine TV USK-a oslonila se na postojeći urednički, novinarski, snimateljski, montažerski, realizatorski i ostali kadrovski potencijal, koji se uglavnom nije bitnije mijenjao. Novih zapošljavanja nije bilo osim angažmana jednog voditelja preko Zavoda za zapošljavanje i to pod kraj godine. Radilo se o šestomjesečnoj obuci. Tokom 2022. godine dvije novinarke i to iz redakcije Kulturno-zabavnog programa su se porodile i otvorile porodiljno bolovanje što je uz ostala bolovanja i korištenje godišnjih odmora na trenutke pričinjavalo određene probleme u organizaciji rada redakcija.

Ranijih godina je bilo angažmana preko Studentskog servisa i na taj način je alimentiran manjak kadra i osiguravalo određeno programsko osvježenje. U 2022. godini toga nije bilo pa se na trenutke osjećao manjak kadra., posebno novinarskog, odnosno voditeljskog. Ipak, obzirom da su, manje-više, svi zadaci izvršeni to je dokaz vanrednih napora i dobre organizacije u redakcijama.

U produkciji i realizaciji vlastitih TV sadržaja i ukupnog TV programa učestvovala su četrdeset i četiri zaposlenika: sedam snimatelja, jedanaest montažera i realizatora, jedan muzički saradnik, tri arhivara, osamnaest urednika i novinara, te četiri uposlenika u web redakciji. Ukupan broj izvršilaca, ostao je, dakle, isti.

U ovom trenutku treba napomenuti da je redakcija TV USK-a oslonac kompletnog novinarskog rada u JP RTV USK-a. Ona opslužuje TV, radio i web redakciju. Pravilnim planiranjem korištenja godišnjih odmora u redakciji TV USK-a izbjegli smo dodatne kadrovske probleme, a opet osigurali svim zaposlenicima da prvi dio godišnjeg odmora koriste u željenom terminu. To se postiže uvođenjem tzv. ljetne programske sheme, koja je dugogodišnja praksa naše, ali i svih ostalih TV stanica.

3.6. Tehničke pretpostavke

TV USK-a je u ranijem periodu zaokružila proces digitalizacije u produkciji. Osigurani su optimalni uvjeti za proizvodnju i emitovanje programskih sadržaja u full HD formatu. Međutim, to za sobom kontinuirano povlači potrebu dodatne modernizacije i tehničko-tehnološkog osvježenja produkcije, ali i emisiono-prijenosnih uređaja. Glavnina sredstava za rad u produkciji nabavljena je prije pet-šest i više godina što iziskuje potrebu hitnog završetka. Potrebno je to zbog višegodišnjeg raubovanja, ali i nužne

modernizaciji jer je period od šest godina u tv produkciji jako dug. Bilo je lani planirano tehničko-tehnološko osvježenje ali ga nije bilo moguće realizirati zbog nedostatka finansijskih sredstava.

U produkciji je nabavljena tek jedna kamera, te par računara u pratećim službama što definitivno nije bilo dovoljno da se prati tehničko-tehnološki napredak na tržištu.

Ono što smo u tehničko-tehnološkom smislu učinili ranijih godina ostalo je naša najviša dostignuta tačka razvoja do danas. Istina, u finalu se ne osjete nedostaci. Imamo dobre računare i računarske programe, digitalne kamere, uređaj za živa javljanja, tzv. backpack što nam je osiguralo profesionalni standard, prvenstveno aktuelnost i vizualnu dopadljivost.

Programom rada za 2022. bio je predviđen je i nastavak aktivnosti na digitalizaciji TV arhive. Nakon četiri godine rada u digitalnom (full HD) formatu, ubrzano raste potreba za digitalizacijom TV arhiva. Čuvanje, pohranjivanje i korištenje novosnimljenog materijala u digitalnom formatu teče kontinuirano, a postepeno se vrši i pretvorba svih dosadašnjih formata u digitalni, naravno onih materijala za koje se procjeni da imaju posebnu vrijednost. Ovom prilikom dodatna napomena da TV USK-a, kao i svaka ozbiljna kuća glavninu proizvedenih materijala trajno čuva, kao što čuva i dio tzv. "sirovog materijala".

Glavnina ranijih materijala je „pretvorena“ i sačuvana u digitalnoj formi. Proces se kontinuirano nastavlja pohranjivanjem i čuvanjem većine novosnimljenih i emitovanih materijala.

3.7. Zaključak

Generalno kada je u pitanju TV program u 2022. možemo biti zadovoljni urađenim. Evidentan je veći broj urađenih priloga, standardan broj emisija, porast broja emitovanih sati u programu.

Takođe u 2022. godini poraslo je učešće vlastitog programa u ukupnoj produkciji, uz smanjenje broja sati reemitovanog i razmijenjenog programa. Posebno je važno napomenuti da je učešće vlastite produkcije u vlastitom programu, u odnosu na kupljeni program bitno poraslo (182.360-130.150 minuta).

Porast broja sati ukupnog emitovanja i učešća vlastite produkcije bitnije je poraslo u drugoj polovini godine.

Ovo je bilo presudno za besprijekorno osiguranje uvjeta za produženja dozvole za emitovanje pred kraj prošle godine. Naime, u redovnoj proceduri osigurali smo produženje dozvole za emitovanje od strane Regulatorne agencije za emitovanje.

Uz dobijanje dozvole prošlu godinu je obilježilo privodjenje kraju aktivnosti RAK-a na digitalizaciji u emitovanju. Nakon što je taj prosek tapkao u mjestu duže od deset godina pred kraj 2022. je stigao nagovještaj RAK-a da će MULTIPLEKS biti u funkciji s početka 2023. što se i obistinilo, tako da je već u prvim mjesecima ove godine počelo emitovanje digitalnog signala Televizije Unsko-sanskog kantona na zemaljskoj mreži.

Godinu 2022. u programskom smislu obilježili su i Opći izbori. U ranijem dijelu izvještaja ukratko smo opisali taj naš zadatak. U zaključku samo napomena da smo i taj zadatak realizirali besprijekorno. Zabilježili smo jednu primjedbu jednog političkog subjekta koji je RAK odbacio kao neutemeljen i bespredmetan.

4. IZVJEŠTAJ O RADU RADIJA USK-a ZA 2022. GODINU

4.1. Uvod

Radio USK je javni radio servis USK-a, što znači da mu je osnovni cilj pravovremeno, istinito, profesionalno i cjelovito informisanje građana na području kantona, ali i šire, s obzirom da program uživo emitujemo i na internetu, zatim putem naše web stranice kao i facebooka. Radio Unsko-sanskog kantona je sastavni dio ove medijske kuće, od početka emitovanja programa 15.08.1996.godine, radi kao posebna programsko tehnička cjelina. Radio USK ima Plan i program rada, te programsku šemu po kojoj emituje program.

Putem radio predajnika i repetitora emitira svoj program na 5 frekvencija na: Brekovici, Velikoj Gomili, Lokvenom vrhu, Bos.Petrovcu i Kulen Vakufu, (96,2 Mhz; 105,1 Mhz; 99,5 Mhz; 90,9 Mhz; 89,9 Mhz) čime globalno obezbjeđuje pokrivenost područja Unsko-sanskog kantona. Doprema modulacije od Radio režije do predajnika vrši se putem dva para radio linkova, koje je potrebno čim prije mijenjati. Signal radija Unsko-sanskog kantona prelazi granice USK-a. Čujnost nam je poboljšana, servisiranjem koje je izvršeno na predajniku Velika Gomila. Medjutim potrebna su značajna sredstva kako bi se održavali svi predajnici jer su i stari i dotrajali a dijelovi za iste jako skupi. S obzirom da se program živo emitira i putem interneta, čujnost nam je proširena na svaki kutak planete Zemlje, gdje je dostupan internet. Radio USK sada ima i on line kanal Radio USK2 koji je komercijalnog karaktera i na kojem se uz marketinške poruke, emituje samo najbolja muzika. Ujedno imamo svoju FB stranicu, Instagram stranicu koje dnevno posjeti više hiljada ljudi iz cijeloga svijeta. U protekloj 2022.godini je to posebno primjetno i značajno povećano u odnosu na 2021.godinu. Posljednjih pola godine posebne aktivnosti usmjerili smo i na jačanje svijesti građana o opasnostima koja prijete našoj Državi BIH. Probosanskim sadržajima i gostovanjima ukazivali smo na djelovanje vanjskih ali i unutrašnjih neprijatelja.

4.2. Informativni i obrazovni program

I tokom 2022.-e, najznačajniju pažnju usmjerili smo prema Informativnom programu, jer je jedan od najvažnijih u okvirnoj programskoj šemi. Vijesti, Dnevnik RTV USK, teme dana, prijenosi sjednica skupština, zajednički programi radio-stanica USK „Na istoj frekvenciji“, Otvoreni program radija, Intervju, Razgovori s povodom, Politički magazini, Aktuelno, Dobre vijesti realizirani su putem zajedničkog desk-a, te korištenjem agencijske ponude PBS-a, FTV-e, FENA-e Radio Slobodne Evrope, Anadolije i drugih dostupnih izvora. Godina iza nas bila je izborna, radili smo izborni program u saradnji sa TV jer smo ista medijska kuća. Tokom samih općih izbora imali smo cjelodnevni Izborni program.

Značajan dio informativnog programa, u vlastitoj proizvodnji i preuzimanjem televizijskog informativnog programa, realiziran je „uživo“, dovođenjem sagovornika u radijski ili televizijski studio, ili posredstvom telefonskog kontakta sa učesnicima programa.

U skladu sa sedmičnom programskom šemom emisija vijesti i proširenih vijesti radene su svaki puni sat, i to u 6.00, 8.00, 9.00, 10.00, 11.00, 12. 00, 13.00, 14.00, 15,00, 16.00, 17.00 18.00 i 20.00.

U 07.00 sati emitirane su Jutarnje vijesti BH radija.

Centralni TV DNEVNIK je preuziman u redovnom terminu u 19.00 sati, i emitiran istovremeno.

Također, emisije informativnog karaktera TV INTERVJU i U FOKUSU su preuzeti i istovremeno emitirani i na TV i na Radiju.

Sjednice Skupštine Unsko-sanskog kantona, bilo redovne ili vanredne, realizirane su u direktnom prijenosu.

U okviru prijepodnevnog programa /ponedjeljak – petak/ realizirali smo dijaloške emisije TEMA DANA, kojoj smo tokom jesenje pogramske šeme promijenili ime u Aktuelno koji se emituje od ponedjeljka do petka u vremenu od 11.30 – 11.55 sati. Aktuelno emitujemo u terminu 10.30 do 11.00 sati od ponedjeljka do petka.. Nastavili smo i sa programom na Istož frekvenciji gdje su nam se redovno, po ustaljenom rasporedu, sa novostima iz svojih sredina javljali naši dopisnici. U sklopu poslijepodnevnog programa svakog četvrtka realizirana je informativna emisiju o aktuelnoj problematici RADIO PRIZMA, u vremenu od 13.05 - 14.00 sati. Ova emisija se u ljetnoj programskoj šemi /juli-august/ ne realizira, istu smo i reprizirali istoga dana od 20.05.sati. Ova emisija obrađuje najaktuelnije teme na području Kantona, sa gostom u studiju i u kojoj takodjer razgovaramo sa gostima iz određenih oblasti svakodnevnog života. U informativnom programu uveli smo još i Radio intervju u trajanju od 45 minuta.

Odlukom RAK-a od 2022.godine repriziramo sve govorne emisije u poslijepodnevnom i noćnom terminu.

4.3. Obrazovni program

Vrlo važan segment obrazovanja i edukacije naših građana svih uzrasta, realiziran je u okviru jutarnjeg, prijepodnevnog i poslijepodnevnog programa. U okviru programa realizirali smo obrazovne programe koji tretiraju bosanski jezik i književnost, te nastavili ciklus emisija pod nazivom „Priče iz jednog vremena“.U proteklom periodu obogatili smo sadržajno i vremenski produžili Jutarnji program. Isto tako, u prijepodnevnom i poslijepodnevnom programima, a u cilju edukacije građana, naši voditelji programa realizirali su niz zanimljivih sadržaja iz svijeta biznisa, tehničko-tehnoloških dostignuća, sporta, muzike, estrade itd. Značajan prostor u okviru realizacije ovih sadržaja korišten je za davanje savjeta stručnjaka/ kultura življenja, uređenje doma, savjeti iz poljoprivrede, savjeti ljekara itd.

U okviru dječijeg i omladinskog programa subotom i nedjeljom realizirali smo emisiju „Školski sat“ namijenju osnovcima i srednjoškolcima. U emisiji su zastupljene sve teme iz života školaraca uz gostovanja pedagoga, sociologa, doktora te prosvjetnih radnika. Takodjer nastojimo što više promovirati Unu i Pounje kroz istoimeni serijal emitovan u našem programu. Ove teme su inače dobro prihvaćene od naših slušatelja.

4.4. Dokumentarni program

U toku 2022. godine dokumentarni program je bio baziran na arhivskim snimcima emisija KRAJIŠKI OBIČAJI i STARI GRADOVI. Posebno mjesto zauzimale su emisije koje njeguju tradiciju i tekovine oslobodilačkog rata, pričama o herojima te značajnim datumima. U okviru informativno-dokumentarnog programa, svake nedjelje realizirali smo emisiju RADIO RETROSPEKTIVA koja sublimira sve emitovane sadržaje koji su obilježili određeni dan tokom sedmice. Subotom smo realizirali dokumentarno-dramsku emisiju „Priče iz davnih vremena“. Ponedjeljkom emitiramo emisiju „To sam Ja“, a istu repriziramo utorkom od 13.05. Sve značajne datume smo obradili posebnim programskim sadržajima, sa željom da se ne zaboravi i otrgne od zaborava. Obradivali smo sve značajne godišnjice iz bliže i dalje historije. Nastavili sa kratkim emisijama „Minut dva o svijetu“ i „Dogodilo se na današnji dan“.

4.5. Muzičko - revijalni program

Među najzastupljenijim sadržajima u programu radija je Muzičko-revijalni program. U muzičkom programu zastupljena je zabavna, narodna i ozbiljna muzika. Od muzičko-zabavnih emisija prepoznatljive su: muzičko-zabavna i kulturno-obrazovna emisija RADIO SEHARA /sevdalinke, mudrosti, izreke/, te muzički sadržaji kojima smo adekvatno pratili određene događaje iz bliže ili dalje historije BiH. Svakako, u ovom dijelu treba pomenuti Jutarnji, Prijepodnevni i Popodnevni program, otvorenog, kontakt tipa. Uveli smo i emitiranje emisije sa estradnim umjetnicima sa područja USK. Tokom 2022. godine, emitovali smo i emisiju techno zvuka namijenjenu ljubiteljima zvuka od 22.00 do 24.00 sata. Od jeseni 2022. godine nastavili smo sa emitovanjem emisija i to „Ženski Kutak“ i „Top lista“ narodne i zabavne muzike. Ove emisije su za kratko vrijeme postale jako slušane i prepoznatljive u javnosti USK i šire. U prilog ovoj tvrdnji ide činjenica da sama najava na našoj FB stranici radio USK, za par sati prikupi nekoliko hiljada pregleda.

4.6. Marketinški program

Marketinški program je realiziran shodno planiranim i ostvarenim marketinškim poslovima zajedničke marketing službe Preduzeća. U realizaciji spotova, reklama i džinglova korišteni su novinari marketinga, televizije i radija. Kada je u pitanju promocija i afirmacija Radija USK, koristili smo vlastitu produkciju i uposlenike u izradi radijskih džinglova.

4.7. Vjerski program

Radio Unsko-sanskog kantona i Islamski pedagoški fakultet i u protekloj godini kao i ranijih realizirali smo emisiju za vjernike muslimane. Tako je i u 2022. godini. Svakog petka emitirana je emisija Duhovni svijet.. U toku mjeseca Ramazana, svaki dan emitovan je dvosatni Vjerski program /Zore Allahove milosti/. Inače to radimo svih 26. godina od početka emitovanja našeg programa. Prije iftara prenosili smo Ramazanski program koji je pripremila i realizirala TV USK. Za Ramazanski i Kurban Bajram emitirali smo prigodan cjelodnevni

program po prilagođenoj programskoj šemi. Poštujući tradiciju i vjerske običaje drugih konfesija koje žive u USK, odnosno vjerske praznike i svetkovine i drugih konfesija, katoličke, pravoslavne i jevrejske, pratili smo adekvatnim gostovanjima i emisijama koje smo specijalno radili u povodu istih.

4.8. Sportski program

Sportski program Radija USK realiziran je kroz kolažne emisije SPORT- MUZIKA – SPORT nedjeljom, a svakoga dana u jutarnjem ili poslijepodnevnom terminu realiziran je pregled sportskih dešavanja u USK-u, BiH i svijetu. Tokom 2022. godine u našem studiju ugostili smo brojne mlade sportiste sa područja USK i BiH dajući i na takav način priliku za upoznavanje sa njihovim radom i sportskim rezultatima. U vrijeme održavanja značajnijih sportskih dešavanja u Bihaću i USK-u, realizirali smo direktna javljanja u program. Prethodna godina je obilovala medaljama koje su osvajali mladi sa našega kantona. Gostovanje u našem programu je sa ciljem propagiranja sporta i poticanja da se više ulaže u mlade i sport.

4.9. Pregled emitiranog programa u 2022. godini

- Vrsta	Broj sati	Procenat
- informativni program	2779	31,72%
- obrazovni program	892	10,19%
- dokumentarni program	613	7,00%
- kultura i umjetnost	178	2,03%
- zabavni program	644	7,35%
- muzički program	3.304	37,72%
- sportski program	208	2,37%
- marketinški program	142	1,62%
UKUPNO:	8.760	100%

4.10. Programska šema i sadržaji:

Od 01.01. 2022. do 01.07.2022. godine realizirana je Jesenja programska šema, a u vremenu od 01. 07. 2022. godine do 01. 10. 2022. godine realizirana je Ljetna šema Radija USK-a.

U ljetnoj programskoj šemi na Radiju USK emitiran je program pod nazivom LJETO NA RADIJU USK, koji je primjeren godišnjem dobu i koji podrazumijeva laganije sadržaje .Od 01.09.2022. godine započeli smo sa realizacijom Jesenje programske šeme, u okviru koje smo pojačali informativno-politički program sadržajima vezanim za funkcioniranje zakonodavne i izvršne vlasti USK, te događajima koji su bili prevashodno značajni za jedinice lokalne samouprave i BiH u cjelini. Uvodeći i laganije sadržaje, posebno kontakt tipa koje naši slušatelji prate i javljaju nam se iz cijeloga svijeta.

4.11. Aktuelni događaji koji su praćeni po programskoj šemi:

SPECIJALNI PROGRAM

U povodu 28. godišnjice okupacije Srebrenice i genocida nad Bošnjacima preuzeli smo specijalni program BH Radio 1 od 09.00 - 15.00 sati, a prije i nakon preuzimanja programa, emitirali smo programske sadržaje prilagođene Danu žalosti. Također smo u našem programu obilježili sve značajne godišnjice iz bliže i dalje prošlosti sa akcentom na agresiju na našu zemlju.

RAMAZANSKI PROGRAM

Već po tradiciji i na zadovoljstvo naših vjernih slušaoca, realiziran je Bajramski program. U suradnji sa Bihaćkim muftijstvom i Medžlisom IZ Bihać, realizirali smo svako jutro od 03.30 -05.00 sati (sa vremenskim oscilacijama kako se pomjeralo vrijeme sabaha) emisiju "Zore Allahove milosti". U TV produkciji preuzimali smo polusatnu emisiju "Ramazanske noći". U vrijeme Bajramskih blagdana, realizirane su posebne radijske emisije sa gostima prema prilagođenoj programskoj šemi. Također smo i tokom 2022.godine imali specijalni program u povodu Kurban i Ramazanskog Bajrama.

SCENSKO-TEATARSKI FESTIVAL „BIHAĆKO LJETO“ i „ULICOM BIŠĆA“

Radio USK je u okviru prijednevnog i poslijepodnevnog programa realizirao preglede najznačajnijih dešavanja na festivalu, a takođe i nekoliko emisija u kojim su gosti bili umjetnici i eminentne ličnosti iz oblasti scenskih umjetnosti. Također i sve što se dešavalo tokom manifestacije „Ulicom Bišća“.

4.12. Značajni događaji

U povodu značajnih historijskih događaja Unsko-sanskog kantona i BiH/dvadeset i devete godine od početka agresije na BiH, formiranja Armije RBiH i 5. Korpusa, brigada 5. Korpusa, godišnjice stradanja Bošnjaka Ljutočke doline, Dana USK-a itd. Radio USK emitirao je specijalne emisije i programe u kojima su gosti bili starješine i borci A RBiH, načelnici općina i predstavnici zakonodavne i izvršne vlasti USK-a. Uživo smo prenosili i Svečanu akademiju posvećenu 29. godišnjici formiranja 5. korpusa A RBiH.

Za vrijeme državnih praznika takođe je realiziran program sa prilagođenom programskom šemom. Posebne sadržaje emitirali smo u povodu godišnjica pogibija bosanskih heroja,slavnih bitaka,uspjeha boraca 5.korpusa i A RBiH.

SJEDNICE SKUPŠTINE USK

Radio USK je uz toku 2022. godine prenosio sve redovne i vanredne sjednice Skupštine Unsko-sanskog kantona putem mreže svojih predajnika i interneta. U toku prijenosa nismo pravili prekide već smo u cjelosti prenosili zasjedanja.

IZBORNI PROGRAM

Kako je 2022.godina bila izborna za više organe Vlasti, krajnje profesionalno smo se ponašali u toku izborne kampanje a u skladu sa RAK-ovim pravilima smo ispoštovali sve profesionalne kodekse. Emitovali smo neposredna obraćanja, Debate te Izborne Hronike.

4.13. Organizacija, kadrovi i obrazovna struktura

Zaposlenici Radija USK obavljali su dnevne zadatke i aktivnosti u prostorijama koje nisu adekvatne za rad. Radni prostori su zatvorenog tipa, nema prirodnog svjetla, no i pored ovih otežavajućih okolnosti uposleni u radiju obavljali su svoje radne zadatke profesionalno i odgovorno. U toku 2021.godine došlo je do poboljšanja uvjeta, što se tiče same opreme i ambijenta za rad. Ono što je najveći problem je nedostatak novinara u programu Radija USK, koji nam ne dozvoljava izlazak van studija i realizaciju projekata, koji bi nam omogućili više marketinških sadržaja i bolju prodaju medijskog prostora. Stoga smatramo da bi bilo prioritetno zapošljavanje još nekoliko novinara i voditelja programa.

Postojeća organizacijska struktura:

1. Izv.dir.radija/mr.ekonomije /VSS,VIII/stepen.....	1
2. Urednik informativnog program/VSS,VIII stepen/mr.književnosti.....	1
3. Urednik Revijalno zabavnog programa,VSS,VII stepen, diplomirani pravnik.....	1
4. Novinar inf.programa,VSS VII stepen.....	1
5. Novinar – voditelj /SSS/.....	2
6. Novinar u redakciji revijalno z. SSS.....	0
7. Muzički saradnik /SSS/.....	1
8. Montažer.....SSS.....	1
9. Realizator /SSS/.....	3
U k u p n o:	11

4.14. Napomene

Tokom 2022. godine, nastavili smo sa dobrom praksom poboljšanja medijskih sadržaja i ostali smo najslušaniji i najuticajniji Radio na području Kantona i šire. Otvorili smo naš program zbog cjelokupne situacije, tako da slušatelji u svakom trenutku mogu učestvovati u istom svojim prijedlozima i sugestijama. Epitet Najboljeg Radija dali su nam sami slušatelji, što nas posebno raduje. Ono što nas koči da budemo još bolji, evidentan je manjak radnika u programu, samim tim i ovaj uspjeh je značajniji. Svaka lokalna radio stanica ima duplo više radnika od nas. U prošloj godini i dalje su na liječenju bila dva radnika, koji su nažalost onkološki pacijenti. Zbog Covida 19,obolijevanja naših kolega, nekih čak i po dva puta, trudili smo se da ne trpi program. Moram istaći da je to jako teško i uz velike žrtve onih koji često vode sami cijeli program.Sve to traži psihički i fizički napor. Radnici počesto rade i bez slobodnih dana, dolaze sa godišnjeg odmora. Sve samo da ne izgubimo ugled koji imamo.U toku ove godine smo ugasili analogne signale što je tražio RAK od nas, ali smo takodjer i dobili Dozvolu za rad za narednih 10 godina.

Uz veliki trud i odricanje, uspijevamo biti prvi u plasmanu informacija do naših slušatelja. Želimo istaknuti da bi nam u realizaciji programskih ciljeva, bilo prijeko potrebno povećati broj novinara u samom programu. Nadamo se da će osnivač u tom pogledu imati razumijevanja za nas. Pored svih teškoća uspjeli smo obezbijediti dva nova računara, promijeniti nekoliko stolica a u 2023.,trebat će nam novi monitori te kancelarijske stolice za studio Radija koji su u jako lošem stanju.

5. FINANSIJSKI IZVJEŠTAJ ZA PERIOD 01.01.2022.-31.12.2022.GODINE

Finansijski izvještaji JP "RTV USK-a" d.o.o. Bihać za obračunski period 01.01.2022. - 31.12.2022. godine urađeni su u skladu sa Zakona o računovodstvu i primjenom kompletnih MRS i MSFI - Međunarodnih računovodstvenih standarda i Međunarodnih standarda finansijskog izvještavanja. Isti su sačinjeni po načelu historijskog troška. Računovodstvene politike dosljedno su primjenjivane u svim periodima predstavljenim u ovim finansijskim izvještajima i u skladu su s računovodstvenim politikama korištenim u prethodnoj godini.

5.1. Prihodi

Prihodi od pruženih usluga priznaju se u bilansu uspjeha po stepenu dovršenosti. Stepenu dovršenosti mjeri se kao odnos troškova nastalih do datuma bilansa i planiranih ukupnih troškova iz ugovora. Prihodi od prodaje iz ostalih aktivnosti priznaju se u bilansu uspjeha, isključujući PDV, u trenutku isporuke proizvoda kupcu, ispostavljena je faktura, koju kupac nije osporio. Iznos prihoda se može pouzdano izmjeriti na osnovu fakture, ugovora ili naplaćenog iznosa. Postoji vjerovatnoća, odnosno potpuna izvjesnost da će ekonomske koristi vezane za transakciju pritijecati u Društvo. Prihodi od prodaje ulaganja (stalnih sredstava) utvrđeni su kao razlika između postignute prodajne cijene ulaganja i knjigovodstvene vrijednosti ulaganja (stalnog sredstva). Prihodi od kamata su priznati na osnovu naplaćenog prihoda koji se odnosi na kamate.

Pregled ostvarenih prihoda u BAM

konto/ grupa konta	POZICIJA	01.01 - 31.12			INDEX	
		2022	2021	2020	3/4x100	3/5x100
0	1	2	3	4	5	6
6211	Prihodi od zakupa	172.559	179.605	181.609	96	95
6213	Prihodi od marketinga	383.414	355.008	280.883	108	137
65	Ostali poslovni prihodi	2.032.266	1.719.829	2.058.435	118	99
66	Finansijski prihodi	31	30	2	103	1550
67	Ostali prihodi i dobici	21.076	1.281	1.596	1645	1321
69	Prihodi iz osnova pr.rač.politika i iz ranijih per.	29	1.790	5.567	2	1
	UKUPNO PRIHODI	2.609.375	2.257.543	2.528.092	116	3

Ostvareni ukupan prihod u periodu 01.01.2022. do 31.12.2022. godini, iznosi: 2.609.375 KM, što je u odnosu na isti period prethodne godine povećanje za 351.832 KM ili 15,6 %. Sve pozicije prihoda su zabilježile rast osim prihoda od zakupa.

U ukupnoj strukturi prihoda najznačajnija stavka su prihodi iz budžeta. Ovi prihodi najvećim dijelom se ostvaruju po osnovu granta za sufinansiranje poslovanja koji je u 2022. godini iznosio 1,9 mil KM i koji je u cijelosti iskorišten u svrhu isplate bruto plaće uposlenicima. Po istom osnovu stečen je i prihod u iznosu 93.270 KM koji je isplaćen u martu 2022. godine a odnosio se na pokriće troškova iz prethodne godine.

Prihodi po osnovu pruženih usluga u 2022. godini iznosili su 555.973 KM i u odnosu na prethodnu godinu veći su za 21.360 KM ili 4%. U strukturi ovih prihoda, prihodi od usluga

marketinga iznose 383.414 KM odnosno 69% i u odnosu na prethodnu godinu rasli su za 8%. Prihodi od zakupa iznosili su 172.559 KM i manji su za 4% u odnosu na prethodnu godinu kao posljedica smanjenja mjesečno ugovorene najamnine zbog smanjenja broja zakupljenih lokacija kod jednog od aktivnih zakupoprimaca.

Ostali prihodi evidentirani u toku 2022. godine bilježili su značajniji rast u 2022. godini nastao je po osnovu otpisa obaveza prvenstveno iz otpisa naknade za šume obračunate u prethodnim po osnovu zastare.

5.2. Rashodi

Rashodi su priznati u bilansu uspjeha na osnovu direktne povezanosti između nastalih troškova i specifičnih stavki prihoda, po principu sučeljavanja prihoda i rashoda. Priznavanje rashoda vršeno je istodobno i sa priznavanjem povećanja obaveza ili smanjenja sredstava bez obzira da li su plaćene ili ne. Prema tome svi rashodi koji su nastali i koji se odnose na obračunski period, priznati su u bilansu uspjeha bez obzira da li se istovremeno radi o odlivu gotovine ili ne.

Pregled ostvarenih rashoda u BAM

konto/ grupa konta	POZICIJA	01.01 - 31.12.		INDEX		
		2022	2021	2020	3/4X100	3/5X100
0	1	3	4	5	6	7
51	Materijalni troškovi	55.091	66.318	77.026	83	72
✓ 52	Troškovi plaća i ostalih ličnih primanja	2.177.564	1.857.732	1.917.641	117	114
✓ 53	Troškovi proizvodnih usluga	27.253	86.155	69.569	32	39
✓ 54	Amortizacija troškovi rezervisanja	284.912	249.310	180.912	114	157
✓ 55	Nematerijalni troškovi	130.828	136.251	106.439	96	123
✓ 56	Finansijski rashodi (235 do 239)	25.389	29.290	2.748	87	924
✓ 57	Ostali rashodi i gubici	18.666	3.046	4.556	613	410
✓ 59	Rashodi iz osnova prorač.pol. i iz ranijih per.	9.426	8.805	1.939	107	486
	UKUPNO RASHODI	2.729.129	2.436.907	2.360.830	112	116

Ostvareni ukupni rashodi u obračunskom periodu 2022. godine, iznose: 2.729.129 KM što je u odnosu na isti period prethodne godine povećanje za 292.222 KM ili 12%.

2.1. Troškovi plaća i ostalih ličnih primanja

U ukupnoj strukturi rashoda nastalih u 2022. godini najznačajniji su troškovi plaća i naknada plaća zaposlenima u iznosu od 2.177.564 KM što je 79% ukupnih rashoda. U odnosu na isti period prethodne godine rashodi po ovom osnovu veći su za 319.832 KM ili 17%.

Izveštaj rada za 2022. godinu sa finansijskim planom

TROŠKOVI PLAĆA I OSTALIH LIČNIH PRIMANJA	31.12.2022.	31.12.2021.
Troškovi plaća i naknada plaća zaposlenima	1.888.218	1.616.036
Troškovi ostalih primanja, naknada i prava zaposlenih	259.454	230.234
Troškovi naknada ostalim fizičkim licima	29.892	11.462
UKUPNO	2.177.564	1.857.732

2.2. Troškovi amortizacije

U strukturi ukupnih rashoda drugi po veličini su troškovi amortizacije koji su u 2022. godini iznosili 284.912 KM što je 10,4% ukupnih rashoda. U odnosu na isti period prethodne godine ovi troškovi bilježe povećanje za 35.602 KM ili 14% kao posljedica evidentiranja amortizacije po osnovu imovine s pravom korištenja na zgradu Agrama za cijelu godinu dok je u 2021. godini obračun zakupa počeo od aprila i nije obuhvatio cijelu poslovnu godinu.

TROŠKOVI AMORTIZACIJE	31.12.2022.	31.12.2021.
Nekretnine, postrojenja i oprema	168.173	78.928
Imovina s pravom korištenja	115.885	168.851
Nematerijalna imovina	854	1.531
UKUPNO	284.912	249.310

2.3. Nematerijalni troškovi

Nematerijalni troškovi u iznosu 130.828 KM čine 4,8% ukupnih rashoda i u odnosu na isti period prethodne godine ovaj rashod ima smanjenje za 5.423 KM ili 4%.

NEMATERIJALNI TROŠKOVI	31.12.2022.	31.12.2021.
Troškovi ostalih usluga	9.697	14.279
Troškovi poreza, naknada, taksi i dr. na teret pravnog lica	27.348	35.094
Troškovi poštanskih i telekomunikacijskih usluga	13.537	15.311
Troškovi reprezentacije	6.331	5.458
Troškovi platnog prometa	4.133	4.550
Troškovi premija osiguranja	2.228	1.872
Troškovi članskih doprinosa i sl. obaveza	380	585
Ostali nematerijalni troškovi	67.174	59.102
UKUPNO	130.828	136.251

2.4. Troškovi proizvodnih usluga

Troškovi proizvodnih usluga u iznosu 27.253 KM koji čine 1% ukupnih rashoda u odnosu na isti period prethodne godine smanjeni su za 58.902 KM ili 60%.

TROŠKOVI PROIZVODNIH USLUGA	31.12.2022.	31.12.2021.
Troškovi izrade i dorade učinka	1.333	57.065
Troškovi usluga održavanja	14.563	15.521
Troškovi reklame i sponzorstva	2.742	8.036
Troškovi zakupa	355	5.533
Troškovi ostalih usluga	8.260	0
UKUPNO	27.253	86.155

2.5. Materijalni troškovi

Materijalni troškovi u iznosu 55.091 KM čine 2% ukupnih rashoda i u odnosu na isti period prethodne godine smanjeni su za 11.227 KM ili 17%.

MATERIJALNI TROŠKOVI	31.12.2021.	31.12.2021.
Utrošena energija i gorivo	44.979	51.640
Utrošene sirovine i materijal	7.321	9.311
Otpis sitnog inventara, ambalaže i autoguma	2.613	5.235
Utrošeni rezervni dijelovi	178	132
UKUPNO	55.091	66.318

2.6. Financijski rashodi

Financijski rashodi u 2022. godini iznose 25.389 KM i manji su za 3.901 KM ili 13% u odnosu na 2021. godinu. Strukturu financijskih rashoda čine rashodi kamata iz redovnog poslovanja i čije je učešće ukupnoj strukturi manje od 1% te na kamate obračunate na imovinu s pravom korištenja po osnovu zakupa (sjedište Društva – zgrada Agram i 3 repetitora) koja je obračunata za cijelu godinu korištenja.

FINANCIJSKI RASHODI	31.12.2022.	31.12.2021.
Rashodi kamata iz poslovanja	472	350
Rashodi kamata od imovine s pravom korištenja	24.917	28.940
UKUPNO	25.389	29.290

2.7. Ostali rashodi i gubici

Ostali rashodi i gubici u 2022. godini iznose 18.666 KM i veći su za 15.620 KM u odnosu na 2021. godinu iz razloga otpisa zastarjelih potraživanja od osnivača koji u ukupnoj strukturi imaju najznačajnije učešće.

OSTALI RASHODI I GUBICI	31.12.2022.	31.12.2021.
Rashodi po osnovu ispravke vrijednosti i otpisa potraživanja	17.300	1.803
Gubici od prodaje i rashodovanja stalnih sredstava	1.358	680
Rashodi i gubici na zalihama i ostali rashodi	8	563
UKUPNO	18.666	3.046

2.8. Rashodi po osnovu ispravke grešaka iz ranijih perioda

Rashodi po osnovu ispravke grešaka iz ranijih perioda u 2022. godini iznose 9.426 KM i veći su za 2.560 KM ili 7% u odnosu na 2021. godinu.

RASHODI IZ OSNOVA PROMJENA RAČUN. POLITIKA I	31.12.2022.	31.12.2021.
--	-------------	-------------

ISPRAVKI NEZNAČAJNIH GREŠAKA IZ RANIJIH PERIODA

Rashodi iz osnova ispravki grešaka iz ranijih godina	9.426	8.805
UKUPNO	9.426	8.085

5.3. Financijski rezultat

Društvo je na dan 31.12.2022. godine iskazalo gubitak od poslovanja u iznosu od 119.754 KM.

konto/ grupa konta	POZICIJA	01.01 - 31.12			INDEX	
		2022	2021	2020	3/4X100	3/5X100
	UKUPNO PRIHODI	2.609.375	2.257.543	2.528.092	116	3
	UKUPNO RASHODI	2.729.129	2.436.907	2.360.830	112	116
	Neto dobit (gubitak)	(119.754)	(179.364)	167.262	67	21

3. IZVJEŠTAJ O FINANCIJSKOM POLOŽAJU NA DAN 31.12.2022. GODINE

Društvo je na dan 31.12.2022. godine iskazalo vrijednost ukupne imovine, odnosno ukupnu vrijednost kapitala i obaveza u iznosu 1.626.780 KM. Uključujući i iznos vanbilansne evidencije ukupna vrijednost iznosila je 1.739.987 KM.

Bilansna pozicija	2022. godina	2021. godina
Dugoročna imovina	972.137	1.261.268
Nekretnine, postrojenja i oprema	549.401	696.162
Imovina s pravom korištenja	381.770	497.656
Nematerijalna imovina	0	1.566
Ostala imovina i potraživanja	40.966	65.884
Kratkoročna imovina	654.643	775.778
Zalihe	2.012	0
Potraživanja od kupaca	87.323	61.953
Novac i novčani ekvivalenti	301.129	302.237
Ostala imovina i potraživanja, uključujući i razgraničenja	264.179	411.588
UKUPNO IMOVINA	1.626.780	2.037.046
Vanbilansna evidencija	112.607	112.607
UKUPNO IMOVINA I VANBILANSNA EVIDENCIJA	1.739.387	2.149.653
Vlasnički kapital	2.916.475	2.916.475
Državni kapital	2.916.475	2.916.475
Gubitak	(2.126.108)	(2.006.352)
Akumulirani, nepokriveni gubici iz prethodnih perioda	(2.006.354)	(1.826.990)
Gubitak tekućeg perioda	(119.754)	(179.362)
UKUPNO KAPITAL	790.367	910.123
Dugoročne obaveze	535.893	682.293
Odgođeni prihod	21.711	27.309
Ostale obaveze, uključujući i razgraničenja	514.182	654.984
Kratkoročne obaveze	300.520	444.630
Financijske obaveze po amortizovanom trošku	95.942	133.624
Obaveze za porez na dobit	1.826	19.619
Ostale obaveze, uključujući i razgraničenja	202.752	291.387
UKUPNO OBAVEZE	836.413	1.126.923
UKUPNO KAPITAL I OBAVEZE	1.626.780	2.037.046
Vanbilansna evidencija	112.607	112.607

UKUPNO KAPITAL I OBAVEZE I VANBILANSA EVIDENCIJA	1.739.387	2.149.653
--	-----------	-----------

4.1. Dugoročna imovina

U poslovnim knjigama društva na dan 31.12.2022. godine iskazana je dugoročna imovina u vrijednosti 972.137 KM a odnosi se na vrijednost nekretnina, postrojenja i opreme, imovinu s pravom korištenja te ostalu imovinu i potraživanja.

Nekretnine, postrojenja i oprema na dan 31.12.2022. godine obuhvataju građevinske objekte u vrijednosti 308.349 KM, postrojenja, opremu i namještaj u vrijednosti 224.367, transportna sredstva u vrijednosti 10.985 KM, zemljište u vrijednosti 5.470 i materijalna sredstva u pripremi u iznosu 230 KM.

Na dan 31.12.2022. godine nema evidentiranih nematerijalnih stalnih sredstava.

U skladu sa zahtjevima MSFI 16 Najmovi, društvo - najmoprimac je priznalo imovinu s pravom korištenja i obaveze po osnovu najma na lokacijama Vršić-općina Bosanski Petrovac, Hairlahovića Brdo-Grad Cazin i Keserovića Brdo-Općina Velika Kladuša te po Ugovoru o zakupu sa Agraminvest d.o.o. Mostar na period od 5 godina.

Ostala dugoročna razgraničenja na dan 31.12.2022. godine evidentirana su u iznosu od 40.966 KM, a odnose se na razgraničene kamate na najam.

3.2. Kratkoročna imovina

Zalihe na dan 31.12.2022. godine evidentirane su u poslovnim knjigama društva u iznosu od 2.012 KM a odnose se na zalihe sitnog inventara i auto-guma.

U poslovnim knjigama društva potraživanja od kupaca na dan 31.12.2022. godine evidentirana su u iznosu 87.323 KM, a ista se odnose na potraživanja od kupaca u zemlji i veća su nego prethodne godine za 25.370 KM. Kao sumnjiva i sporna potraživanja na 31.12.2022. godine evidentirana su potraživanja od kupaca u iznosu od 1.215 KM.

U poslovnim knjigama društva na dan 31.12.2022. godine iskazana je vrijednost novca i novčanih ekvivalenata u iznosu 301.129 KM. Novčana sredstva su deponovana na transakcijskim računima otvorenim kod banaka u iznosu 300.959 te u blagajni i iznosu 170 KM za potrebe redovnog poslovanja.

Ostala imovina i potraživanja odnosi se na potraživanja iz budžeta u iznosu 158.333 KM (grant za decembar 2022. godine), potraživanja za PDV iznosu 92.288 KM (privremeno neodbitni ulazni PDV koji se odnosi na ulazni PDV po zaključenom Ugovoru o zakupu sa Agraminvest d.o.o. Mostar i PDV na čekanju) i potraživanja za refundacije naknada plaća po osnovu bolovanja u iznosu 13.558 KM.

3.3. Kapital

Kapital na dan sastavljanja finansijskih izvještaja iskazan je u iznosu od 790.367 KM. Osnovni kapital u iznosu 2.208.554 KM odnosi se na uplaćeni državni kapital koji je 2016. godine povećan za dodatnih 707.921 KM. U prethodnom periodu akumuliran je gubitak u iznosu 2.006.354. Gubitak za period 01.01.2022.-31.12.2022. godine iskazan je u iznosu od 119.754 KM.

3.4. Dugoročne obaveze

Dugoročne obaveze obuhvataju odgođene prihode na dan 31.12.2022. godine u iznosu 21.711 KM, a odnose se na odložene prihode iz donacija i pomoći (donirana oprema od strane Turske uprave za međunarodnu saradnju i razvoj -TIKA u iznosu od 91.048 KM stavljena je u upotrebu 2013. godine u skladu sa MRS-20 Računovodstvo državnih davanja) i ostale obaveze, uključujući i razgraničenja koje na dan 31.12.2022. godine iznose 514.182 KM i odnose se na dugoročne obaveze po osnovu najma u skladu sa MSFI-a 16 Najmovi.

3.5. Kratkoročne obaveze

Kratkoročne obaveze društva na dan 31.12.2022. godine iznose od 95.942 KM i obuhvataju obaveze društva prema dobavljačima u iznosu 60.716 KM koje su manje nego prethodne godine za 29.738 KM, obaveze po osnovu najmova u iznosu 19.116 KM koje se odnose na kratkoročni dio dugoročnih obaveza po ovom osnovu te na obaveze po osnovu Ugovora o okvirnom kratkoročnom kreditu po transakcijskom računu koje su na dan 31.12.2022. godine iznosile 16.110 KM.

Obaveze po osnovu članarina i taksu su nastale po osnovu zakonskih propisa koji nalažu obračun i uplatu istih po godišnjem obračunu na dan bilansiranja iznose 1.826 KM (naknada za šume za 2022. godinu).

Ostale obaveze, uključujući i razgraničenja odnose se na obavezu za neto plaću i prateće poreze i doprinose za decembar 2022. godine te obavezu za PDV po PDV prijavi za decembar 2022. godine.

U poslovnim knjigama društva, u kategoriji vanbilansne evidencije, na dan 31.12.2022. godine evidentirana je oprema u iznosu 112.607 KM na osnovu Sporazuma o korištenju opreme sa JP RTV Bihać d.o.o. Bihać iz 2013. godine.

5.4. Dodatne napomene

Na prijedlog Ministarstva obrazovanja, nauke, kulture i sporta, dana 30.12.2021. godine, Vlada Unsko – sanskog kantona donijela je Odluku o izmjenama Odluke o usvajanju Programa utroška sredstava grant za 2021. godinu po kojoj se povećava vrijednost granta i iznosi 1.743.270 KM. Ova Odluka objavljena je 21.01.2022. godine u Službenom glasniku Unsko – sanskog kantona broj 2. Razlika novčanih sredstava po osnovu povećanja granta u

iznosu od 93.270 KM uplaćena je 08.03.2022. godine te kao događaj nastao nakon datuma bilanca nije ušla u obračun 2021. godine nego je evidentirana kao prihod u 2022. godini.

Društvo je imalo kontrolu direktnih poreza od strane Porezne uprave za period 01.01.2017. do 31.12.2021. godine. Kontrolom su utvrđene dodatne obaveze u iznosu 100.853,79 KM po Zapisniku o kontroli broj: 13-1/02-12-20-128-1/2022 od 06.05.2022. godine. Na Rješenje o dodatno utvrđenim obavezama društvo je 06.06.2022. godine podnijelo žalbu Federalnom ministarstvu finansija (veza broj: 3-1/02-12-20-128-3/2022 od 31.05.2022. godine).

Osnovni kapital društva iznosi 2.916.475 KM, a ukupni gubitak na dan 31.12.2022. godine iznosi 2.126.108 KM. Kada u društvu gubitak dostigne preko 50% iznosa osnovnog kapitala tada je u društvu nastala neadekvatnost kapitala. Zakonom o finansijskom poslovanju u FBiH (Službene novine FBiH broj 48/2016) Uprava je dužna poduzeti sve potrebne mjere da društvo raspolaze s dovoljno dugoročnih izvora finansiranja, te da vrši praćenje adekvatnosti kapitala i poduzima mjere u vezi s tim.

6. ZAKLJUČNA RAZMATRANJA

2022. godinu obilježilo je svakako to što smo osigurali produženje dozvole za emitovanje programa od strane Regulatorne agencije za komunikacije i to na period od pet godina,

Uz dobijanje dozvole prošlu godinu je obilježilo i privodjenje kraju aktivnosti RAK-a na digitalizaciji u emitovanju. Nakon što je taj proces tapkao u mjestu duže od deset godina pred kraj 2022.godine potpisan je ugovor i završena je i posljednja faza digitalizacije te je stigla potvrda RAK-a da će MULTIPLEKS biti u funkciji s početka 2023.godine što se i obistinilo. Već u prvim mjesecima ove godine počelo je emitovanje digitalnog signala Televizije Unsko-sanskog kantona na zemaljskoj mreži. Sa ovim je zaokružena priča o digitalizaciji i sada smo ušli u porodicu medija koji su ovaj proces uspješno okončali, samim tim produžili svoje postojanje jer, kao što i znate, jedan od uslova ulaska u EU jeste upravo digitalizacija medija.

Što se tiče Radija USK osigurali smo po prvi put dozvolu o emitovanju na 10 godina. Za radio smo uradili preciznu kalkulaciju kako bi se ovaj medij stavio u još bolju funkciju sa boljom pokrivenošću, ali svakako za takav proces nam je potrebna finansijska podrška osnivača jer, kao što znate, mi smo na grantu i sredstva koja dobijamo su isključivo za plaće zaposlenika i ne rijetko trebamo i namirivati. Sve ostale obaveze prema radnicima (topli obrok, putni troškovi, umrline kao i svi materijani troškovi, oprema, gorivo, održavanje itd..) pokrivamo vlastitim sredstvima.

Godinu 2022. u programskom smislu obilježili su i Opći izbori. U ranijem dijelu izvještaja ukratko smo opisali realizaciju tog zadatka. U zaključku samo napomena da smo i taj zadatak realizirali besprijekorno. Zabilježili smo jednu primjedbu jednog političkog subjekta koji je RAK odbacio kao neutemeljen i bespredmetan.

Tokom 2022. godine TV USK-a oslonila se na postojeći urednički, novinarski, snimateljski, montažerski, realizatorski i ostali kadrovski potencijal, koji se uglavnom nije bitnije mijenjao. Novih zapošljavanja nije bilo osim angažmana jednog voditelja preko Zavoda za

zapošljavanje i to pod kraj godine. Radilo se o šestomjesečnoj obuci. Tokom 2022. godine dvije novinarki i to iz redakcije Kulturno-zabavnog programna su se porodile i otvorile porodiljno bolovanje što je uz ostala bolovanja i korištenje godišnjih odmora na trenutke pričinjavalo odredjen probleme u organizaciji rada redakcije.

Konstantno imamo nedostatak mladih kadrova te novih lica jer mi smo TV, a pogotovo jer od 2022. god.nemamo mogućnost angažmana preko studentskog servisa (jedini je ugašen) tako da vrlo često budemo u teškim situacijama, ali nekako uspijevamo.

Ostvareni ukupan prihod u periodu 01.01.2022. do 31.12.2022. godini, iznosi: 2.609.375 KM, što je u odnosu na isti period prethodne godine povećanje za 351.832 KM ili 15,6 %. Sve pozicije prihoda su zabilježile rast, osim prihoda od zakupa.U ukupnoj strukturi prihoda najznačajnija stavka su prihodi iz budžeta.

Ovi prihodi najvećim dijelom se ostvaruju po osnovu granta za sufinansiranje poslovanja dodijeljenog od Vlade USK koji je u 2022. godini iznosio 1,9 mil KM i koji je u cijelosti iskorišten u svrhu isplate bruto plata radnicima.

Prihodi po osnovu pruženih usluga u 2022. godini iznosili su 555.973 KM i u odnosu na prethodnu godinu veći su za 21.360 KM ili 4%. U strukturi ovih prihoda, prihodi od usluga marketinga iznose 383.414 KM, odnosno 69% i u odnosu na prethodnu godinu rasli su za 8%. Prihodi od zakupa iznosili su 172.559 KM i manji su za 4% u odnosu na prethodnu godinu kao posljedica smanjenja mjesečno ugovorene najamnine zbog smanjenja broja zakupa.

Moramo istaknuti da su nam i dva predajnika ugašena po nalogu RAK zbog navodnog ometanja signala od državnog značaja. Nadamo se i dalje podršci koju smo imali u predhodnim godinama od našeg Osnivača Skupštine kao i Vlade USK kako bi i nadalje ovaj medij koji jedini distribuira istinite i provjerene informacije, koje ponekad i budu nešto sporije od portala koji se održavaju na senzacijama i populizmu, a također neke ozbilnije teme i priče jednostavno kopiraju i to uglavnom oni bez impresuma i jednog novinara ili urednika.

Dostavljeno:

-Naslovu,

-a/a



Direktorica

Irma Pašić

Na osnovu člana 11. m) odjeljka A poglavlja V Ustava Unsko-sanskog kantona-
prečišćeni tekst ("Službeni glasnik Unsko-sanskog kantona", broj: 01/04 i 11/04), člana 95. stav
(2) Poslovnika o radu Skupštine Unsko-sanskog kantona ("Službeni glasnik Unsko-sanskog
kantona", broj: 9/17), na prijedlog Vlade Unsko-sanskog kantona, Skupština Unsko-sanskog
kantona, na sjednici održanoj _____ 2023. godine, d o n o s i

ODLUKU

I

Ne usvaja se Izvještaj o radu i finansijskom poslovanju JP "RTV USK" d.o.o. Bihać za
2022. godinu zbog negativnog poslovanja.

II

Ova Odluka stupa na snagu danom donošenja i objavit će se u "Službenom glasniku
Unsko-sanskog kantona".

Predsjedavajući Skupštine
Unsko-sanskog kantona
Jasmin Musić, mr. politologije

Broj:

Datum: